

Ե. ՄՈՎՍԻՍՅԱՆ

**ՏԵՂԱԿԱՆ ՊԱՐԱՐՏԱՆՅՈՒԹԵՐՆ
ՈՒ ՆՐԱՆՑ
ՕԳՏԱԳՈՐԾՈՒՄԸ**

ՀՍ.ԹՊԵՏԷՐԱՏ

ԵՐԵՎԱՆ

1942

631.89

4683

Մ-91 | Մոզմայան, Լ.
Տեղական պարսրականություն
ու նրանց օգրագրություն

3n. 254

Ե. ՄՈՎՍԻՍՅԱՆ

631.86/87

Մ-91

ՍՏՈՒԳՎԱՄ Է 1961


ՏԵՂԱԿԱՆ ՊԱՐԱՐՏԱՆՅՈՒԹԵՐՆ
ՈՒ ՆՐԱՆՑ
ՕԳՏԱԳՈՐԾՈՒՄԸ

4683

A $\frac{2}{1817}$

Հ Ա Յ Պ Ե Տ Հ Ր Ա Տ
Ե Ր Ե Վ Ա Ն 1942





ԽՄԲԱԳՐՈՒԹՅԱՆ ԿՈՂՄԻՑ

«Հատուկ ուշադրություն դարձնել գումարի և մյուս տեղական պարարտանյութերի ռացիոնալ պահպանման և օգտագործման վրա»:

(Համ Կ(բ) Պ-ի XVIII համագումարի որոշումից)

Հողերի բերքատուլթյունը բարձրացնելու գործում պարարտացումը ճանաչված է որպես հիմնական միջոցառում. ավելի քան 100 տարվա պրակտիկան ապացուցել է նրա առաջնակարգ դերը ագրոկոմպլեքսի մեջ: Ստալինյան հնգամյակների ընթացքում Սովետական Միության մեջ հիմնվել է քիմիական հանքային պարարտանյութերի հզոր արտադրություն. դրա հետ միասին մեծ ուշադրություն է դարձվել նաև տեղական պարարտանյութերի օգտագործման վրա: Ինչպես հաճախ, այնպես էլ XVIII պարտհամագումարը սրեց այդ խնդիրը՝ ընդունելով հետևյալ որոշումը. «Լիկվիդացիայի ենթարկել հանքային պարարտանյութերի կորուստները. հատուկ ուշադրություն դարձնել գումարի և տեղական մյուս պարարտանյութերի ռացիոնալ պահպանման և օգտագործման վրա»:

Պարզ է, որ Հայրենական մեծ պատերազմի պայմաններում հանքային պարարտանյութերի նկատելի պակաս է լինելու և այդ դրությունը կարող է շարունակվել պատերազմից հետո ևս որոշ ժամանակ: Սակայն այդ դրությունը, այսինքն՝ հանքային պարարտանյութերի ժամանակավոր պակասությունը երբեք էլ չի կարող բերքատուլթյան անկման պատճառ լինել: Բարձր ազրոտնխնիկական ֆոնի վրա՝ տեղական պարարտանյութերի բոլոր միջոցների ճիշտ կիրառումը լրիվ կերպով կարող է ապահովել բարձր բերքը՝ գոնե առաջիկա մի քանի տարում:

Հայկական ՍՍՌ-ի Ժողկոմսովետի և ՀԿ(բ)Պ-ի Կենտկոմի 1941 թ. դեկտեմբերի 6-ի որոշման համաձայն 1942 թվին մեր ռեսպուբլիկայի սահմաններում զաշտ է տեղափոխվելու 1,300,000 տոնն գոմաղբ: Այդ պլանը միանգամայն ռեալ է և պարտավոր. ենք ամեն կերպ կենսագործել: Այդքան գոմաղբը պարունակում է՝ 6000 տոնն ազոտ, 2400 տոնն ֆոսֆորական թթու և 7200 տոնն կալի. այդքան սննդանյութերը գտնվում են մոտավորապես 70,000 տոնն գործարանային-հանքային պարարտանյութերի մեջ: Եթե սրան ավելացնենք նաև հսկայական քանակություն կաղմող մոխիրը, ֆեկալային պա-

բարտանյութերը, տորֆը, գործարանային և գյուղատնտեսական ամեն տեսակի թափուկները՝ ապա կստացվեն ոչ պակաս քան 200,000 տոնն հանքային պարարտանյութի արժեք ունեցող տեղական պարարտանյութեր: Սրա հետ միասին չպետք է մոռանալ, որ տեղական պարարտանյութերի մեծ մասն ունի այնպիսի մի կարևոր նյութ, որպիսին չունի ոչ մի հանքային պարարտանյութ, դա՛ օրգանական նյութն է:

Մեր տեղական պարարտանյութերը ճիշտ օգտագործելու դեպքում ամենահամեստ հաշվումներով կստացվի մոտ 500,000 ցենտներ հավելյալ բերք. մինչդեռ այդ նույն պարարտանյութերը սխալ գործադրելու պատճառով մենք կզրկվենք ոչ միայն այդ հավելյալ բերքից, այլև կիջեցնենք հողերի բերքատվությունը:

Չնայած այն բացառիկ կարևոր նշանակությանը և այն ուշադրությանը, որին արժանացել են տեղական պարարտանյութերը պետական և պարտիական վերադաս օրգանների կողմից, պետք է խոստովանել, որ տեղերում մեծ չափով թերազնահատվել են այդ նյութերը: Ո՞ւմ համար պարզ չէ, որ այդ արժեքավոր նյութերն ընդհանուր առմամբ շատ անխնամ են պահվում և մեծ մասամբ օգտագործվում են սխալ ձևով: Փաստ է, որ մեր ռեսպուբլիկայում մինչև հիմա չունենք ոչ մի հատ կուլտուրական գոմաղբամբար, գոմաղբահեղուկի հոր, կոմպոստացման փոս, մոխրի և ֆեկալային պարարտանյութերի օգտագործման ճիշտ սխեմա և այլն, թեև այդ բոլորի մասին եզել են բազմաթիվ որոշումներ, հրահանգներ և հրամաններ, և զրեթե բոլոր ռայոնների պարտադիր ազրոկանոնների մեջ կան համապատասխան կետեր այդ մասին:

Հրատարակության հանձնելով ընկ. Մովսիսյանի սույն աշխատությունը՝ Ռեսպուբլիկական Գիտահետազոտական Դաշտավարական կայանը նպատակ է ունեցել ծանոթացնել մեր ազրոնոմներին, բրիգադիրներին և կոլխոզային լայն մասսային այն մեթոդները, որոնց կիրառման դեպքում տեղական պարարտանյութերի օգտագործումից կարելի է ստանալ ցանկացած էֆեկտ: Սույն աշխատության մեջ օգտագործվել են առաջավոր գյուղատնտեսական գրահանության մեջ եղած ավյալները, ՄՍՌՄ և ՀՍՍՌ Հողօգոգոմատի ցուցմունքները, ինչպես նաև հեղինակի և կայանի մյուս գիտական աշխատողների կատարած մի շարք հետազոտական աշխատանքների և ղիտոզությունների արգյունքները:

I. ԳՈՄԱՂԲ

Ի՞նչու է Ի՞նչու Ե՛ ԱՌԱՋԱՆՈՒՄ ԳՈՄԱՂԲԸ

Գոմաղբը երեք նյութի, այն է՝ թրիքի, մեղի և ցամքարի խառնուրդ է, որը կույտերի կամ փոսերի մեջ ենթարկվելով մի շարք փոփոխությունների՝ դառնում է զրեթե միատեսակ, գորշ գույնի մի նյութ: Հետևաբար պարզ է, որ պարարտացման համար պատրաստվող գոմաղբի քանակի և որակի վրա ազդում են կենդանու թրիքը, մեղը և ցամքարը. այնուհետև՝ մեծ նշանակություն ունեն այն պայմանները, որոնց մեջ պահվում է գոմաղբը, որովհետև զբանցից են կախված գոմաղբի նյութերի կրած փոփոխությունները:

Պակաս նշանակություն չունի և այն հարցը, թե ինչպես է օգտագործվում պատրաստի գոմաղբը, որովհետև ամենալավ գոմաղբի սխալ գործադրման դեպքում ոչ մի արդյունք չի ստացվի: Այդ հերթականությունը էլ ծանոթանանք գոմաղբի բաղադրիչ մասերի, գոմաղբը պահելու և ճիշտ օգտագործելու խնդիրներին:

Կերը, որով սնվում են գյուղատնտեսական կենդանիները, բաղկացած է մարավող և անմարս նյութերից. կենդանու մարմնի միջով անցնելով՝ մարավող նյութերն օգտագործում է կենդանին, նրանց հաշվին ապրում և աճում է նա, և զանազան մթերքներ առաջացնում: Կերի մյուս մասը, առանց մարավելու, կենդանու աղիքներից դուրս է գալիս, որ և կազմում է թրիքը:

Կյանքի և աշխատանքի ընթացքում կենդանու մարմնի նյութերը կամաց-կամաց քայքայվում և դուրս են գալիս. այդ նյութերի հաշվին տաքանում է կենդանին, աշխատում է, շարժվում և այլն: Քայքայվող այդ նյութերի մի մասն ամթաթթու գազի (CO_2) և ջրի գոլորշու ձևով դուրս է գալիս թոքերից: Քայքայվող նյութերի մյուս մասը կենդանու մարմնից դուրս է գալիս մեղի հետ: Ուրեմն մեղն այն հեղուկն է, որի հետ դուրս են գալիս մի ժամանակ կենդանու մարմինը կազմող նյութերը:

Ցամքարն այն նյութն է, որ գոմերում փռում են գյուղատն-

տեսական կենդանիների տակ, որպեսզի տավարի նստելու տեղը չոր, տաք և փափուկ լինի: Որպես ցամաքար գործ են անում զանազան նյութեր՝ ծղոտ, տերև, չոր մուխոտ, փայտի թեփ, տորֆ, չորացրած աղբ (փեյին) և այլն: Ցամաքարը, վերջիվերջո խառնվում է թրիֆին ու մեզին և մտնում է գոմաղբի կազմութան մեջ:

Պարարացման համար գործադրվող գոմաղբի մեջ մեզ առաջին հերթին հետաքրքրում են այն նյութերը, որոնք դառնալու են բույսերի սնունդ, դրանք են՝ ազոտը (N), ֆոսֆորաթթուն (P_2O_5) և կալիումը (K_2O): Սրանց հետ միասին կարևոր դեր են կատարում նաև գոմաղբի օրգանական նյութերը, որոնք անհրաժեշտ են հողի ֆիզիկական և մի քանի այլ հատկութունները լավացնելու համար:

Գոմաղբի քիմիական կազմութան վրա մեծ չափով ազդում է թրիքի, մեզի և ցամաքարի քիմիական կազմը, ըստ որում, թրիքի և մեզի կազմը մեծ չափով կախված է կերի որակից: Վոլֆի փորձերը ցույց են տվել, որ կերի մեջ գտնվող օրգանական նյութերը, ազոտն ու մոխրային նյութերը՝ հետևյալ քանակներով են դուրս գալիս հասակն առած կենդանու թրիքի և մեզի հետ.

	օրգ. նյութ	ազոտ	մոխիր
Եթև կերի հետ արված է	100 մաս	100 մաս	100 մաս
Ապա թրիքի հետ դուրս է գալիս	42,5 »	40,1 »	59,7 »
Մեզի հետ դուրս է գալիս	3,4 »	47,2 »	39,0 »
Ընդամենը դուրս է գալիս	45,9	87,3	98,7

Այս թվերից պարզ երևում է, որ կերի հետ արված օրգանական նյութերի գրեթե կեսը ($45,9\%$), ազոտի մեծագույն մասը ($87,3\%$), իսկ մոխրի համարյա ամբողջ քանակը ($98,7\%$) դուրս են գալիս կենդանու մարմնից:

Չնայած այս ընդհանուր թվերին՝ պետք է ասել, որ կերը որքան զփվարամարս լինի և ազոտով ու մոխրային նյութերով հարուստ, այնքան ավելի էլ նրանից գոյացող թրիքը հարուստ կլինի օրգանական նյութերով և սննդանյութերով:

Թրիքն ու մեզը տարբեր որակի են լինում նաև նայած այն բանին, թե ինչ կենդանուց է ստացվել, ինչ տարիք ունի կենդանին, աշխատող կենդանի է, թե կաթնատու, և այլն և այլն: Առանց մանրամասնութունների մեջ մտնելու՝ № 1 աղյուսակով ցույց տանք՝ մի քանի գյուղատնտեսական կենդանիների թրիքի ու մեզի քիմիական միջին կազմութունը:

	Զուր	Չոր նյութ	Ազոտ N	Փոսֆոր P ₂ O ₅	Կալի K ₂ O	Կիր CaO
Քրիի						
Խոշոր եղջյուրավոր անասունի . . .	83,8	16,2	0,29	0,17	0,31	0,34
Զիռ	75,7	24,3	0,44	0,35	0,35	0,15
Ոչխարի	65,5	34,5	0,55	0,31	0,15	0,46
Խոզի	82,0	18,0	0,60	0,41	0,26	0,09
Մեզ						
Խոշոր եղջյուրավոր անասունի . . .	90,1	9,9	1,55	0,0	1,50	0,45
Զիռ	93,8	6,2	0,58	0,0	0,49	0,01
Ոչխարի	87,2	12,8	1,95	0,01	2,26	0,16
Խոզի	96,7	3,3	0,43	0,07	0,83	0,01

Ինչպես երևում է աղյուսակից, թրիքներից ամենաչորը ոչխարինն է, ապա՝ ձիունը, ամենաջրիկը խոշոր եղջյուրավոր անասուններին է: Մեզն առհասարակ ավելի շատ ազոտ (N) և կալի (K₂O) է պարունակում, քան թրիքը. մեզի մեջ ֆոսֆորաթթու (P₂O₅) դրեթե չկա, թրիքի մեջ ֆոսֆորաթթուն միշտ ավելի շատ է լինում, քան թե ազոտը: Ամենաքիչ ազոտը և ֆոսֆորաթթուն դանվում են խոշոր եղջյուրավոր կենդանու թրիքի մեջ. ազոտով ամենահարուստը ոչխարի և տավարի մեզն է. թրիքներից ազոտով ամենահարուստը խոզինն է և ոչխարինը. կալիով աչքի է ընկնում տավարի և ոչխարի մեզը:

Այս բոլորից պարզ է դառնում, թե գոմաղբի որակի վրա ինչքան մեծ ազդեցություն է անում մեզը և թե որպիսի խնամքով պետք է այն պահպանել կորստից, քանի որ մեզի հետ գուրս է դալիս ազոտի և կալիի ամենամեծ մասը. մեզը կորցնելը նշանակում է կորցնել գոմաղբի պարարտացնող կարողություն մեծ մասը:

Գոմաղբի քանակի և որակի վրա մեծ ազդեցություն է անում ցամաքան իր ծծող հատկությունը և քիմիական կազմով: Լավ ցամաքարը գոմը պահում է սանիտարական առողջ դրություն մեջ, անասունների տակ չոր է մնում և նրանց նստելու համար տաք ու փափուկ տեղ է պատրաստում: Լավ ցամաքարի շնորհիվ բարձրանում է տավարի կաթնատվությունը: Ցամաքան իր ծծող հատկության շնորհիվ թույլ չի տալիս, որ կենդանու մեզը և թրիքի հեղուկը հեռանան: Ամենալավ ցամաքան այն նյութն է, որն ավելի շատ ընդունակ է հեղուկ նյութեր ծծելու: Այս տեսակետից լավագույն ցամաքան է սորբֆը, նրանից հետո դարմանը. մյուս նյութերի ջուր կլանելու

ընդունակութիւնն այնքան էլ բարձր չէ. տորֆ կամ դարման չլինելու դեպքում կարելի է և մյուս նյութերն օգտագործել: Վերջերս Հայաստանի մի քանի շրջաններում հայտնաբերված տորֆը մեծ նշանակութիւն կարող է ունենալ այդ շրջանների գոմերը ցամաքով ապահովելու տեսակետից: Քանի որ դարմանը առայժմ մեծ մասամբ գործածվում է որպէս կեր, ուստի ամբողջովին չի կարող գործադրվել ցամաքի համար: Սակայն սոցիալիստական անասնապահութեան մեջ կերի բաղան լավորակ կերերով (ցանովի խոտեր, մարգագետինների խոտեր, խտացրած կերեր և այլն) ուժեղացնելուն զուգընթաց՝ ծղոտը պետք է գործադրվի ցամաքի համար: Մի փոքր ջարդելուց կամ կտրատելուց հետո՝ ծղոտը կդառնա լավ որակի ցամաք:

Դեռևս աշնանից, անասունների կերի հետ միասին, պետք է նաև պատրաստել անհրաժեշտ քանակութեամբ ցամաք, որի համար կարելի է օգտագործել շատ բաներ՝ տորֆը, ավելորդ ծղոտը, հին փչացած դարմանը, կերի մնացորդները, փայտի թեփը, չոր մուլախոտերը (կթե սերմ չունեն), տերևները և այլն: Ծայրահեղ դեպքում, երբ ստիպված են հողն օգտագործել որպէս ցամաք, պետք է դրա համար ընտրել ամենալավ սևահողը, կամ այդու լավ և չորացրած հողը: Ինչ վերաբերում է ցամաքի քիմիական կազմութեանը՝ ապա այդ կարելի է տեսնել № 2 աղյուսակից: Թվերը ցույց են տալիս տոկոսները.

ՅԱՄՔԱՐԱՆՅՈՒԹԵՐԻ ՔԻՄԻԱԿԱՆ ԿԱԶՄԸ

Աղյուսակ 2

Ցամաքի տեսակը	Չուր	Օրգ. նյութ	Մոխիր	Ազոտ N	Ֆոսֆոր P ₂ O ₅	Կալի K ₂ O
Հացարույսերի ծղոտ	15,00	80,0	5,0	0,4	0,25	0,90
Թիթեռնածղկավորի ծղոտ	16,0	78,0	6,0	1,0	0,30	0,20
Տերևներ	14,0	78,0	8,0	0,8	0,35	0,25
Թեփ	25,0	71,0	4,0	0,2	0,30	0,70
Տորֆ (մարգագետնային)	30,0	63,0	7,0	1,5	0,35	0,30

Պարզ է, որ ազոտով, ֆոսֆորով և կալիով հարուստ ցամաքն այդ նյութերով կհարստացնի նաև դոմաղը: Այս տեսակետից էլ առաջին տեղը նույնպես պետք է տորֆին տալ:

Դոմաղը ընդհանուր քանակութեան և նրա որակի վրա մեծ ազդեցութիւն է անում նաև ցամաքի քանակը: Այս տեսակետից հետաքրքիր է իմանալ, թե ուցիոնալ անասնապահութեան մեջ յուրաքանչյուր կենդանուն օրական որքան ցամաք պետք է տալ: Ցամաքի քանակութիւնն անշուշտ կախված է նրա ծծող հատկութիւնից. որքան շատ ծծելու հատկութիւնն ունի ցամաքը՝ այնքան նրա

քիչ քանակութիւնը բավական կլինի տավարի տակը չոր պահելու համար: ԱՅ աղյուսակում տալիս ենք մեկ օրում մեկ կենդանու համար անհրաժեշտ ցամքարի քանակութիւնը կիլոգրամներով.

ՅԱՄՔԱՐԻ ՆՈՐՄԱՆ 1 ՕՐՈՒՄ ԿԼԳ-ՆԵՐՈՎ Աղյուսակ ԱՅ

Կենդանի	Հացարույսի ծրուս	Թիթեոնածաղկի ծրուս	Թեփ	Տորֆ	Տերե
Խոշոր եղջուրավոր անասուն	3-5	4-6	8-10	3-4	4-6
Զի	3-4	4-5	6-8	2-3	4-5
Ոչխար	½-1	1-2	2	¼-½	½-1
Խոզ	1½-3	2-3	3	½-1	1½-3

Պարզ է, որ ցամքարի պահանջը, ինչպես և գոմաղբի քանակը հաշվելիս՝ պետք է հաշվի առնել միայն այն օրերի թիվը, երբ կենդանին գտնվում է գոմում կապված:

Գոմաղբի ֆառակի հաշվումը. Բաղմաթիվ փորձերը ցույց են տվել, որ պատրաստի գոմաղբի մեջ ջուրը և չոր նյութերը հետևյալ չափով են լինում.

Զիւ գոմաղբ	Չուր՝	71%	չոր նյութ՝	29%
Խոշ. եղջ. անաս. »		78%	»	22%
Ոչխարի »		65%	»	35%
Խոզի »		72%	»	28%

Սակայն միջին հաշվով ընդունում են, որ նորմալ գոմաղբի 75%-ը ջուր է, իսկ 25%-ը՝ չոր նյութ: Ուրեմն յուրաքանչյուր 4 մաս գոմաղբից 1 մասը չոր նյութ է, իսկ 3 մասը ջուր: Այստեղից երևում է, որ գոմաղբի չոր նյութերի քանակը բաղմապատկելով 4-ով՝ կըտտանանք գոմաղբի քանակութիւնը:

Իսկ ի՞նչ նյութերից են գոյանում գոմաղբի չոր նյութերը: Ինչպես տեսանք, դրանք առաջանում են կերի չոր նյութերի կեսից և ցամքարից: Ուրեմն կերի մեջ եղած չոր նյութերի կեսին գումարած ցամքարի չոր նյութերը՝ կլինի գոմաղբի մեջ եղած չոր նյութերի քանակը. և եթե այդ քանակը բաղմապատկենք 4-ով՝ կստանանք գոմաղբի քանակը: Ահա այսպիսի դատողութիւններից և բաղմաթիվ փորձերից հետո Վոլֆը հետևյալ ֆորմուլան է առաջարկել գոմաղբի քանակը որոշելու համար.

$$\text{Գոմաղբի քանակը} = \left(\frac{A}{2} + b \right) \times 4, \text{ որտեղ}$$

Ա—կերբի չոր նյութերի քանակն է, իսկ

Բ—ցամքարի չոր նյութերի քանակը:

Անշուշտ այս ֆորմուլայից կարելի է օգտվել և գոմաղբի քանակը հաշվել ոչ միայն մեկ կենդանուց մեկ օրվա, այլ ամբողջ տընտեսութեան տավարից մեկ տարվա կամ մեկ սեզոնի ընթացքում ստացվելիք գոմաղբը:

Գոմաղբի քանակը երբեմն հաշվում են հետևյալ կերպ: Ընդունում են, որ յուրաքանչյուր 1000 կիլոգրամ կենդանի քաշից մսուրային շրջանի մեկ օրում ստացվում է 72 կիլոգրամ գոմաղբ:

Արդեն պատրաստի գոմաղբի քանակը որոշելու համար քար ու կշեռք բանեցնելու կարիք չկա: Ինուս Բուսենկոն որոշել է մեկ խոքանարդ մետր գոմաղբի քաշը քայքայման տարբեր աստիճաններում և գտել է, որ՝

Չսղմած թարմ գոմաղբը կշռում է	400	կիլոգրամ
Սղմած թարմ » »	700	»
Կիսաքայքայված » »	800	»
Լավ հասած և սղմած »	900	»

Օգտվելով այս թվերից՝ կարելի է որոշել եղած գոմաղբի քանակութունը, ինչպես նաև իմանալ առաջուց, թե տվյալ գոմից սպասվող գոմաղբի համար ինչ մեծութեան փոսեր կամ այլ ընդունարաններ պետք է պատրաստել:

ԻՆՉՊԵՍ ԵՆ ԼԱՎՈՐԱԿ ԳՈՄԱՂԲ ՊԱՏՐԱՍՏՈՒՄ

Նախքան այն խնդրին անցնելը, թե ինչպես պահել գոմաղբը՝ նրանից բարձրորակ պարարտանյութ պատրաստելու համար, ավելորդ է չենք համարում նկարագրել այն դրութիւնը, որ տիրում է մեզ մոտ՝ գոմաղբի օգտագործման վերաբերյալ: Մեր շրջաններում գոմաղբ են անվանում մի աղբակույտ, որը շատ հեռու է այդ անունը կրելու իրավունքից. այդ աղբակույտի մեջ գոմաղբի որակական ցուցանիշներից ոչ մեկը (ոչ օրգանական նյութը, ոչ էլ ազոտը) լավ դրութեան մեջ չէ: Գոնե գոմաղբի այն ավելցուկը, որ մնում է վառելիքի կարիքը բավարարելուց հետո, պահվել ինչպես հարկն է և գործածվել պարարտացման համար. գոնե վառելիքով ապահովված շրջաններում գոմաղբը պահվել և օգտագործվել այնպես, ինչպես պահանջում է զիտական գյուղատնտեսութիւնը: Վերջպես գոնե տավարի մեղր կամ գոմաղբահեղուկն օգտագործվել իբրև պարարտանյութ, քանի որ դրանք որպես վառելիք՝ ոչ մի նշանակութիւն չունեն, իսկ պարարտացնող նշանակութիւնը խիստ մեծ է:

Այդպես եղել է մինչև հիմա. այդպես չպետք է լինի այսուհետև

1. Գումաղբի պահպանումը տավարի ոտների տակ՝ գումում. Պարտացածան նպատակով ամենալավ որակի գումաղբ պատրաստելու ձևերից մեկն այն է, որ գումաղբը պահում են գոմի մեջ, տավարի ոտների տակ: Գոմը շինում են կիսազեանափոր, հատակը լավ ամրացնում են այնպես, որ մեզը չծծվի նրա մեջ: Մուրները շինում են շարժական և տեղը հաճախ փոփոխում են: Այս պայմաններում տավարի թրիքը և մեզը թափվում է հատակի վրա և նույն տավարի ոտների տակ խառնվելով ցամաքարին՝ համաչափ տարածվում է ամբողջ գոմի մեջ: Տավարն այս դեպքում աստիճանաբար բարձրանում է իր ոտների տակ կուտակված գումաղբի վրա: Շարժական մուրները նույնպես աստիճանաբար բարձրացնում են: Այս պայմաններում գումաղբը միշտ մնում է ամուր դրուժյան մեջ և բավարար խոնավությամբ: Թարմ օդը զրեթե չի մտնում գումաղբի մեջ, և այդ պայմաններում գումաղբը ազոտի չափազանց քիչ կորուստ է ունենում: Ստացված գումաղբը լինում է լավագույն որակի: Օրգանական նյութերի կորուստն էլ մեծ չի լինում:

Մերկերի մի փորձը՝ կատարված Լաուխշոնդտի փորձնական անտեսության մեջ՝ ցույց է տվել, որ այս ձևով պատրաստած գումաղբից ազոտի ընդհանուր քանակության 13% է կորել, մինչդեռ գումաղբի լավ հարմարեցված, այն էլ կտուրով ծածկված հորերից կորել է ազոտի 37%₁₀-ը:

Լավորակ գումաղբ պատրաստելու տեսակետից այս մեթոդի առավելությունը մյուս մեթոդների նկատմամբ անվիճելի է. սակայն չպետք է մտածել միայն գումաղբի որակի մասին, այլ պետք է ուշադրություն դարձնել նաև գոմի և այնտեղ ապրող տավարի կյանքի սանիտարական դրուժյան վրա: Այսպիսի գոմերում ապրող տավարը և նրանից ստացված կաթնամթերքն անկասկած խիստ կտուժեն սանիտարական վատ պայմաններից:

Այս ձևի գումաղբ պատրաստելու պայմանները հետևյալն են. խիտ, թաց և սառը դրուժյուն. պահպանելով նույն սկզբունքը՝ կարելի է պատրաստել նույն որակի գումաղբ՝ գոմից դուրս, առանց միաս հասցնելու տավարի առողջությանը և նրանից ստացվող կաթնամթերքի որակին:

2. «Ազնիվ» կամ «տաֆ» գումաղբ. Կրանցն առաջարկել է գումաղբ պահելու մի ձև, որի էությունը հետևյալն է. ամենօրյա գումաղբը գոմից հանելուց հետո փոխադրում են փոսերը կամ աղբահույտերը և առանց ամրացնելու, փուխը դրուժյամբ թողնում են 3—4 օր, որից հետո ամրացնում և թողնում են մինչև հասունանալու: Կույտը 3—4 օր փուխը վիճակում մնալով՝ խիստ տաքանում է, շնորհիվ այն բանի, որ օդն ազատ մուտք է գործում նրա մեջ: Կույ-

տերում ապրող այերոք բախտերիաներն սկսում են շատ արագութեամբ քայքայել օրգանական նյութերը, և դրա հետևանքով շերմաստիճանը կույտի մեջ արագութեամբ բարձրանում է մինչև 65—70°: Զերմութունն այդ աստիճանի հասնելուց հետո՝ կոխտելով կույտն ամրացնում են այնպես, որ օդն այլևս չկարողանա թափանցել նրա մեջ: Գոմաղբի մի քանի շերտ նույն կարգով իրար վրա դարսելով՝ կույտի հաստութունը հասցնում են 3 մետրի: կույտի մեջ շերմաստիճանը իջնում է. նյութերի հետագա քայքայումն ընթանում է սովորական «սառը» գոմաղբի նման:

Այս մեթոդի առավելութուններից են համարում շերմաստիճանի արագ բարձրանալը, որից օրգանական բարդ նյութերը մասնամբ պարզ դրութեան են վերածվում, ինչպես նաև մոլախոտերի սերմերը և մի շարք ֆիսասակար օրգանիզմները ոչնչանում են:

Բայց ինչպես ցույց են տվել մի քանի սովետական գիտնականների փորձերը՝ «աղնիվ» գոմաղբը իր որակով և բերքատվութունը բարձրացնելու կարողութեամբ առավելութուններ ունի միայն գյուղացիական անխնամ վիճակում պահված գոմաղբի նկատմամբ: Երբ համեմատել են գոմաղբամբարներում «սառը» եղանակով պահված գոմաղբի հետ՝ տեսել են, որ «աղնիվ» գոմաղբը ոչ մի առավելութուն չունի. ընդհակառակը, պարզվել է, որ ստացվում է ավելի վատ որակի գոմաղբ, ազոտի և օրգանական նյութերի ավելի մեծ կորուստ, ազոտն ավելի անմատչելի վիճակի է վերածվում և այլն: Այն, որ «տաք» գոմաղբի կույտերում մոլախոտերի սերմերը ոչնչանում են, ճիշտ է, բայց նույնը տեղի է ունենում նաև «սառը» գոմաղբի կույտերում, որի նկարագրութեանը և անցնում ենք:

3. Գոմաղբի պահպանումն աղբամբարներում «սառը» եղանակով. Գոմաղբ պահելու կուլտուրական ամենատարածված ձևն այն է, որ հատուկ աղբամբարներում գոմաղբն առանձին խնամքով պահում են՝ լավորակ պարարտանյութի վերածելու համար: Գոմաղբամբարի կառուցվածքի և գոմաղբն այնտեղ պահելու պայմանների մասին Միլոթենական Հողօրդկոմատը մշակել և իջեցրել է մի հատուկ հրահանգ, որից համապատասխան հատվածը մեջ ենք բերում թարգմանաբար:

ԳՈՄԱՂԲԱՄԲԱՐԻ ԿԱՌՈՒՑՎԱԾՔԸ


Գոմերից դուրս բերվող գոմաղբն անհրաժեշտ է պահպանել գոմաղբամբարներում: Կոխողային յուրաքանչյուր ֆերմային և ախոտին կից աղբամբար շինելը պարտադիր է:

Ստացված գոմաղբն ամեն օր ուղղակի դաշտ տանելը և այնտեղ մեծ ու կանոնավոր կույտերով դարսելը լիք է լավ ցանկութուն է,

քայց այդ միջոցառումը հաճախ գոմաղբի փշացման պատճառ է դառնում:

Ձմեռվա ընթացքում գոմաղբը փոքր քանակություններով տեղափոխելիս՝ կանոնավոր կույտերում դարսել հնարավոր չի լինում, որովհետև տեղափոխելիս ճանապարհին գոմաղբը սառչում է, իսկ նախապես սկսած ու դեռ չավարտած կույտը ձյունով ծածկվում է և գոմաղբը թափվում է՝ անկանոն կույտով: Սառած գոմաղբը մինչև դարուն չի քայքայվում, իսկ սառչելու պատճառով գոմաղբից ամոնիակի նկատելի կորուստ է լինում:

ԳՈՄԱՂԲ ԱՄԲԱՐԻ ԿԱՌՈՒՑՎԱԾՔՆ ԸՆՅ
ՍՍՈՄ-Ի ՆԺԿԻ ԳՅՈՒՂԾՈՒՄ
ՆԱԽԱԳԾԻ



Նկ. 1.

Այդպիսի չքայքայված ծղոտախառը գոմաղբը վարնանացան կուլտուրաների տակ մտցնելով ոչ միայն բերքի բարձրացում չի կատարվում, այլ հաճախ նույնիսկ բերքի անկում է լինում:

Ուշ աշնան անձրևների հետևանքով, ինչպես նաև վաղ վարնան ձյունը հալչելու պատճառով գոմաղբի դաշտ տեղափոխելը դժվարանում է ճանապարհների վատանալուց, գոմաղբամբար չլինելու գեպքում գոմաղբը թափվում է դոմի շրջապատում՝ կույտերով, որից և կորչում է նրա պարարտացնող արժեքավոր որակը: Կոլխոզներում բարձր որակի մեծ քանակությամբ գոմաղբ ստանալու համար ամենից առաջ անհրաժեշտ է գոմերին կից կառուցել գոմաղբամբարներ:

Կոլխոզներում գոմաղբի պահպանումը գոմաղբամբարներում կազմակերպելը ոչ միայն ազրոտեխնիկական, այլև սանիտարական մեծ նշանակություն ունի: Գոմաղբն ամեն օր գոմաղբամբար-

բում հավաքելը լիկվիդացիայի է ենթարկում վարակիչ և գյուղա-
անտեսական կենդանիների ճճվային հիվանդությունների մասսա-
յական տարածման աղբյուրները:

Սույն հրահանգի մեջ նկարագրվում է տիպիկ գոմաղբամբարի
կառուցումը՝ 300 տոնն գոմաղբ պահելու համար, որպիսի քանակու-
թյունը կհավաքվի 2,5—3 ամսում՝ 100 գլուխ խոշոր եղջյուրավոր անա-
սունից: Այդպիսի գոմաղբամբարը բաղկացած է փոստրակից (КОТЛО-
ВАНА) (խոր կամ սաղր), վերերկրյա պատերից—թումբերից, աղբահե-
ղուկի երկու հորերից և երկու վայրէջքից (СПУСК)՝ սայլերով կամ
ավտոմեքենաներով այնտեղ մտնելու և դուրս գալու համար:

Աղբամբար կառուցելու տեղի ընտրությունը. Գոմաղբամբարը
պետք է կառուցել անասնապահական շենքերից 50 մետր և բնակելի
շենքերից ոչ պակաս քան 200 մետր հեռավորության վրա. պետք է
ընտրել բարձր և չոր մի տեղ, որը ենթակա չլինի հեղեղման և հե-
ռու լինի գետերից, լճերից, աղբյուրներից և ջրհորներից:

Գոմաղբամբարի չափսերը. 300 տոնն գոմաղբի համար կառուց-
վելիք տիպային գոմաղբամբարի հատակն ունի 9 մետր լայնություն
և 21 մետր երկարություն:

Մանրություն. Տիպային գոմաղբամբարը հաշված է պահելու համար այն գո-
մաղբը, որն ստացվում է 100 գլուխ խոշոր եղջյուրավոր անասունից՝ 2,5—3 ամսվա
ընթացքում:

Տավարի ուրիշ գլխաքանակի դեպքում գոմաղբամբարի փոստ-
րակը սարքվում է ելնելով հետևյալ հաշվումներից—գոմաղբամբարի
թեք պատերի դեպքում խոշոր եղջյուրավոր անասունի յուրաքանչյուր
1 գլխին հասնում է 2 քառ. մետր մակերես, աշխատող ձիուն՝ 1,5
քառ. մետր, մինչև 2 տարեկան ջահել խոշոր եղջյուրավոր անասունի
կամ ձիու 1 գլխին՝ 1,25 քառ. մետր, 1 մայր խոզին՝ 0,5 և ոչխա-
րին՝ 0,2 քառ. մետր: Այս չափսերը տրվում են հաշվի առնելով, որ
գոմաղբի շերտի բարձրությունը լինելու է 1,5 մետր:

Խոր փոստրակի կառուցումը. 1, 2, 3 և 4 նկարներով ցույց է
տրված մի գոմաղբամբար, որի փոստրակը 1 մետր խորություն ունի:

Փոստրակի հատակը հարթեցնում են, տալով նրան թեքություն՝
կենտրոնի երկայնական գծից դեպի գոմաղբամբարի երկար պատերի
կենտրոնը, որտեղ և կառուցվում են փոսեր՝ գոմաղբից դուրս հոսող
աղբահեղուկը (կոյաջուրը) հավաքելու համար:

Գոմաղբամբարի հատակն ու պատերը ջրի համար անթափանց
և ամուր պետք է լինի:

Կավային զրուռտի դեպքում եթե նա կիր և ուրիշ խառնուրդներ
չի նախատեսվում, հատակն, ու պատերը ներսի կողմից խնամքով

տողանում են, որպեսզի ամրանան և ջրի համար անթափանց դառնան: Ուերիչ դեպքերում դնում են լավ տրորած և «պարարտ» կավի մի շերտ՝ 20-30 սմ. հաստությամբ. կավը չկողմնակի խառնուրդներ չըպետք է պարունակի:

Գոմաղբամբարի երկու ծայրերից (նեղ կողմերից) պատրաստում են թեթև վայրէջք գեպի աղբամբարի ներսը՝ սայլերի ել ու մուտքի համար. դրան պետք է տալ 9° թեքություն և խճաքարով ծածկել: Գոմաղբամբարի ամբողջ երկարությամբ խճաքարով սալահատակում են 2,5 մետր լայնություն ունեցող սայլուղին:

Սայլուղին ունի թեթև ուռուցիկ պրոֆիլ: Հատակին ամրություն տալու համար հանձնարարվում է խճաքարով սալահատակել ամբողջ հատակը: Խճաքարը շարվում է կավից ու ավազից պատրաստած շերտի վրա: Եթե կոլտողում բավարար քանակությամբ խճաքար չկա, ապա աղբամբարի կավե հատակի վրա պետք է սալահարել խիճ (ջարգած քար), մանրախիճ, ջարգած աղյուս, իսկ անտառամերձ շրջաններում սարքել փայտի վրաքաշ (НАСТИЛ):

Փոսորակը 80-150 սմ. խորություն ունենալու դեպքում վերերկրյա պատերը շինում են հողաթմբից՝ 45° թեքությամբ: Հողաթմբի ներքին կողմը պատվում է կոխտաված կավի շերտով, իսկ դրսի կողմը՝ ճինով:

Սաղը փոսորակի կառուցումը. Գրունտային ջրերը բարձր մակարդակի վրա լինելու դեպքում գոմաղբամբարը սարքվում է սաղը փոսորակով—20—40 սմ. խորությամբ, կամ նույնիսկ՝ հողի մակերեսի վրա: Այս դեպքում գոմաղբամբարի թմբերը անտառային շրջաններում կարելի է սարքել գերաններով, իսկ անտառազուրկ վայրերում՝ թրձած աղյուսներով:


Փայտե թումբը բաղկացած է 16 սմ. տրամագիծ ունեցող նեցուկներից, որոնք թաղված են հողի մեջ ոչ պակաս, քան 1,5 մետր խորությամբ և իրարից 2—2,25 մետր հեռու են: Նեցուկների տակ դնում են 16 սմ. հաստությամբ և 50 սմ. երկարությամբ տակդիր: Նեցուկների միջև ընկած տարածությունը տախտակափակվում է 16 սմ. հաստություն ունեցող գերաններով և ձյութած խճուճով (ПАКЛЯ): Վերևից տրվում է շրջակապ՝ նույն հաստության գերաններով: Հողի երեսի վրա պատի բարձրությունը հասցվում է 80 սմ-ի: Պատերի դրսի կողմից սարքվում է կավի վրա քարապատած ճամբա՝ 70 սմ. լայնությամբ: Փայտյա բոլոր մասերը պետք է ձյութով լավ ներծծել:

Գոմաղբամբարի աղյուսն պատը սարքվում է պատնեշի նման, որի համար վերցվում է թրձած աղյուս և շարվում է կրի շաղխով՝ 1 : 2,5—1 : 3. Իրարից 2 մետր հեռավորությամբ աղյուսն սյուներ են


A 1817

4683

ԸՆՈՒՆԿԱՅՆԱԿԱՆ
ՀԱՏՈՒՄ ԸՍՏ Ա-Ծ



ԳՈՍԱՐԱՐԱՐԻ ԸՆԴԱՅՆԱԿԱՆ
ՀԱՏՈՒՄ ԸՍՏ Բ-Դ



ՆԿ. 8 և 4.

սարքվում (51×51 սմ. հատվածով), որոնց արանքը շարվում է 25 սմ. հաստությամբ աղյուսի պատ: Սյուների տակ դրվում է խամքարի հիմք, որի խորությունը պետք է վերցնել ըստ տեղի պայմանների. այդ հիմքի հատվածը 55×55 սմ. է:

Աղյուսե պատերի դեպքում գոմաղբամբարի հատակը կարելի է սարքել նույնպես աղյուսից, որը պետք է շարել կավի շաղախով՝ 10 սմ-անոց ենթալիցքի վրա: Պատերը ներսի կողմից, ինչպես նաև հատակը ձյութապատում են կամ գուգրոնապատում:

Աղբահեղուկի (կայացրի) հորի կառուցումը. կողտղում բավարարանակությամբ տորֆ լինելու դեպքում, ինչպես նաև շոգ, չոր կլիմա ունեցող շրջաններում գոմաղբի հեղուկը հավաքելու համար հատուկ հորեր չեն պատրաստում: Գոմաղբի հեղուկը ձնեցնելու համար աղբամբարի հատակին փռում են տորֆ՝ 30—50 սմ. շերտով, իսկ գոմաղբը զարսելիս երբեմն-երբեմն շերտերով տորֆ են խառնում նրան: Դրա շնորհիվ գոմաղբի հեղուկը, որն ստացվում է գոմաղբը քայքայվելիս, կլանվում է տորֆի կողմից:

Գոմաղբահեղուկի հորերի օգտակար ծավալը (2 խոր. մետր յուրաքանչյուրը) որոշված է՝ հաշվելով յուրաքանչյուր 100 տոնն գոմաղբի համար 1,33 խոր. մետր տարողություն ունեցող փոս: Աղբահեղուկի հորի պատերը սարքվում են փայտից, աղյուսից, կամ խամքարից (նկ. 5):

ԾՈՒԱՅԻ ՀՈՐԻ ԸՆԴՁԵՐԿԱՅՆԱԿԱՆ ՀԱՏՈՒՄԸ



Նկ. 5

Աղբահեղուկի հորը սարքվում է երկարավուն ուղղանկյան ձևով: Լայնությունը՝ 1,25 մետր, երկարությունը՝ 2,25 և օգտակար բարձրությունը (հատակից մինչև անցքի ներքևի եզրը) 90 սմ: Ստացվում է 0,015 անկում դեպի անցքը, այսինքն մեկ մետրի վրա 1,5 սմ. անկում:

Աղբահեղուկի հորը ծածկվում է 18 սմ. հատվածք ունեցող գե-
բաններով. ծածկի վրա լցվում է կավի շերտ: Հորից հեղուկը դուրս
քաշելու համար սարքվում է անցք՝ 110×70 սմ. մեծությամբ, որը
տեղավորվում է աղբահեղուկի հորի արտաքին ծայրում: Անցքը փակ-
վում է կրկնակի կափարիչով—վերևինը՝ 5 սանտիմետրանոց տախ-
տակներից, իսկ ներքինը՝ 3—4 սանտիմետրանոց գորբիլներից:

Աղբահեղուկի հորի պատերի շուրջը և հատակի տակ լցվում է
լավ տրորած «պարարտ» կավի 30 սմ. շերտ. կավը կողմնակի խառ-
նուրդներ չպետք է պարունակի:

Աղբահեղուկի հորի այն պատի վրա, որը գոմաղբամբարի կողմն
է գտնվում, թողնվում է մի անցք՝ 25×50 սմ. մեծությամբ՝ աղբա-
հեղուկը հոսելու համար. անցքը պետք է պաշտպանված լինի կամ
գործած և կամ փայտե ցանցով:


Դեպի աղբահեղուկի հորերը գալու համար ջրտար առվակի վրա
գրվում են տախտակներ:

Աղբահեղուկի հորն աղյուսով կառուցելիս պատերը դրվում են
1,5 աղյուսի հաստությամբ. շարվում են կավաշաղախով: Այս դեպ-
քում հորը սարքվում է կլոր՝ 168 սմ. տրամագծով և 90 սմ. օգտակար
բարձրությամբ:

Հատակը սալապատում են
աղյուսով կամ խճաքարով նույն
շաղախի վրա: Հորի պատերը
աղյուսով շարելուց և հատակը
սալապատելուց առաջ նրանց
տակ պարտադիր կարգով պետք
է դնել կավի մի հաստ շերտ:

Գոմաղբամբարի թմբերի
գրախ կողմում սարքվում են
ջրատար առուներ (տես նկ. 6)
40—60 սմ. լայնությամբ, իսկ
սալուղու կողմից՝ հողի փոքր
թմբեր, որպեսզի գոմաղբամբարը չհեղեղվի անձրևի և հալչող ձյան
ջրերից:

ՀՈՂԻ ԹՄԲԻ ԵՎ ՋՐՏ
ԱՌՎԻ ԴԵՅԱԼԸ



Նկ. 6.

ԳՈՄԱՂԲԻ ԴԱՐՍՈՒՄԸ ԳՈՄԱՂԲԱՄԲԱՐՈՒՄ

Ազոտի և օրգանական նյութի կորուստը տասնապատիկ պակաս
կլինի, եթե գոմաղբն աղբամբարում կանոնավոր դարսվի: Գոմաղբն
աղբամբար տանելիս չպետք է թույլ տալ, որ գոմաղբը ցրելի տրվի աղ-
բամբարի ամբողջ մակերեսի վրա: Գոմաղբը պետք է դարսել սկսելով
աղբամբարի մեկ ծայրից, անմիջապես օտարքելով մեծ և կանոնավոր

կույտեր (շտաբեղներ) գոմաղբամբարի երկար կողմերից մեկի ուղղութեամբ կամ երկուսի ուղղութեամբ միաժամանակ:

Գոմաղբի առաջին շարքը (շտաբեղը) լրիվ բարձրութեան դարձելուց հետո ձեռնարկում են երկրորդ շարքի դրման: Երկրորդ շարքը պետք է սերտորեն կաշի առաջինից այնպես, որպեսզի բոլոր շարքերը միասին կազմեն մի համատարած շտաբեղ-կույտ:

Գոմաղբի կույտը կողքերից խնամքով ուղղվում է այնպես, որ կույտի պատերը ուղղաձիգ լինեն, իսկ կույտի վերևը թեքութուն ունենա՝ ջուրը հոսելու համար:

Կույտի մեջ դարսած գոմաղբը վերևից ծածկում են տորֆով կամ հողի շերտով՝ 15—20 սմ. հաստութեամբ Հողային կամ տորֆային ծածկույթը նկատելի չափով կրճատում է ամոնիակի կորուստը և գոմաղբը պաշտպանում է հողմահարումից և չորացումից: Առանձնապես լավ է տորֆային ծածկույթը, որն ուժեղ կերպով կլանում է ամոնիակը:

Անհրաժեշտ է հետևել, որպեսզի գոմաղբի ջերմաստիճանը շատ չբարձրանա:

Գոմաղբը երբ բավարար խոնավութունն չի ունենում, կամ մեծ քանակութեամբ ծոցի կտորներ է պարունակում և կամ՝ փուխը է դարսած, ապա կարող է խիստ տաքանալ:

Այս դեպքում պետք է գոմաղբը լավ թրջել ջրով, գոմաղբի հեղուկով կամ մեղով:

Ձմռան շատ ցածր ջերմաստիճանն ունեցող շրջաններում կարող է պատահել, որ գոմաղբը սառած վիճակում բերվի աղբամբար:

Այդպիսի գոմաղբը դարսում են հետևյալ կերպ.—գոմաղբամբարի հատակին փռվում է 30—50 սմ. շերտով տորֆ կամ կտրատած ծոց: Ծոցի կամ տորֆի վրա լցնում են ձիու կամ ոչխարի թարմ, չսառած գոմաղբ երեքից չորս սայլ և դրանով պատրաստում են այնպես կոչված «օջախ»: Այս «օջախ» վրա սովորական կարգով դարսվում է գոմաղբը:

Ձի կարելի թույլ տալ, որ գոմաղբը շաղ արվի աղբամբարի ճանապարհին, աղբամբարի մոտերքում, գոմերի շրջակայքում և այլ տեղերում: Կոխողում ստացված ամբողջ գոմաղբը պետք է կանոնավոր դարսվի աղբամբարում:

ԳՈՄԱՂԲԻ ՊԱՀՊԱՆՈՒՄԸ ԴՈՇՏՈՒՄ

Ձմեռվա բնթացքում՝ աշխատանքից ամենադատ ժամանակ՝ կոխողներում ունեցած ամբողջ գոմաղբը պետք է գաշտ տեղափոխվի՝ օգտագործելով դրա համար սահնակ սայլի ճանապարհը:

Ձմռանը գոմաղբը գաշտ տեղափոխելիս պետք է պահպանել հետևյալ հիմնական կանոնները.

1. Դաշտ տեղափոխելիս գոմաղբը պետք է դարսվի մեծ և կանոնավոր կույտերով՝ լայնութունը ոչ պակաս 3,5—4 մետր և բարձրութունը՝ 1,5—2 մետր:

Կույտի երկարութունը կախված է տեղափոխվող գոմաղբի քանակութունից:

2. Կույտը դարսելու համար պետք է ընտրել բարձր և չոր տեղ:

3. Գոմաղբը կույտով դարսելուց առաջ փոռում են կտրատած ձողտի կամ տորֆի մի շերտ՝ 30—50 սմ. հաստությամբ:

4. Որպեսզի դաշտ տեղափոխելիս և կույտերով դարսելիս գոմաղբը չսառչի, ամբողջ կույտը պետք է սարքվի ոչ ավելի քան 1—2 օրվա ընթացքում:

5. Ձի կարելի սկսել երկրորդ կույտի (շտաբելի) կառուցումը՝ քանի դեռ առաջին կույտի դարսումը չի ավարտվել:

6. Կոլխոզնիկների անհատական օգտագործման մեջ գտնվող տավարի գոմաղբը տեղափոխելիս, փոխադրումն անհրաժեշտ է այնպես կազմակերպել, որ միանգամից մեծ կույտեր ստացվեն:

7. Կույտով դարսած գոմաղբը կողքերից և վերևից խնամքով ուղղվում է այնպես, որ կույտի պատերն ուղղաձիգ լինեն, խակ վերևն ունենա թեքութուն՝ ջուրը հոսելու համար:

8. Կույտով դարսած գոմաղբը վերևից ծածկվում է նախօրոք պատրաստված 15—20 սմ. շերտի հողով կամ տորֆով:

9. Գոմաղբն աղբամբարից դաշտ է տեղափոխվում 2—3 ամիս աղբամբարում պահվելուց հետո, այսինքն հասունացումից հետո:

ԳՈՄԱՂԲԻ ԿՈՒՅՏԻ ՄԵՋ ԿԱՏԱՐՎՈՂ ՓՈՓՈՆՈՒԹՅՈՒՆՆԵՐԸ

Գոմաղբը լավորակ պարարտանյութի վերածելու համար, ինչպես ասվեց, 2—3 ամիս պահվելու է կույտերում. այդ ժամանակի ընթացքում կույտի մեջ նյութերը խիստ փոփոխության են ենթարկվում: Այդ պրոցեսներին ցանկալի ուղղութուն տալու համար հարկավոր է ծանոթ լինել դրանց էությունը:

Գոմաղբի մեջ մտնող թրիքը, մեղն ու ցամքաբը բաղկացած են քիմիական բազմաթիվ և բազմապիսի նյութերից. ուրիշ խոսքով՝ գոմաղբն անհաշիվ նյութերի խառնուրդ է: Մենք գոմաղբի բոլոր նյութերը կբաժանենք ըստ իրենց նշանակության, մի քանի խմբերի և կծանոթանանք դրանց:

1. Ջուր. կազմում է գոմաղբի մոտ 75%₀-ը.

2. Ջոր նյութ. սրա մեջ մտնում են, ջրից զատ, մյուս բոլոր նյութերը. կազմում է գոմաղբի մոտ 25%₀-ը.

3. Օրգանական նյութեր. չոր նյութի մեծ մասն են կազմում. սրանք անխաճին (C) պարունակող նյութեր են և այրվելու ընդունակ. կազմում են գոմաղբի մոտ 20%₀-ը.

4. Ազոտ (N) պարունակող նյութեր. սրանք կարող են լինել թե օրգանական և թե անօրգանական. ընդհանուր ազոտը գոմալբի մեջ լինում է մոտ 0,50%:

5. Անօրգանական-հանքային նյութեր, կամ մոխիր, սա չոր նյութի այն մասն է, որ մնում է իբրև մոխիր գոմաղբը վառելուց հետո: Մոխրի մեջ են մտնում՝ ֆոսֆորաթթուն (P_2O_5), կալիւն (K_2O), կիրը (CaO) և այլն: Մոխրային նյութերը կազմում են գոմալբի մոտավորապես 5%:

Այս աղյուսակում (№ 4) կարելի է տեսնել թե մի քանի կենդանիներից ստացվող և պարարտացման համար պատրաստի գոմաղբն ինչ քիմիական կազմութուն ունի: Գոմաղբերն ստացվել են ձրոտի ցամաքը գործադրելուց. թվերը ցույց են տալիս տոկոսները:

ԳՈՄԱՂԲԻ ՔԻՄԻԱԿԱՆ ԿԱԶՄԸ

Աղյուսակ 4

Գոմաղբ	Ջուր	Օրգ. նյութ	Ազոտ N	Ֆոսֆոր P_2O_5	Կալի K_2O
Ձիու	71	25	0,6	0,3	0,5
Պոչոր եղջ. անասունի	78	20	0,45	0,24	0,5
Ոչխարի	65	32	0,80	0,25	0,67
Պոզի	72	25	0,45	0,20	0,6

Ձուր. Գոմաղբի կազմության մեջ մտնող նյութերից ջուրն իր քանակությամբ առաջին տեղն է գրավում (մոտ 75%)։ Գոմաղբի ջուրը (ոչ թե գոմաղբի հեղուկը, այլ ջուր՝ քիմիական իմաստով, որովհետև գոմաղբի հեղուկի մեջ բազմաթիվ նյութեր կան լուծված) թեև խիստ անհրաժեշտ է գոմաղբի մեջ կատարվող փոփոխությունների համար, բայց որպես պարարտանյութ, անմիջական դեր չի կատարում: Գոմաղբի կուլտի մեջ առատ ջուր լինելու դեպքում նրա ծակոտիները փակված են լինում, և օդն այդ տեղերը թափանցել չի կարողանում. այդ խիստ կարևոր է, և երբեմն, երբ կուլտը բավարար չափով խոնավ չի լինում, այն թրջում են հասարակ ջրով, որպեսզի ծակոտիները փակվեն և քայքայումը դանդաղի ու ցանկալի ուղղությամբ ընթանա:

Գոմաղբի օրգանական նյութերը բաղկացած են՝ կերի օրգանական նյութերի այն մասից, որը կենդանու համար անմարս լինելով, դուրս է գալիս թրիբի հետ. դրանց վրա ավելանում են ցամաքարի օրգանական նյութերը և մեղի հետ դուրս եկող չնչին քանակության նյութերը:

Թարմ գոմաղբի մեջ եղած օրգանական նյութերի մեծ մասը անխաղճի *) են. գոմաղբի կուլտի մեջ տեղի ունեցող փոփոխու-

*) Ածխաջուր կամ անխաղճաց կոչվում են անխաճնի (C), թթվածնի (O) և ջրածնի (H) այն միացությունները, որոնց մեջ H-ի թիվը՝ երկու անգամ շատ է O-ից: Ածխաջուր են բոլոր շաքարները, օսլան, փայտանյութը և այլն:

թյունները մեծ մասամբ կատարվում են օրգանական նյութերի հետ և ավելի շատ՝ ածխաջրերի հետ: Պետք է այնպիսի պայմաններ ստեղծել, որ կույտի մեջ եղած հեշտ լուծվող ածխաջրերը (շաքարները, օսլան և փայտանյութի մի մասը) քայքայվեն:

Օրգանական նյութերի քանակությունը գոմաղբի կույտի մեջ առաինճանաբար պակասում է. որքան հին է գոմաղբը, այնքան քիչ է նրա մեջ օրգանական նյութը: Դրանց քանակությունը շատ ավելի արագ է պակասում այն դեպքում, երբ գոմաղբի կույտը փութր է լինում: Լավ գոմաղբ է համարվում այն, որն առատ սննդանյութերի հետ մեկտեղ, մեծ քանակությամբ օրգանական նյութ է պարունակում: Այդ օրգանական նյութերի հաշվին գոմաղբի մեջ առաջանում են հումինյան նյութեր, որոնք հետագայում հողի մեջ դառնալու են հումուս և լավացնելու են հողի հատկությունները:

Գոմաղբի ազոտակամ նյութերը. Գոմաղբի, մանավանդ թարմ գոմաղբի ազոտը մեծ մասամբ գտնվում է օրգանական նյութերի մեջ:

Նկատի ունենալով, որ ազոտի քանակությունը և նրա հետ կատարվող փոփոխությունները գոմաղբի մեջ բացառիկ կարևոր նշանակություն ունեն՝ մենք ազոտ պարունակող նյութերի և նրանց հետ կատարվող երևույթներին առանձնակի ուշադրություն կգործենք:

Գոմաղբի որակի ցուցանիշներից հիմնականն ազոտի քանակն է ու նրա դրությունը: Գոմաղբի կույտի մեջ կատարվող փոփոխություններն ամեն դեպքում կապված են ազոտի հետ: Եթե գոմաղբի կույտից օրգանական նյութերի մասնակի կորուստը ցանկալի և երբեմն՝ անհրաժեշտ է, ապա ազոտի համար նույնն ստել չենք կարող: Ամեն կերպ պետք է պայքարել ազոտի կորստի դեմ. եթե հնարավոր է՝ ազոտը բոլորովին չպետք է կորցնել, բայց և նրան այնպիսի դրության վերածել, որ ամբողջովին օգտագործվի բույսերի կողմից: Ահավասիկ գոմաղբը պահելու ամենագլխավոր նպատակը, որին ձգառում են հասնել բոլոր միջոցներով:

Գոմաղբի մեջ անցնող նյութերից ազոտով ամենահարուստը մեզն է, որի մեջ ազոտը գտնվում է միզանյութի $[CO(NH_2)_2]$ ձևով: Թրիքի հետ գուրս եկող ազոտը մեծ մասամբ գտնվում է կիսաքայքայված սպիտակուցների, այսպես կոչված՝ ամինոքսուլների մեջ, որոնք չեն մարավել: Ազոտի զգալի մասը գտնվում է նաև թրիքի հետ գուրս եկող միկրօրգանիզմների մարմնի մեջ՝ բարդ սպիտակուցային նյութերի ձևով: Ցամքարի մեջ եղած ազոտի քանակությունն այնքան էլ մեծ չէ, բայց և այնպես նա էլ գումարվում է գոմաղբի ընդհանուր ազոտի վրա:

Ահա ազոտ պարունակող այս նյութերը, գլխավորապես միզանյութը և ամինոթթուները, գոմաղբի կույտի մեջ փոփոխության են ենթարկվում, և մի շարք դեպքերում, երբ աննորմալ պայմաններ են ստեղծված, ազոտը գրեթե ամբողջովին դուրս է գալիս գոմաղբի կույտից, վերածվում է ամոնիակ (NH_3) գազի կամ մաքուր ազոտի, և հեռանում է գոմաղբից: Ահա ազոտի այսպիսի կորուստների դեմ է որ պետք է պայքարել:

Հանգային կամ մոխրային նյութերը նրանք են, որ բույսերը վերցնում են հողից իրենց անհցողության ժամանակ: Նշանակում է՞ գոմաղբի մոխրի մեջ գտնվում են մի շարք նյութեր, որոնք անհրաժեշտ են բույսերի սննդառության համար: Գոմաղբը համարվում է լրիվ պարարտանյութ նրա համար, որ պարունակում է բույսի սննդառության համար բոլոր նյութերը: Եթե հողի մեջ մոխրային նյութերի քանակությունն ինչ-ինչ պատճառներով պակասի, ապա այդ հողի բերրիությունը կընկնի. բերրիությունը վերականգնելու համար անհրաժեշտ է այդ հողի մեջ նորից մտցնել հանքային սննդանյութերը: Երբ դաշտերը պարարտացնում են գոմաղբով, ապա դրանով հարստացնում են հողերը նաև հանքային կամ մոխրային սննդանյութերով:

Մոխրի մեջ գտնվում են բազմաթիվ նյութեր. դրանցից գլխավորներն են՝ ֆոսֆորը (P), ծծումբը (S), սիլիցիումը (Si), քլորը (Cl), կալիումը (K), նատրիումը (Na), կալցիումը (Ca), մագնեզիումը (Mg), երկաթը (Fe) և այլն: Այս բոլորից հողերը պարարտացնող նշանակություն ունեն ֆոսֆորը, կալիումը, երբեմն նաև՝ կալցիումը (կիրը), քանի որ կուլտուրական հողերի մեջ սովորաբար այդ նյութերն են շուտ սպառվում: Մյուս մոխրային նյութերի պահանջը բույսերի կողմից մեծ չէ, իսկ նորմալ հողերում միշտ էլ գտնվում են բավարար քանակությամբ:

Գոմաղբի հանքային նյութերի մեծ մասը գտնվում է օրգանական բարդ նյութերի հետ միացած վիճակում. մինչև որ այդ միացությունները չքայքայվեն և հանքային նյութերն ավելի պարզ դրության չվերածվեն՝ նրանցից բույսերն օգտվել չեն կարող: Այդ տեսակետից էլ գոմաղբի կույտի մեջ հանքային նյութերի հետ կատարվող հիմնական փոփոխությունն այն է, որ այդ նյութերը բարդ միացություններից և դժվարալուծ վիճակից վերածվում են ավելի պարզ և լուծվող դրության, և դրա շնորհիվ էլ հեշտությամբ օգտագործվում են բույսերի կողմից: Մոխրային նյութերի քանակությունը գոմաղբի կույտի մեջ չի պակասում, եթե իհարկե գոմաղբը պահված է այնպես, որ անձրևի կամ այլ ջրերը այն չեն լվացել և կամ՝ գոմաղբի հեղուկը նրանից դուրս չի հոսել:

Գոմաղբի մեջ ֆոսֆորը սովորաբար ավելի քիչ է լինում, քան

թե ազոտը, և եթե պարարտացվող հողամասը ֆոսֆորական պարարտանյութերի մեծ պահանջ ունի, այդ դեպքում գոմաղբին իբրև լրացում խառնում են ֆոսֆորական հանքային պարարտանյութ՝ սուպերֆոսֆատ: Իերքի հետ ընդհանուր հաշվով ավելի շատ ֆոսֆորական թթու է հանվում, քան թե գոմաղբի հետ վերադարձվում է նրան, որովհետև ֆոսֆորական թթվի մի մասը հատիկների մեջ կամ կենդանու միս ու կաթի հետ դուրս է գալիս տնտեսութայն սահմաններից: Այս երևույթն ավելի շատ նկատվում է մասնագիտացած հացահատիկային տնտեսություններում:

Կալիի խնդիրն ուրիշ է. գոմաղբով լրիվ և սիսեմատիկ պարարտացումը կալիով միանգամայն բավարարում է հողը, նամանավանդ եթե գոմաղբի հետ միասին օգտագործվում են նաև տնտեսութայն մեջ կուտակված մոխիրն ու այլ թափուկները:

ԲԱՎՏԵՐԻԱՆԵՐԻ ԳՈՐԾՈՒՆԵՈՒԹՅՈՒՆԸ ԳՈՄԱՂԲԻ ՄԵՋ

Գոմաղբի օրգանական և ազոտական նյութերը ձևափոխվում են՝ շնորհիվ բակտերիաների գործունեութայն: Եթե ցանկանում ենք պատրաստել լավորակ գոմաղբ, ապա պետք է ծանոթ լինենք նրա մեջ ապրող բակտերիաների գործունեութայն պայմաններին և դեկավարենք այդ գործունեությունը ցանկալի ուղղությամբ:

Գոմաղբը բազմապիսի և բազմաթիվ բակտերիաների կյանքի համար չափազանց լավ միջավայր է. այդ է պատճառը, որ գոմաղբի մեջ, մասնավանդ նրա բուռն քայքայման շրջանում, բակտերիաների թիվն անասելի չափերի է հասնում, երբևիմ թրիքի չոր նյութերի $\frac{1}{3}$ -ը բաղկացած է լինում բակտերիաների մարմիններից: Գոմաղբի մեկ գրամի մեջ միկրոօրգանիզմների ընդհանուր թիվը հասնում է մի քանի միլիոնից մինչև մի քանի միլիարդի:

Բակտերիաները գոմաղբի մեջ ընկնում են զանազան տեղերից: Հենց միայն թրիքի մեջ անհաշիվ թվով բակտերիաներ են լինում. գոմաղբի մեջ բակտերիաներ են ընկնում նաև ցամքարի հետ, գոմի հատակից, օդից և այլն: Կենդանու թարմ մեղը բակտերիաներ չի պարունակում, բայց հենց որ խառնվում է թրիքին, ցամքարին, կամ նույնիսկ շիվում է գոմի օդին՝ վարակվում է բակտերիաներով և սկսում է արագությամբ քայքայվել՝ արտադրելով ամոնիակ:

Գոմաղբի մեջ ապրող բակտերիաները ոչ միայն բազմաթիվ են, այլև բազմատեսակ: Բակտերիաների որոշ տեսակներն ապրում են օդի ներկայությամբ (այերոբ բակտերիաներ). կան և այնպիսի բակտերիաներ, որոնց համար օդի թթվածինը թունավոր է, (անայերոբ բակտերիաներ): Բակտերիաների մի խումբը քայքայում է անխաչրերը— շաքարը, օսլան, թագանթանյութը, մյուս տեսակներն ազոտական

նյութերն են փոփոխութեան ենթարկում: Վերջապես, կան բազմա-
բիաների տեսակներ, որոնք շատ լավ ապրում են 60—70° ջերմու-
թեան մեջ, մինչդեռ ուրիշ տեսակների համար 40-ից բարձր ջերմաս-
տիճանը մահացու է: Այս բոլոր միկրորգանիզմները գոմաղբի կուլտի
մեջ միմյանցից անկախ չեն ապրում. ընդհակառակը, մեկի գոյու-
թյունը և աշխատանքի արդյունքը մեծ չափով կապված է մյուս տեսակի
գործունեութեան հետ. մեկ տեսակի կյանքը մյուս տեսակի գոյութեան
համար կամ նպաստավոր, կամ մահացու պայմաններ է ստեղծում:

Գոմաղբի այդ անհամար բազմաբիաններն իրենց կյանքի նպաս-
տավոր պայմաններում խիստ արագ բազմանում, քայքայում են գո-
մաղբի օրգանական նյութերը և շատ անգամ այն գրկում են ազո-
տից. այդ է պատճառը, որ բազմաբիանների շատ տեսակների համար
գոմաղբի կուլտում պետք է ստեղծել կյանքի վատ պայմաններ: Փոր-
ձերը ցույց են տվել, որ բազմաբիանների թիվը խիստ պակասում է
օդի պակասութեան, ջերմաստիճանի բարձրանալու, սննդանյութերն
սպառվելու և այլ դեպքերում: Դրա համար էլ լավորակ գոմաղբ պատ-
րաստելու ժամանակ դիտմամբ ամրացնում են գոմաղբի կուլտը,
որպեսզի օդ չմտնի, ինչպես նաև «աղնիվ» և արհեստական գոմաղբ
պատրաստելու ժամանակ թողնում են, որ կուլտի մեջ ջերմաստիճանը
մի առժամանակ հասնի 65—70°-ի, որից հետո ամրացնում են և
թույլ չեն տալիս, որ օդն ազատ ներս մտնի. այդ պայմաններում
միկրորգանիզմների բազմանալու և կյանքի պայմանները խիստ
վատանում են, նրանց թիվը պակասում է, իսկ օրգանական և ազո-
տական նյութերի քայքայումը անայերոք պայմաններում դանդաղում
է: Գոմաղբի կուլտի մեջ միկրորգանիզմների մեծ քանակութեանը
ոչ միայն վտանգավոր է նրանով, որ օրգանական և ազոտական
նյութերի մեծ կորուստ է տեղի ունենում, այլ և նրանով, որ բազ-
մաբիաններն ազոտի հեշտ լուծվող նյութերով սնվելով՝ դրանք վերա-
ծում են սպիտակուցային բարդ նյութերի և դրանով իսկ թուլաց-
նում են գոմաղբի պարարտացնող հատկութեանը:

Գոմաղբի կուլտերում բազմաբիանների գործունեութեան, ուրեմն
և օրգանական նյութերի քայքայման առաջին նշանը ջերմաստիճանի
բարձրանալն է. գոմից նոր դուրս հանած թարմ գոմաղբը կուլտերի
մեջ սկսում է տաքանալ, և եթե կուլտերը չեն ամրացնում, ապա
ջերմաստիճանը խիստ բարձրանում է: Արագ քայքայվելուն և ջեր-
մաստիճանի բարձրանալուն նպաստում է օդի ներթափանցումը. որ-
քան փութը է դարձած գոմաղբը, այնքան օդի ազատ հոսանք է լի-
նում և կուլտի մեջ գտնվող այերոք բազմաբիաններն արագութեամբ
քայքայում են օրգանական նյութերը: Ամրացրած կուլտերում, ընդ-
հակառակը՝ օդը մուտք գործել չի կարող, ուստի և նյութերի քայքա-

յումը դանդաղ է կատարվում: Հայտնի է, որ ջերմոցների համար օդաազոթովում են ձիու և ոչ թե խոշոր եղջյուրավոր անասունի աղբը, քանի որ ձիու աղբն ավելի քիչ ջուր, ուստի՝ ավելի շատ ազատ ծա- կոտիներ ունի. նրա մեջ ավելի շատ օդ է մտնում և օրգանական նյութերն արագությամբ են քայքայվում, դրա շնորհիվ էլ գոմաղբի ջերմաստիճանը բարձրանում է, և ջերմոցն ավելի տաք է լինում:

Գոմաղբի օրգանական նյութերը քայքայվելիս վերածվում են գազերի և ջրի գոլորշիների ու հեռանում: Այերոբ պայմաններում օդի թթվածինը մտնում է կույտերի մեջ, և դուրս է գալիս ածխածթու գազը (CO_2), իսկ ոչ-այերոբ պայմաններում փայտանյութը և մի շարք ուրիշ նյութեր վերածվում են՝ գլխավորաբար մեթան կամ ճահ- ճային գազի (CH_4). Երբեմն դուրս է գալիս նաև ազատ ջրածին (H_2):

Յուհանգենը մի փորձով ցանկացավ իմանալ, թե գոմաղբի կույտի ջերմաստիճանն ինչպես է փոփոխվում և նրանից ինչքան օր- գանական նյութ է կորչում, երբ գոմաղբը մի դեպքում պահվում է փուխը դրուծյամբ, իսկ մյուս դեպքում՝ ամբարցրած վիճակում. երեք ամիս շարունակ (փետրվար, մարտ և ապրիլ) շաբաթը մեկ անգամ չափել է կույտերի ջերմաստիճանը և գտել է հետևյալը (աղյուսակ 5):

Աղյուսակ 5.

Ամսաթիվ	Օդի ջերմաս- տիճանը	Փուխը կույտի ջերմաստի- ճանը	Ամբարցրած կույտի ջերմաստի- ճանը
Փետրվարի 2-ին	-4,6 . . .	+45	+ 7
» 9-ին	- 15 . . .	+60	+ 4
» 16-ին	- 5 . . .	+57	+ 3
» 23-ին	- 1 . . .	+44	+ 8
Մարտի 2-ին	+ 2 . . .	+41	+11
» 16-ին	+ 2 . . .	+29	+11
» 30-ին	+ 9 . . .	+29	+19
Ապրիլի 6-ին	+ 5 . . .	+25	+18
» 13-ին	+ 6 . . .	+26	+21
» 20-ին	+15 . . .	+25	+20
» 27-ին	+14 . . .	+25	+19

Աղյուսակից պարզ երևում է, որ փետրվար և մարտ ամիսնե- րին, երբ դրսի օդի ջերմաստիճանը ցածր էր, գոմաղբի փուխը կույտի մեջ նա բարձրացել էր մինչև 60° -ի, իսկ ամբարցրած կույտում 19° -ից չի բարձրացել, այն էլ 19° եղել է այն ժամանակ, երբ դրսի օդի ջերմությունն եղել է $+9^\circ$, և առհասարակ երևում է, որ փուխը գոմաղբի կույտի ջերմաստիճանը միշտ բարձր է եղել, քան օդի և ամբարցրած կույտի ջերմաստիճանը:

Ավելի հետաքրքիր է այն, թե այդ կույտերից յուրաքանչյուրը որքան օրգանական նյութ և ազոտ է կորցրել՝ պահելու ամբողջ ժամանակամիջոցում: Փորձն սկսելուց 147 օր հետո Յուհանզենը երկու փոսերից միաժամանակ հանել է գոմաղբը և քիմիական անալիզ է կատարել. պարզվել է, որ փուխը պահած գոմաղբը կորցրել է օրգանական նյութերի 53⁰/₀-ը և ազոտի 34⁰/₀-ը, իսկ ամբացրած կույտը կորցրել է օրգանական նյութերի 28⁰/₀-ը և ազոտի միայն 15⁰/₀-ը: Այս փորձից շատ պարզ երևում է, թե օրգանական նյութերի և ազոտի խնայողության տեսակետից, ուրեմն և լավորակ գոմաղբ պատրաստելու տեսակետից, ինչ առավելություն ունի գոմաղբի կույտերն ամբացնելը:

Գոմաղբի պեռպեռման այն միջոցը, որը կտա գոմաղբի օրգանական նյութերի և ազոտի թեկուզ փոքրիկ խնայողություն, բայց և գոմաղբը կդարձնի լավորակ պարարտանյութ, պետք է օգտագործվի մեր շրջաններում ու կոլտնվներում, քանի որ մեր հողերը հենց այնպիսին են, որ բարձր բերք տալու համար կարիք են գգում օրգանական նյութերի և ազոտի:

ԱԶՈՏԱԿԱՆ ՆՅՈՒԹԵՐԻ ՓՈՓՈԽՈՒԹՅՈՒՆՆԵՐԸ ԳՈՄԱՂԲԻ ԿՈՒՅՏԻ ՄԵՋ

Աղոտական նյութերի քայքայումը և առհասարակ նրանց փոփոխությունները գոմաղբի մեջ՝ իհարկե մյուս նյութերի փոփոխություններից անկախ չեն կատարվում. ընդհակառակը, այդ բոլորը կատարվում է զբեթե միաժամանակ և մեկը մյուսի հետ կապված: Անաղոտ օրգանական նյութերի քայքայվելուց առաջանում է ջերմություն, և դրանից օգտվում են բակտերիաները՝ իրենց կյանքի համար: Նույն բակտերիաները կարիք ունեն նաև ազոտային սննդի և իրենց սննդաուլթյան համար օգտագործում են գոմաղբի աղոտական նյութերը:

Աղոտ պարունակող օրգանական նյութերը (միզանյութ, ամիտոթթուներ, սպիտակուցներ, և այլն) ենթարկվելով հատուկ բակտերիաների գործունեությանը՝ քայքայվում են և նրանց մեջ գտնված ազոտը միանալով ջրածնի հետ՝ վերածվում է ամոնիակի (NH₃) *): Այս պրոցեսը կոչվում է ամոնիֆիկացիա:

Ամենից հեշտ ամոնիֆիկացիայի է ենթարկվում միզանյութը:

*) Ամոնիակն անզույն զաղ է, օդից բավական թեթեւ, ունի սուր հոտ: Գոմերից, գոմաղբի կույտերից, արտաքնոցներից միշտ էլ զգացվում է այդ զազի հոտը, Ամոնիակն առաջանում է առհասարակ այն տեղերում, որտեղ փառւմ է աղոտ պարունակող օրգանական որեւէ նյութ:

Թրլիքի և ցամքարի մեջ գտնվող ազոտական նյութերը համեմատաբար դժվարութեամբ են ամոնիֆիկացիայի ենթարկվում:

Թե քնշ արագութեամբ է միզանյութը ենթարկվում ամոնիֆիկացիայի և նրա հաշվին ամոնիակ է առաջանում՝ ցույց է տալիս հետևյալ փորձը, վերցվել է կովի թարմ մեզ և իսկույն որոշվել է նրա պարունակած ընդհանուր ազոտի և ամոնիակային ազոտի քանակութունները: Այնուհետև պահվել է այդ մեզի նմուշը և ամեն 24 ժամ հետո նույն որոշումները կրկնվել են մի քանի օր ստացվել է, որ՝

Փորձի սկզբում ամոնիակը կազմել է ընդհանուր ազոտի	2,50 ⁰ / ₀ -ը
1 օր հետո	» » » » 5,00 ⁰ / ₀ -ը
2 » »	» » » » 59,00 ⁰ / ₀ -ը
3 » »	» » » » 82,00 ⁰ / ₀ -ը
4 » »	» » » » 90,00 ⁰ / ₀ -ը

Բայց երբ մեզը խառնվել է թրլիքի հետ և նույն փորձերը կրկնվել են՝ ստացվել է, որ

Փորձի սկզբում ամոնիակը կազմել է ընդհանուր ազոտի	2,50 ⁰ / ₀ -ը
1 օր հետո	» » » » 42,00 ⁰ / ₀ -ը
2 » »	» » » » 84,00 ⁰ / ₀ -ը
3 » »	» » » » 90,00 ⁰ / ₀ -ը

Նշանակում է, որ միզանյութն առհասարակ արագութեամբ է ենթարկվում ամոնիֆիկացիայի, իսկ երբ մեզը խառնված է լինում թրլիքի հետ, ապա շատ ավելի արագանում է այդ պրոցեսը: Այդ է պատճառը, որ գոմերում և արտաքնոցներում միշտ էլ ամոնիակի սուր հոտ է զգացվում: Վատ վենտիլացիա (օդափոխութուն) ունեցող գոմերում և այն դեպքում, երբ գոմադրը երկար է մնում գոմերում, ամոնիակի հոտը շատ ավելի սուր է զգացվում. այդ դրությունը, անշուշտ, վատ ազդեցութուն է թողնում թե տավարի առողջութեան և թե՛ կաթի ու կաթնամթերքի որակի վրա:

Ամոնիֆիկացիան գոմի և գոմադրի կույտերի մեջ անխուսափելի երևույթ է, որովհետև այն բակտերիաները, որոնք առաջացնում են այս փոփոխութունը, ապրում են թե՛ այերոք, և թե՛ անայերոք պայմաններում:

Ամոնիֆիկացիան ցանկալի երևույթ է այն պատճառով, որ այդ փոփոխութեան շնորհիվ ազոտի օրգանական միացութունները քայքայվում են, և նրանց ազոտը դառնում է բույսերի համար մատչելի, անօրգանական կամ հանքային նյութ (ամոնիակ և նրա միացութուններ):

Չնայած դրան, գոմադրի կույտերի մեջ կատարվող ամոնիֆիկացիան ունի և իր բացասական կողմերը՝ նախ հենց այն տեսակե-

տից, որ ամոնիֆիկացիայի հետևանքով գոյացող ամոնիակի մի մասը (իսկ վատ պահած դեպքում՝ գրեթե ամբողջը) օդն է ցնդում՝ իր հետ տանելով գոմաղբի ազոտը: Ինքնին հասկանալի է, որ կուլտուրական ձևով պահած գոմաղբի կուլտերում բոլոր միջոցները ձեռք են առնելով, որ ամոնիակի կորուստը նվազի, բայց դեռևս չի հաջողվել ամբողջովին կորստից պաշտպանել ամոնիակը:

Ամոնիֆիկացիայի հետևանքով գոյացած ամոնիակն օդատարծվում է նաև միկրոօրգանիզմների կողմից և այդ դեպքում դառնում է նրանց մարմնի սպիտակուցային՝ բարդ օրգանական նյութը: Այդ դեքում ազոտը վերածվում է անլուծելի՝ բույսերի համար անմատչելի միացութայն: Այս վերջին երևույթն ավելի շատ կատարվում է այբրոք պայմաններում, քան անայբրոք: Հետազոտությունները ցույց են տվել, որ առհասարակ օդի առկայութայն պայմաններում ազոտի 70% -ը ամոնիակ գրությունից վերածվում է բարդ սպիտակուցային գրութայն, իսկ անայբրոք (անօդ) պայմաններում՝ միայն $25-30\%$ -ը:

Որպեսզի ամոնիակը միկրոօրգանիզմների մարմնի մեջ սպիտակուցային նյութերի վերածվի, անհրաժեշտ են նաև հեշտ լուծվող ածխաջրեր—շաքարներ: Եթե գոմաղբի կուլտի մեջ մեծ քանակութայն ծղոտ կա, ապա նրա քայքայումից կառաջանան նախ՝ լուծվող ածխաջրեր, որոնք ամոնիակի հետ միասին, միկրոօրգանիզմների մարմնի մեջ կազմում են սպիտակուցային նյութեր: Ե՛վ թարմ գոմաղբի, և՛ ծղոտի մեջ զգալի քանակութայն հեշտ լուծվող ածխաջրեր կան, որոնց շնորհիվ հողի որոշ խմբի բակտերիաները խիստ արագ բազմանում են և խլում հողից նրա լուծված ազոտը, այն ազոտը, որ անհրաժեշտ էր կանաչ բույսերի համար: Ահա այս պատճառով էլ թարմ գոմաղբով, կամ չքայքայված ծղոտով պարարտացումը, փոխանակ բերքը բարձրացնելու, ընդհակառակը, գցում է:

Թեև ճիշտ է, որ գոմաղբի և հողի միկրոօրգանիզմները հողի մեջ վաղ թե ուշ մեռնելով՝ նրանց մարմնի սպիտակուցները՝ կվերածվի հանքային ազոտի, բայց դրանից բույսերն այն օգուտը չեն կարող ստանալ, ինչպիսին կստանան այն դեպքում, երբ գոմաղբի կուլտերում ամոնիակը մնա որպես այդպիսին և դրանով պարարտացվեն դաշտերը: Բակտերիաների մարմնի քայքայումը շատ դանդաղ է կատարվում. այդ օրգանիզմների մարմնի քայքայման ժամանակները խոշոր չափով չեն զուգադիպում այն շրջանին և այն բույսին, որի համար պարարտացվել է հողը:

Գոմաղբի կուլտի մեջ ամոնիֆիկացիան հաջողում է նիտրիֆիկացիան: Ամոնիֆիկացիայի հետևանքով առաջացած ամոնիակի համեմատաբար փոքր մասը ենթարկվելով առանձին խուճը բակտե-

բիանների գործունեութանը՝ վերածվում է նիտրատների, այսինքն՝ ազոտական թթվի (HNO_3) աղերի — սելիտրաների:

Թեև նիտրատները բույսերի համար ազոտական ամենալավ սննդանյութերն են, սակայն գոմաղբի կույտերի մեջ նիտրիֆիկացիան անալոյման վնասակար երևույթ է և դրա դեմ ամեն կերպ պետք է պայքարել. ահա թե ինչու:

Եթե գոմաղբի կույտի վերին (արտաքին) շերտերում է կատարվում նիտրիֆիկացիան, ապա առաջացած նիտրատները լուծվելով գոմաղբի ջրի մեջ՝ հոսում են դեպի կույտի խորքերը, որտեղ օդը թափանցել չի կարող (անայերոք պայմաններ): Այդպիսի անայերոք պայմաններում նիտրատները ենթարկվում են դենիտրիֆիկացիայի, այսինքն՝ նիտրատները ենթարկվելով ուերիչ բակտերիաների գործունեութանը՝ տարբալուծվում են, և նրանց ազոտը ազատվելով՝ հեռանում է ու խառնվում օդի ազոտին:

Դենիտրիֆիկացիայի համար անհրաժեշտ են մի շարք պայմաններ, որոնցից կարևորը նիտրատների առկայությունն է. առանց նիտրատների չի կարող տեղի ունենալ դենիտրիֆիկացիա: Ուրեմն, որպեսզի գոմաղբի կույտերում դենիտրիֆիկացիա չլինի, անհրաժեշտ է, որ չլինի նիտրիֆիկացիա: Որպեսզի պայքարենք ազոտի այդ կարգի կորստի դեմ՝ հարկավոր է պայքարել գոմաղբի կույտի նիտրիֆիկացիայի դեմ: Պետք է ասել, որ գոմաղբի լավ դարսած կույտերում և փոսերում բարեբախտաբար նիտրիֆիկացիան քիչ չափով է կատարվում և այդ պատճառով էլ նման կույտերում դենիտրիֆիկացիան գրեթե տեղի չի ունենում:

Գոմաղբի պահպանման տարբեր պայմանները և կույտերում կատարվող գլխավոր փոփոխությունները նկարագրելուց հետո, հետաքրքիր է գիտենալ, թե ո՞րն է պահպանման ամենալավ ձևը, որի շնորհիվ էլ ստացվում է ամենալավորակ գոմաղբը:

Պարարտանյութերի Համամիութենական ինստիտուտում Պերետուրենի գլխավորությունով համեմատություն համար կատարել են այսպիսի մի փորձ. նույն գոմից դուրս բերած գոմաղբը բաժանել են երեք հավասար մասերի, դրանցից մեկը պահել են գյուղացիական ձևով, փուխը վիճակում, այսինքն այնպես, ինչպես մեր գյուղերում պահում են առանց որևէ խնամքի, երկրորդը՝ պահել են «տաք» կամ այսպես կոչված «ազնիվ» գոմաղբի եղանակով և երրորդը «սառը» կամ «ամուր» պահելու եղանակով, այսինքն այն եղանակով, որի մասին խոսվեց սույն գրքույկի 12 էջում: Այս փորձը կատարվել է հինգ տարբեր տեղերում և կրկնվել է երեք տարի. այդ բոլոր փորձերից ստացված արդյունքների միջին ավյալները բերում ենք Ձեզ աղյուսակում:

Գոմաղբը պահվել է	Զոր	Ազոտի կորուստը	Ընդհանուր ազոտի մեջ ամոնիակը %	Ֆոսֆորաթթվի կորուստը
	նյութերի կորուստը %			
Փուխը վիճակում	33,5	31,4	26,2	21,3
«Տաք» եղանակով	27,6	21,6	23,1	12,4
«Սառը» կամ ամուր եղանակով	10,8	7,7	33,1	0,4

Աղյուսակի թվերը շատ պարզ կերպով ցույց են տալիս թե ինչքան վատ է գոմաղբ պահելու այն սխառեմը, որ մինչև հիմա զեռ կիրառվում է մեր գյուղերում և թե ինչքան ավելի լավ գոմաղբ է ստացվում, երբ պահվում է կուլտուրական եղանակով—սառը կամ ամուր եղանակով:

Նույն այդ փորձերում հաշվի է առնվել նաև այն, թե յուրաքանչյուր կուլտից չորս ամսվա ընթացքում որքան գոմաղբի հեղուկ (ժիժա) է դուրս եկել. աղյուսակ № 7. $\frac{0}{10}, \frac{0}{10}$ ամբողջ գոմաղբի քաշից:

Աղյուսակ 7.

Գոմաղբը պահվել է	Ծղոտե ցամքար	Տորֆի ցամքար
Փուխը վիճակում	10,5	4,3
«Տաք» եղանակով	5,1	3,4
«Սառը» կամ ամուր եղանակով	1,9	0,6

Այս աղյուսակի թվերը դարձյալ ցույց են տալիս պինդ կամ սառը ձևով պահած գոմաղբի առավելությունը, մյուս եղանակների համեմատությամբ, որովհետև որքան քիչ հեղուկ առաջանա գոմաղբի կուլտից, այնքան ավելի քիչ կորուստ կլինի: Բոլորիս համար հայտնի է, որ մեր գոմերում ցամքար գրեթե չի գործածվում, ուստի գոմաղբի կուլտերում առաջացած հեղուկը չի կարող պահվել կուլտի մեջ և կորչում է աննպատակ: Գորշ հեղուկի այն ավակները, որոնք մեր գյուղերում առաջանում են գոմաղբի կուլտերից, իրենց հետ դուրս են տանում գոմաղբի պարարտացնող ամբողջ կարողությունը և այդպիսի կուլտերից մնում է գոմաղբի ամենաանպետք մասը:

Ցույց տալու համար սառը եղանակով գոմաղբը պահելու առավելությունը մյուս եղանակների համեմատությամբ՝ բերենք սույն աղյուսակը, որի տվյալները վերցված են նույն ինստիտուտի դաշ-

տային փորձերից, երեք տարբեր եղանակով պահած զոմաղբի տեսակներով պարարտացրել են կարտոֆիլի հողը և հաշվի են առել քերքը:

Աղյուսակ 8

ՏԱՐԲԵՐ ԿՈՒՅՏԵՐԻ ԳՈՄԱՂԲԻ ԱՉԴԵՑՈՒԹՅՈՒՆԸ ԲԵՐԲԻ ՎՐԱ

Պարարտացում	Թեթև ավազակա- վային հող	Թեթև ավազային հող
Չպարարտացած	100	100
Փուխր զոմաղբ	195	268
«Տաք» >	226	283
«Սառը» >	243	311

Այս բոլորից հետո պարզ է դառնում, թե ինչքան մեծ նշանակություն ունի զոմաղբը կուլտուրական՝ «սառը» ձևով պահելը: Այդ խնդրին պետք է հատուկ ուշադրություն դարձնել և վերջ տալ այն վերաբերմունքին, որին արժանանում է զոմաղբը մեր շրջաններում:

ԳՈՄԱՂԲԻ ԳՈՐԾԱԴՐՄԱՆ ՊԱՅՄԱՆՆԵՐԸ ԵՎ ՏԵՍԵՒԿԻՆ

Անցյալ գլուխներում տեսանք, որ թարմ զոմաղբը լավորակ պարարտանյութ դառնալուց առաջ պետք է միառժամանակ մնա կուլտուրով, որոնց՝ մեջ, այսպես ասած՝ նա հասունանում է և պատրաստ է դառնում գործադրման համար:

Առաջին հարցը, որ կարող է առաջանալ զոմաղբի գործադրման ժամանակ, դա այն է, թե զոմաղբը նրբ կարելի է համարել պատրաստ՝ դաշտ տանելու և հողի մեջ մտցնելու:

Գոմաղբի կուլտուր համարվում է հասած, գործադրման համար պատրաստ այն ժամանակ, երբ նրա մեջ գտնվող ցամաքի նյութերը և կերի կոշտ, փայտացած մնացորդները քայքայվել են այն աստիճան, որ բանով խառնելու ժամանակ հեշտությամբ կտրատվեն և քրքրվեն. այն ժամանակ զոմաղբի բոլոր նյութերը գորշ-սև գույնի և գրեթե համասեռ վիճակում են լինում: Գոմաղբն այդ դրության է հասնում 2¹/₃ - 3 ամսում:

Գոմաղբը դաշտ են տանում և՛ աշնանը, և՛ ձմեռը, և՛ գարնանը: Գոմաղբամբարներում հասունացած զոմաղբը դաշտ տեղափոխելու ամենալավ ժամանակն աշնան կամ գարնան վարի ժամանակն է և այդ ժամկետներին այն հաշվով պետք է կազմակերպել զոմաղբի տեղափոխումն ու շաղ տալը, որ հողի երեսին շաղ տված օրն իսկ

Թինչ առավելութիւնն ունի վարն ուշացնելու նկատմամբ՝ տեսնենք հետեյալը (գանձիական փորձերից)։

Եթէ շաղ տարուց հետո խիւռն (20 բոպեւում) վարվել է...	բերքը եղել է	100,
այսպէս 4 ժամ հետո վարելիս	»	» 90,
24 » » »	»	» 86,
4 օր » »	»	» 85,
Տրվել է դոմաղբի կես նորմա, բայց խիւռն վարվել է	»	» 86,
Առանց պարարտացման	»	» 71

Մի ուրիշ փորձից երևում է, որ երբ՝

Չպարարտացրած հողամասից ստացված բերքը հաշվել են	100 ⁰ / ₀	այսպէս
Գոմաղբն խիւռն վարելիս	»	» 147 ⁰ / ₀
» վարել են 1 օր հետո	»	» 137 ⁰ / ₀
» » 5 » »	»	» 129 ⁰ / ₀

Այս բոլորից պարզ է դառնում, որ եթէ Դանիայի կամ Ռուսաստանի խոնավ պայմաններում շաղ տված գոմաղբի վարելը ուշացվում է 1 օրով, բերքի բարձրացումն էլ նվազում է կիսով չափ, այսպէս չափազանց չոր, արևոտ ու քամիներով հարուստ դաշտերում գոմաղբից ստացվող էֆեկտը դերո է դառնում, երբ շաքարթներով և ամիսներով մնում է հողի երեսին՝ փոքր կույտերով։

Գոմաղբը դաշտ տեղափոխելուց հետո ավելի լավ կլինի այն հողի երեսին հավասար կերպով փռել ու այդպէս թողնել, քան թէ փոքր կույտերով երկար պահել։ Փոսած գոմաղբը հողի երեսին թեւ կչորանա, և նրա մեջ եղած ամոնիակի մեծ մասը կցնդի օդը, բայց իբրև չոր ու մեռյալ ծածկոց՝ նա կպակասեցնի ջրի գոլորշիացումը հողից, ինչպէս նաև այդ ծածկոցի տակ ծանր կավային հողի ֆիզիկական հատկութիւնները կլավանան, հողը կհասունանա և այդ պատճառով բերքը որոշ չափով կբարձրանա։ Գոմաղբի գործադրման այս միջոցը սակայն պետք է համարել չարիքների փոքրագույնը և թույլատրել բացառիկ դեպքերում միայն։

Գոմաղբի նորմալ քայքայման և նրա էֆեկտիվութեան վրա նկատելի ազդեցութիւն է թողնում նաև վարի խորութիւնը։ Բազմաթիւ տարիների փորձերից հաստատվել է, որ ծանր կավային և խոնավ հողերում գոմաղբը շատ խորը չպիտք է գցել, որովհետև այդ պայմաններում, օդի պակասութեան պատճառով՝ չի քայքայվում։ Թեթեւ-ավազային և չոր հողերում գոմաղբը հողի վերին շերտերում չպետք է թողնել, որովհետև այդ դեպքում չորանալու պատճառով կանգ կառնի գոմաղբի քայքայման պրոցեսը։ Ուստի ծանր-կավային հողերում լավ կլինի գոմաղբը մտցնել կրկնալարի տակ (15—18 սմ. խորութեամբ), իսկ թեթեւ-ավազային և չոր հողերում՝ հիմնական վարի տակ (20—25 սմ. խորութեամբ)։

Գումաղբի դոզան, այսինքն՝ մեկ հեկտարի համար գոմաղբի անհրաժեշտ քանակը ժողովրդական է և կախում ունի բազմաթիվ պայմաններից. դրանք են՝ հողի տեսակը, մշակվելիք բույսի պահանջը, նախորդ բույսը, կլիմայական պայմանները, գոմաղբի որակը, տնտեսութեան մեջ եղած նրա պաշարը, հանքային պարարտանյութերով ապահովված լինելը և այլն: Գումաղբի դոզայի վրա կարող են աղբել նաև հողամասի հեռավորութունը, արանսպորտի և ճանապարհները հնարավորութունները և այլն: Այս բազմապիսի պայմանները նկատի առնելով՝ ազրոնումը և տնտեսութեան ղեկավարը պետք է որոշեն իրենց հողերի համար գոմաղբի անհրաժեշտ դոզան: Սակայն պետք է ասել, որ դաշտավարական կուլտուրաների համար գոմաղբի ընդունված դոզան 40 տոնն է մեկ հեկտարին. բայց այդ քանակութունը տրվում է 3—4 տարվա համար:

Ծանր կավային հողերը, ինչպես և թեթև ավազային հողերը գոմաղբի մեծ կարիք են զգում, որովհետև գոմաղբն այդ հողերի մեջ և՛ աննդանյութերն է շատացնում, և՛ ֆեզիկական հատկութուններն է լավացնում՝ ստեղծելով կնձկային սարուկուտը: Ծանր կավային հողերի մեջ գոմաղբը շատ ավելի դանդաղ է քայքայվում, քան թեթև ավազային հողերում. բայց մեր դաշտավայրերի հողերի կլիմայական պայմաններն այնպես են, որ հողի մեջ օրգանական նյութերը մեծ արագութեամբ են քայքայվում: Ուստի այդ շրջաններում գոմաղբի խնայողութեան և էֆեկտիվ օգտագործման տեսակետից նպատակահարմար պետք է համարել գոմաղբի լրիվ դոզան (40 տոնն) տալ 2 նվազով և ոչ՝ մեկ անգամից: Առհասարակ պետք է ասել, որ ինչքան կուլտուրական է հողը, ինչքան նա ապահովված է աննդանյութերով, այնքան ավելի քիչ գոմաղբ անհրաժեշտ կլինի: Պարզ է, որ սեահողերը գոմաղբով պարարտացվելու մեծ կարիք չունեն: Գումաղբի խնայողութուն անելու համար, հաճախ նրա սովորական քանակութեան փոխարեն վերցնում են կեսը, իսկ մյուս կեսի փոխարեն ավելացնում են հանքային պարարտանյութեր:

Գումաղբի դոզան կախված է նաև նրա որակից. որքան նա հարուստ է ազոտով, այնքան ավելի քիչ քանակութեամբ կարելի է բավարարվել: Բայց եթե գոմաղբը շատ վատ որակի է, եթե այնպես է պահված, որ նրա մեջ եղած օրգանական նյութերի և ազոտի մեծ մասը հեռացել է, ապա մնացած գոմաղբը շատ հարուստ է լինում մոխրային նյութերով: Այդ որակի գոմաղբը հաճախ է պատահում մեր շրջաններում, մանավանդ այն դեպքերում, երբ գոմաղբի կույտերին խառնում են նաև տնտեսութեան մոխիրը, այդպիսի գոմաղբով պարարտացնելիս անջրդի հողից բերքը կրճատվի նկատելի չափով պակասում է: Այդպիսի սխալից հետո կարող են կարծել, թե այդ հողերում գո-

մաղրն օգուտ չի տալիս: Այստեղից պետք է եզրակացնել, թե ինչ-
քան մեծ նշանակութիւն ունի գոմաղբի որակը և որ կարևորն է,
պարարտացումից հետո ջրի և այլ աշխատանքների ժամանակին և
լրիվ կատարելը:

Գոմաղբի գոզան մեծ չափով կախված է նաև բույսի տեսակից.
շատ պահանջկոտ են բանջարանոցային բույսերը. հատկապես քաղա-
քամերձ լանջարաբուծական տնտեսութիւնների հողերը մեծ քանա-
կութեամբ գոմաղբ են պահանջում. այդպիսի հողերի մեկ հեկտարին
տալիս են երբեմն մինչև 80 տոնն գոմաղբ:

Կարճ վեգետացիա ունեցող մի շարք բանջարեղենների համար,
(օտաթը, սպանախը, ամսական բողիք, ամսական կաղամբը և այլն),
գոմաղբով պարարտացումը միշտ չէ, որ լավ արդյունք է տալիս,
որովհետև այդ բույսերը կարճ ժամանակում կարիք ունեն մեծ քա-
նակութեամբ սննդանյութերի, իսկ գոմաղբի քայքայումը հողում
այնքան էլ արագ չի կատարվում: Նման դեպքերում լավ կլինի դո-
մաղբի հետ տալ նաև հանքային պարարտանյութեր, կամ գոմաղբը
հողը մտցնել աշնանից, որպեսզի մինչև գարուն մեծ չափով քայ-
քայվի: Այդ տեսակետից գոմաղբը, որպես զանդաղ ներգործող պա-
րարտանյութ, լավ է երկար վեգետացիոն շրջան ունեցող բույսերի
համար, ինչպիսին են՝ բանջարեղեններից՝ սոխը, սխտորը, տոմատը,
ուշահաս կաղամբը, դաշտային կուլտուրաներից՝ կարտոֆիլը, ճակն-
դեղը, աշնանացան հացահատիկները, բամբակը և այլն: Երկար վե-
գետացիա ունեցող բույսերին միշտ ավելի քիչ գոմաղբ կարելի է
տալ, քան թե կարճ վեգետացիա ունեցողներին: Բամբակի դաշտերը
մեծ մասամբ ստացել են հանքային պարարտանյութեր. գոմաղբով
պարարտացնելիս, պետք է նկատի ունենալ, որ բամբակենին սնուն-
դանյութերի մեծ կարիք է զգում հատկապես յուր զարգացման սկզբը-
նական շրջանում՝ մինչև ծաղկելը. դրանից հետո նրա պահանջն ար-
դեն պակասում է. հետևաբար բամբակի դաշտերը գոմաղբով լավ կլի-
նի պարարտացնել աշնանից. գարնան պարարտացումից բամբակե-
նու անեցողութիւնը և հասունացումը կարող է ձգձգվել: Եթե բամ-
բակը ցանքաշրջանառութեան մեջ 3—4 տարի կրկնվում է, ապա
առաջին տարվա համար (առվույտից հետո) գոմաղբ չեն տալիս.
բամբակի 2-րդ և 3-րդ դաշտերին գոմաղբ պետք է տալ, բայց կես
դոզայով, կամ նույնիսկ քառորդ դոզայով, սակայն լրացուցիչ կար-
գով պետք է տալ նաև հանքային պարարտանյութեր:

Շաքարի ճակնդեղն իր զարգացման առաջին շրջանում ավելի
մեծ կարիք է զգում հանքային սննդանյութերի. այդ պատճառով էլ
նրա հողը գոմաղբով լավ կլինի պարարտացնել աշնանից, որպեսզի
մինչև գարուն նրա նյութերը մատչելի գրութեան վերածվեն. դրա-

նով պայմաններ կտեղծվեն նաև հանքային պարարտանյութերի ավելի լրիվ ներգործման համար: Ասածները հաստատելու համար մեջ ենք բերում ռեսպուբլիկական դաշտավարական կայանի գիտ. աշխատող ընկ. Մ. Դլեչյանի մի փորձի տվյալները. փորձը դրվել է 1939 թվին՝ Դյուզքյանդում.

Շաքարի ճակնդեղի բերքը ցենտներ հեկտարից	
Զպարարտացված հող	165 ց/հեկտ.
20 տոնն գոմաղբ աշնանից և հանքային	
պարարտանյութեր՝ գարնանից	352,8 »
20 տոնն գոմաղբ գարնանից և հանքային	
պարարտանյութեր գարնանից	322,8 »

Ծխախոտի դաշտերը գոմաղբով պարարտացնելիս պետք է վերցնել գոմաղբի կես նորմա, այսինքն՝ հեկտարին ոչ ավելի քան 20 տոնն, որովհետև գոմաղբի արատությունը կտեղծի ազոտի առատություն հողում, իսկ դրանից ծխախոտի որակը մեծ չափով ընկնում է: Նույնը կարելի է ասել շաքարի ճակնդեղի, գարեջրի համար մշակվող գարու, մասամբ նաև՝ կարտոֆիլի մասին:

Սոտհարքները և արոտները գոմաղբով պարարտացնելիս պետք է կիրառել հետևյալը... Վարնանը, երբ արդեն ձյունը հալվել է, և մարգագետին գնալը հնարավոր է, գոմաղբը փոխադրվում է այնտեղ, և հավասարաչափ հեռավորությունների վրա կույտեր արվում: Փոխադրելուց անմիջապես հետո եղանակներով հավասարաչափ շաղ են տալիս մարգագետնի երեսը: Շաղ տալուց հետո զիլ-զազ փոցխերով կամ փշոտ ճյուղերից պատրաստված ցաքանով 2—4 հետք փոցխում են: Եթե կոլխոզը հնարավորություն ունի մարգագետինը ջրել, այն ժամանակ ավելի լավ է գոմաղբով պարարտացումը կատարել ջրելու միջոցով: Գոմաղբով պարարտացնելու դեպքում անհրաժեշտ է խոտհարքի ամբողջ տարածությունը բաժանել 4 մասի և յուրաքանչյուր տարի մի մասը պարարտացնել^{*)}: Սոտհարքի յուրաքանչյուր մեկ հեկտարին պետք է տալ 40 տոնն գոմաղբ, որը բավական կլինի 4 տարվա համար:

Սաղողի այգիները գոմաղբով պարարտացնելը պետք է զուգադիպի այգեփորի հետ. այն դեպքերում, երբ աշնան են փորում այգիները, գոմաղբով պարարտացումը պետք է կատարել այդ ժամկետներին. գոմաղբը պետք է փռել վաղի շուրջը և ապա միայն փորել: Գարնան փորի ժամանակ գործադրվող գոմաղբն անպատճառ պետք է լավ հատուենացած, կիսաքայքայված լինի. թարմ գոմաղբով ոչ մի

^{*)} Շ. Մ. Աղաբաբյան. — Հայաստանի խոտհարքների և արոտների բարելավումը:

գեպւքում գարնանը չպետք է պարարտացնել այգիները (և մյուս կուլտուրաները): Այգիների համար գոմաղբի լավագույն դոզան Հայաստանի պայմաններում դեռևս ճշտորեն որոշված չէ: Այգեգործական զոնալ կայանի նախնական ավյալներով առաջարկվում է մեկ հեկտարին տալ 60 տոնն գոմաղբ՝ 3 տարվա համար: Այդքան գոմաղբով հին-բերքատու այգիները պետք է պարարտացնել համատարած կերպով, իսկ նորատունկ այգիները եթե պարարտացնելու են միայն վաղերի բնի մոտ, ապա գոմաղբի նորման կարելի է երկու անգամ փոքր վերցնել:

Գոմաղբի մեծ դոզան կարող է ըացասարար աղղել բերքի որակի վրա, ինչպես նաև պտղակալման ու հասունացման վրա: Շատ գոմաղբի հետ շատ էլ ազոտ է մտնում հողը. և որովհետև գոմաղբի մեջ, ինչպես գիտենք, ֆոսֆորաթթվի քանակութունը քիչ է, քան թե ազոտի քանակը, ապա գոմաղբի բարձր դոզայի կիրառման դեպքում ստացվում է միակողմանի ազոտական պարարտացում: Այդ դեպքում բույսերի վեգետացիոն շրջանը երկարում է, բերքն ուշ է հասունանում, ավելի շատ է ենթարկվում հիվանդութունների և վնասատուների և այլն. հացահատիկների բերքի քանակը ծղոտի նկատմամբ իջնում է, կարտոֆիլի և ձակնդեղի տերևներն ավելի շատ են աճում, քան թե պալարը և արմատը. ծխախոտի տերևները հաստանում են և իրենց որակով վերջին տեղն են դրավում և այլն: Այդպիսի անցանկալի երևույթները կանխելու համար, լավ կլինի վերցնել ավելի քիչ գոմաղբ և 2—3 ցենտներ սուպերֆոսֆատ խառնել նրան: Առանձնապես զգուշ պետք է լինել ղինա-հողերում, ջրով ապահովված սևահողերում և այլն, երբ առատ պարարտացումից բույսերը կարող են և պառկել: Այս բոլոր դեպքերում, մեր կարծիքով, բավական կլինի վերցնել 20 տոնն գոմաղբ և նրա հետ տալ 2—3 ցենտներ սուպերֆոսֆատ, իսկ այդպիսին չլինելու դեպքում՝ 4—5 ցենտներ աթարի մաքուր մոխիր:

Կուլտուրից կամ գոմաղբամբարներից գոմաղբը պետք է տյն հաջորդականութամբ փոխադրել դաշտը, ինչ հաջորդականութամբ նա դաբսվել է, այսինքն՝ առաջին հերթին պետք է օգտագործել ամենաշուտ դարսած մասը և ատտիճանաբար անցնել վերջում դարսածին: Սայլերի վրա դարսելու ժամանակ գոմաղբի կույտը պետք է կտրել վերևից մինչև ներքև՝ կույտի ամբողջ հաստութամբ, որպեսզի բոլոր սայլերում ստացվի միատեսակ գոմաղբ. հակառակ դեպքում, եթե ամբողջ կույտի երեսից շերտ-շերտ է հանվում գոմաղբը, ապա նախ՝ ազոտի մեծ կորուստ է լինում և հետո, դաշտն անհավասար պարարտացման հետևանքով, խայտաբղետ պատկեր է ստացվում:

Ինքնին պարզ է, որ գոմաղբ փոխադրող սայլերը պետք է տախ-

տակներով այնպես սարքավորել, որ ճանապարհին կորուստ չլինի: Այս բանի վրա ավելի մեծ ուշադրութուն պետք է դարձնել այն ժամանակ, երբ գոմաղբը շատ հեղուկ ունի և փոխադրելիս վախ կա, որ քամվելով այդ հեղուկը կարող է կորչել: Այդպիսի գոմաղբը տեղափոխելու համար սայլերը ներքևի մասում ծակոտիներ և տախտակների արանքներ չպետք է ունենան. հակառակ դեպքում սայլերի վրա պետք է առանձին արկղեր դնել և զբանցով փոխադրել:

Գոմաղբի գործադրման հետևյալ խնդիրն այն է, թե ինչպես անել, որ դաշտ փոխադրած գոմաղբը հավասարապես տարածվի ուրարտացվելիք հողամասի վրա. այնպես չլինի, որ մեկ հեկտարի համար սահմանված գոմաղբը շաղ տրվի հեկտարի մի կեսի վրա, իսկ մյուս կեսը մնա առանց պարարտացման: Այդ դեպքում հողամասի առաջին կեսի բերքը կտուժի գոմաղբի առատության պատճառով, իսկ մյուս կեսի բերքը կմնա նույն մակարդակի վրա. նշանակում է՝ այդպիսի պարարտացումից բերքի բարձրացում չի կարելի սպասել:

Ենթադրենք, որ մեկ հեկտար հողամասին որոշված է տալ 40 տոնն գոմաղբ. սայլերը, որոնցով փոխադրում են գոմաղբը, ենթադրենք, որ կես տոնն տարողութուն ունեն. այդ դեպքում մեկ հեկտարի համար կպահանջվի 80 սայլ աղբ. այդ դեպքում պարարտացվելիք հողամասի յուրաքանչյուր հեկտարը բաժանում են 80 վանդակների. այդ աշխատանքը կատարվում է որևէ սուր գործիքով. դրա համար կարելի է օգտագործել նույնիսկ արորը. եթե արորով հողամասի վրա իրար դուգահեռ դձեր քաշեն՝ մեկը մյուսից 11 մետր հեռավորությամբ, այն էլ հողամասի թե՛ երկարության և թե՛ լայնքի ուղղությամբ, ապա կստացվի 81 քառակուսի վանդակ, որոնցից ամեն մեկին մեկ սայլ գոմաղբ տալով՝ կապահովվի նրա հավասարաչափ բաշխումը: Կարելի է նույն հաջողությամբ հավասարապես բաշխել գոմաղբը՝ հողամասն առանց վանդակների բաժանելու: Այդ դեպքում պետք է կատարել այսպիսի հաշիվ. եթե 80 սայլ աղբը պետք է փռել մեկ հեկտարի վրա, որն ունի 10.000 քառ. մետր, ապա մեկ սայլ աղբը պետք է փռել 10.000 : 80 = 125 ք. մետրի վրա: 125 ք. մետրը կլինի մի քառակուսի, որի մեկ կողմը հավասար է մոտավորապես 11 մետրի: Այսպիսի հաշվումներից հետո գործնականում աշխատանքը կազմակերպում են հետևյալ կերպ. արտի մի անկյունում թափում են առաջին սայլի աղբը. հետևյալ սայլի աղբը առաջինից 11 մետր (մոտավորապես 15 քայլ) հեռավորության վրա, երրորդը երկրորդից 11 մետր հեռավորության վրա և այլն: Եթե այդ չափք պահպանելով շարժվեն արտի թե՛ լայնքի և թե՛ երկայնքի ուղղությամբ, ապա 80 սայլ աղբը հավասարապես կբաշխվի մեկ հեկտարի վրա:

Գոմաղբը հողի երեսին շաղ տալու գործը հեշտացրած լինելու համար կարելի է հենց սալի վրայից, դանդաղ քշելու ընթացքում, եղաններով թափել և տարածել համաչափ կերպով: Այս աշխատանքը կատարելու ամենալավ ժամկետը վարի ժամանակն է. եթե հնարավոր է, ապա լավ կլինի գոմաղբը շաղ տալ և գուլթանով իսկույն շուռ տալ հողի տակ:

Կուլտից աղբը սալի վրա բարձելու, տեղափոխելու և մանավանդ շաղ տալու գործը չափազանց շատ բանվորական ուժ պահանջող աշխատանք է: Այդ բոլորն անհամեմատ ավելի արագ և լավ են կատարվում հատուկ մեքենաների օգնությամբ. կան գոմաղբ սփռող հատուկ մեքենաներ (навозоразбрасыватель). դրանք մի քանի տիպի են լինում. աշխատում են թե՛ ձիով և թե՛ արակտորով: Այդպիսի մեքենաներ, և առհասարակ պարարտանյութեր շաղ տվող մեքենաներ, Հայաստանում առածմ՝ չկան. բայց ապագայում, երբ պարարտացույցն ավելի լայն ծավալ կստանա, անշուշտ պետք կլինի ձեռք բերել այդպիսիները՝ ՄՏԿ-ներում, սովխոզներում և նույնիսկ առանձին կրկիպիով անասուներում:

ԳՈՄԱՂԲԻ ՓՈՓՈԽՈՒԹՅՈՒՆՆԵՐԸ ՀՈՂԻ ՄԵՋ ԵՎ ՆՐԱ ԱՋԳԵՑՈՒԹՅՈՒՆԸ ԲԵՐԻՒ ՎՐԱ

Գոմաղբը խառնվելով հողին՝ ենթարկվում է մի շարք փոփոխությունների. դրանովոր փոփոխությունները գարձյալ բակտերիաներն են առաջացնում. գոմաղբի կուլտի մեջ ընդհատված փոփոխությունները շարունակվում են հողի մեջ: Բազմապիսի բակտերիաների գործունեություն համար հողը շատ լավ միջավայր է: Գոմաղբի կուլտի մեջ բակտերիաներն օդի պակասություն, ջրի առատություն, ամոնիակի շատություն և այլ պատճառներով գործել չէին կարող, կամ ավելի ձիշտ՝ շատ դանդաղ էին գործում: Հողը գոմաղբով պարարտացնելուց առաջ էլ այնտեղ մեծ թվով բակտերիաներ և ուրիշ մանր օրգանիզմներ կան. գոմաղբի օրգանական նյութերը, ինչպես և ազոտական նյութերը չափազանց լավ սննդանյութեր են այդ օրգանիզմների համար և գոմաղբով պարարտացումից հետո այդ միկրոօրգանիզմները մեծ եռանդով սկսում են գործել: Այս բոլորին պետք է ավելացնել նաև հողի նյութերի (կալի, կիր, թթվություն և այլն) մի շարք փոփոխությունները, որոնք առաջանում են հողի մեջ գոմաղբ լինելիս: Վերջապես, հողի մեջ գործում են բույսի արմատները, որոնք հողից վերցնում են իրենց անհրաժեշտ հանքային սնունդն ու ջուրը: Այս բոլոր փոփոխությունների վրա ազդում են չափազանց շատ գործոններ, օրինակ՝ օդը, ջուրը, ջերմությունը, մարդու աշխատանքը՝ վարը, փոցխելը և այլն:

Գոմաղբի այն օրգանական նյութերը, որոնց մեջ ազոտ չկա (փայտանյութ և նման նյութերի կիսափոփոխված դրուժխույն), շատ արագությամբ ենթարկվում են հողում ապրող և գոմաղբի հետ այնտեղ անցնող այերոր միկրոօրգանիզմների գործունեությունը: Այդ օրգանական նյութերն այնքան արագ են քայքայվում, որքան հողը շատ է խառնվում, հաճախ է մշակվում, որովհետև այդ դեպքում օդն ազատ մուտք ստանալով դեպի հողի շերտերը՝ արագացնում է այերոր օրգանիզմների աշխատանքը:

Օրգանական նյութերի քայքայումից առաջանում է ածխածխածին գազը (CO_2), որը երկու դեպ է կատարում. նախ՝ հողի ջրի մեջ լուծվելով առաջացնում է որոշ թթվություն. վերջինս իր հերթին քայքայում, լուծում է հողի հանքային նյութերից որոշ տեսակները (կիրը, մասամբ նաև ֆոսֆորի և կալիի հանքատեսակները) և դրանով իսկ բարձրացնում է հողի բերրությունը: Բույսերի արմատները շնչառություն ժամանակ նույնպես ածխածխածին գազ են առաջացնում և դրա շնորհիվ լուծելով մի շարք հանքային նյութեր՝ սրնձում են նրանցով: Սակայն ածխածխածին գազը մասը հողից դուրս է դալիս, և որովհետև ծանր է, քան թե օդը, իսկույն չի հեռանում դեպի օդի բարձր շերտերը. հողի մակերեսին մտնող շերտերում ածխածխածին գազը կլանվում է կանաչ բույսերի կողմից, և նրանից պատրաստվում են ամեն տեսակի օրգանական նյութերը. հենց դրա հետևանքով էլ բերքի բարձրացում է ստացվում:

Ուրեմն, գոմաղբի մեջ դանդող օրգանական նյութերի քայքայումից առաջացող ածխածխածին գազը նպաստում է բերքատվության բարձրացմանը: Սա գոմաղբի առաջին դերն է:

Գոմաղբի բոլոր օրգանական նյութերը նույն արագությունով չեն քայքայվում. դրանց մի մասը շատ դժվարությամբ է քայքայվում, և կիսաքայքայված վիճակում միառժամանակ մնում է հողի մեջ, խառնվում է նրա հանքային նյութերին և նրանց հետ միասին կազմում է հողի հումուսը: Հումուսը, մինչև իր վերջնական քայքայումը, մի շատ կարևոր գործ է կատարում—որպես միացնող նյութ իրար է կապում հանքային նյութերի մասը, փոշիացած մասնիկները և դրանցից ստեղծում է հողի կնձիկները. ուրիշ խոսքով՝ ստեղծում է կոնսիստենցիան ստրուկտուրա: Կնձիկների շնորհիվ օդի, ջրի, ինչպես նաև բույսի արմատների համար հողի մեջ տարածվելու ազատ հարավորություն է ստեղծվում. լավանում են հողի ջերմային պայմանները, հեշտանում է հողի մշակություն գործը, հողի երեսին կեղև չի առաջանում և այլն և այլն:

Գոմաղբի և հողի օրգանական նյութերը բույսերին անմիջապես սնունդ դառնալ չեն կարող, բայց վերջիվերջո քայքայվում են,

և առաջացած անխաթթուն օգտագործվում է բույսերի կողմից: Հումուսի քայքայվելուց հետո նրա մեջ գտնվող ազոտը և հանքային նյութերը բույսերի համար հեշտ յուրացվող սննդանյութեր են դառնում: Սևահողերն աչքի են ընկնում իրենց լավ ֆիզիկական հատկութամբ և բերրիությամբ, գլխավորապես շնորհիվ այն բանի, որ նրանց մեջ շատ հումուս և ազոտ կա: Լավ մշակության, կանոնավոր ցանքաշրջանառության և պարարտացման դեպքում կուլտուրական հողերի մեջ հումուսի քանակը շատանում է, իսկ դա մի հղոր միջոց է հողի բերրիությունը բարձրացնելու համար:

Ուրեմն, գոմաղբի հաշվին հողի մեջ առաջացող հումուսը, իբր ըլր զբրական աղբեցություններով, գոմաղբի երկրորդ առավել կողմն է: Այժմ հետևենք գոմաղբի մեջ գտնվող ազոտի փոփոխություններին:

Մենք ասացինք, որ գոմաղբի լավ կույտի մեջ ազոտը կազմում է մոտավորապես $0,5\frac{1}{3}$, և այդ ազոտի գրեթե $\frac{1}{3}$ -ը գտնվում է հանքային վիճակում (ամոնիակային և ազոտական թթվի աղեր), իսկ $\frac{2}{3}$ մասը՝ օրգանական նյութերի մեջ, մեծ մասամբ՝ բակտերիաների մարմնի մեջ: Ազոտի այն մասը, որ գտնվում է ամոնիակի և նիտրատ վիճակում, հեշտությամբ լուծվում է ջրի մեջ, և բույսի արմատներն այն օգտագործում են որպես սնունդ: Բայց այդ ազոտն օգտագործում են նաև հողի մեջ ապրող մի շարք միկրոօրգանիզմները և նրանց մարմնի մեջ անցած ազոտն այլևս չի կարող օգտագործվել բույսերի կողմից, մինչև որ այդ օրգանիզմների մանվանից հետո, նրանց սպիտակուցային նյութերը նորից չքայքայվեն, այդ քայքայումը հաճախ այնքան դանդաղ է կատարվում, որ առաջին տարվա բույսերը չեն կարող լրիվ օգտագործել այդ ազոտը. նշանակում է, այն ազոտը, որ անցնում է հողում ապրող միկրոօրգանիզմներին, չի կարող աղբել առաջին տարվա բերքի վրա: Գոմաղբի ազոտի այն մասը, որ գտնվում է ամոնիակի ձևով կամ նրա քիմիական միացությունների մեջ, հողի կավային և հումուսային նյութերի կողմից կլանվում է, կապվում և վերածվում է անլուծելի դրության. այդ դրությունը մի տեսակ սլաշար է բույսերի համար և կլանված դրությունից առտիճանաբար դուրս գալով՝ օգտագործվում է բույսերի և բակտերիաների կողմից:

Ազոտի նիտրատային ձևն այնքան էլ շատ չէ գոմաղբի մեջ, բայց հողի մեջ անցնող ազոտական գրեթե ըլրը նյութերն էլ վերածվում են նիտրատներին, որովհետև այդ գործողության համար կուլտուրական հողի մեջ կան ըլր պայմանները: Առաջին հիմնական պայմանն օդն է, որ լավ հողերում միշտ էլ լինում է, երկրորդ՝ հողի շերտատիճանը ($15-20^0$) շատ նպաստավոր է նիտրիֆիկացիայի համար, երրորդ՝

ազոտական նյութերը—ամոնիակը և ազոտ պարունակող օրգանական նյութերը, և վերջապես չորրորդը՝ նիտրիֆիկացիան առաջ տանող բակտերիաները: Ահա հողի այս պայմանների մեջ գոմաղբի ազոտական նյութերն արագութեամբ ենթարկվում են նիտրիֆիկացիայի, նրանց ազոտը փոխվում է նիտրատների կամ սելիտրատների—ազոտական թթվի աղերի:

Նիտրատներն իրոք շատ լավ ազոտական սնունդ են բույսերի համար, և բոլոր բերրի հողերն աչքի են ընկնում նաև իրենց նիտրատների շատութեամբ:

Իայց այդ խիստ կարևոր նյութերի—նիտրատների հետ երկու ոչ ցանկալի երևույթ է կատարվում հողի մեջ: Առաջինն այն է, որ նիտրատները բոլորն էլ ջրի մեջ շատ լավ լուծվում են, հողի մասնիկների կողմից չեն կլանվում, շատ անձրևի կամ ոռոգող ջրի հետ միասին գրեթե ամբողջովին ծծվում են հողի խորը շերտերը, ուր արմատները շատ անգամ չեն էլ հասնում, կամ ստորերկրյա ջրերի հետ հոսում-գնում են դեպի ծովերը, օվկիանոսները: Այդ ճանապարհով կորչում է հողի ազոտի խոշորագույն մասը:

Նիտրատների հետ կատարվող երկրորդ ոչ-ցանկալի երևույթը դենիտրիֆիկացիան է: Նիտրիֆիկացիայի ժամանակ ազոտական նյութերն աստիճանաբար օքսիդանալով (միանալով թթվածնի հետ)՝ վերածվում են նիտրատների. դենիտրիֆիկացիայի ժամանակ հատուկ բակտերիաները քայքայում են նիտրատները՝ և նրանց մեջ գտնվող օգտակար ազոտը վերածում են մաքուր՝ տարրական ազոտի, նա իբրև հասարակ գազ, հողից դուրս է գալիս և խառնվում է օդի ազոտին, որը բույսերի և կենդանիների համար անմիջական սնունդ դառնալ չի կարող:

Ի՞նչ պայմաններում է կատարվում հողի մեջ դենիտրիֆիկացիան. դրա համար անհրաժեշտ են.

ա) դենիտրիֆիկացիա առաջացնող բակտերիաներ,

բ) նիտրատների առկայություն,

գ) օդի բացակայություն,

դ) հեշտ լուծվող օրգանական նյութերի—շաքարների առկայություն:

Այս չորս պայմաններից առաջինն ու երկրորդն անխուսափելի են. բոլոր կուլտուրական հողերի մեջ կան թե՛ դենիտրիֆիկացիայի բակտերիաներ, և թե՛ նիտրատներ: Որպեսզի կանխած լինենք դենիտրիֆիկացիան՝ ապա պետք է ստեղծենք հողի մեջ օդի առատություն (գոմաղբի կույտին հակառակ) և ոչնչացնենք գոմաղբի կույտում եղած ածխաջրերը:

Դենիտրիֆիկացիան առաջանում է օդի բացակայության պայ-

մաններում, որովհետև դենիտրիֆիկացիա առաջացնող բակտերիաների համար օդի թթվածինը թույն է: Նրանք իրենց անհրաժեշտ թթվածինն ստանում են նիտրատներից—սելիտրատներից՝ դրանք քայքայելով: Ուրեմն եթե ցանկանում ենք պայքարել դենիտրիֆիկացիայի դեմ՝ պետք է հողի մեջ ստեղծենք այնպիսի պայմաններ, որ օդը թափանցել կարողանա նրա ծակոտիներից և արգելի դենիտրիֆիկացիան: Հողի երեսին գոյացող կեղևը փշրելու նշանակություններից մեկն էլ այն է, որ օդին՝ հողի մեջ թափանցելու հնարավորություն ստեղծելով, թույլ չտանք դենիտրիֆիկացիոն բակտերիաների գործունեությունը:

Դենիտրիֆիկացիայի չորրորդ պայմանը՝ հեշտ լուծվող օրգանական նյութերն են: Եթե թարմ գոմաղբն անմիջապես չի թուլլատրվում գործադրել պարարտացման համար, ապա սրա հիմնական պատճառն այն է, որ թարմ գոմաղբի մեջ գտնվող ամխալքերը (շաքար, օսլա, փայտանյութ) հողի մեջ նպաստում են դենիտրիֆիկացիային, և բերքը բարձրացնելու փոխարեն, ընդհակառակը, անկում են առաջացնում: Ինչպես գիտենք, գոմաղբի կույտերի մեջ ստեղծում ենք այնպիսի պայմաններ, որ այդ տեսակ նյութերը (շաքարները) քայքայվեն, վերածվեն անվտանգ նյութերի, որից հետո միայն պետք է գոմաղբը գործադրել պարարտացման համար:

Արհեստական գոմաղբի մասին դրած գլխում մենք կտեսնենք, թե ինչ վնաս է լինում այն ժամանակ, երբ հողը պարարտացնում են չոր ձողոտով, կամ՝ ձողոտխառը կիսաքայքայված գոմաղբով: Դրա հիմնական պատճառներից մեկն այն է, որ այդ նյութերի մեջ գտնվող՝ լուծվող օրգանական նյութերը նպաստում են դենիտրիֆիկացիային, առաջացնելով ազոտի կորուստ:

Ահա, շնորհիվ այն բանի, որ հողի մեջ ազոտի հետ չափազանց բարդ, երբեմն վնասակար երևույթներ են կատարվում, գոմաղբի մեջ եղած ազոտի համեմատաբար փոքր մասն է օգտագործվում բույսերի կողմից: Միջին հաշվով գոմաղբի ամբողջ ազոտի 30—40% է միայն օգտագործվում: Շնեյդեվիլնդի փորձերը ցույց են տալիս, որ շաքարի ճակնդեղը և նրան հաջորդող գարին միասին օգտագործել են գոմաղբի ամբողջ ազոտի 40,9%—ը, իսկ կարտոֆիլը և նրան հաջորդող ցորենը միասին օգտագործել են ազոտի միայն 36,2%—ը:

Պֆեֆերը հողը պարարտացրել է գոմաղբով և ցանել է առաջին տարում վարսակ, երկրորդ տարում՝ գազար և երրորդ տարում՝ դարձյալ վարսակ. պարզվել է, որ գոմաղբի ամբողջ ազոտի միայն 33%—ն է օգտագործվել երկր տարվա ընթացքում՝ երեք բերքի միջոցով:

Կան նաև փորձեր, որոնք ցույց են տալիս, թե գոմաղբի ազոտը սրբան լավ է օգտագործվում կուլտուրական, լավ մշակված հողերի մեջ:

Շնեյդեիինգը փորձեր է կատարել երկու տեսակ հողերի վրա-
 դրանցից առաջինը կավային, իսկ երկրորդն ավազային հող է եղել-
 դրանք պարարտացրել է դոմաղբով և հաշվի է առել, թե 2—3 տարվա
 բերքի միջոցով դոմաղբի հետ հողին տված ազոտի սր մասն է օգ-
 տագործվել: Հաշիվները ցույց են տվել, որ լավ մշակած կավային
 հողից օգտագործվել է ազոտի 31,20⁰—ը, իսկ ավազային հողից՝ միայն
 11,90⁰—ը:

Այս և նման փորձերը ցույց են տալիս, թե բարձր բերք ստա-
 նալու համար ոչ մի դեպքում մի պայմանը չի կարող բավարար լի-
 նել: Միայն լավ դոմաղբն առանձին, առանց լավ հողի, առանց լավ
 մշակութային, մեծ արդյունք տալ չի կարող: Սխալ է կարծել, թե լավ
 հողն առանց այն էլ լավ է և կարիք չկա պարարտացնելու: Լավ հողը
 լավ մշակելու և ապա՝ պարարտացնելու դեպքում ավելի շատ ար-
 դյունք կտա, քան վատ մշակած և վատորակ հողը: Հաճախ պատա-
 հում է, որ ամենալավ հողը փչանում է, երբ առատորեն պարարտաց-
 նելուց հետո՝ ոչ մի խնամք չի թափվում մուլախոտերը ոչնչացնելու
 համար: պարզ է, որ այդ մուլախոտերը փարթամորեն զարգանալով՝
 կխեղդեն ցանած բույսը, և սերմեր թողնելով՝ կվարակեն ամբողջ
 դաշտը:

* * *

Գոմաղբի նկատմամբ Հայաստանում շատ քիչ փորձեր կան:
 առկայն մի փորձ, որը կատարվել է Լուվա գոնալ կայանում, մեզ շատ
 բան է ասում գոմաղբի օգտակարութայն մասին մեր պայմաններում:

Լուվա գոնալ կայանի ղեկավարն աշխատող ընկ. Պավլովիչի հե-
 տաքրքիր փորձերից մեկի արդյունքները մեջ ենք բերում ցույց
 տալու համար, թե խոտհարքներում գոմաղբն ինչ հսկա դեր ունի
 կատարելու: Թվերը ցույց են տալիս խոտի բերքը 1 հեկտարից՝
 ցենտներով.

1)	Չպարարտացրած հողից ստացվել է	9,3 ց.
2)	Պարարտացրած 10 տոնն դոմաղբով՝	14,4 »
3)	» 20 » »	17,3 »
4)	» 30 » »	19,1 »
5)	» 40 » »	24,1 »
6)	» 20 » »	+
	հանքային պարարտանյութեր . .	36,7 »
7)	Պարարտացրած լրիվ հանքային պարարտանյութերով	31,5 »

Փորձն այնքան համողիչ է, որ մեկնաբանություններն ավե-
 լորդ են: Սա մի օրինակ է, թե ինչպես Հայաստանի գոնե այն շեր-

ջանները, որոնք անտառային վառելիք ունեն, կարող են բարձրացնել իրենց հողերի բերքատվութիւնը մի քանի անգամ, եթե պարտացման համար ճշտորեն գործադրեն իրենց տնտեսութիւններում աննպատակ փչացող, կեղտ և հիւլանդութիւններ տարածող գոմաղբը:

Անտառներով հարուստ և այգեղործական շրջաններում օգտագործելով ծառի տերևները (տերևաթափից հետո), ինչպես նաև տորֆը և այլն՝ իրևն ցամքարանյութ, կարելի է շատացնել գոմաղբի քանակը ու լավացնել որակը և դրանով իսկ զարկ տալ բերքի բարձրացմանը:

Մեր բամբակացան շրջաններում հանքային պարարտանյութերը ցած էֆեկտ են տալիս այն պատճառով, որ այդ հողերում օրգանական նյութեր չկան, իսկ եղածը խիստ արագութեամբ քայքայվում է: Ուրեմն, եթե որևէ կերպ շատացնենք հողերում օրգանական նյութերի քանակութիւնը, դրանով կբարձրացնենք հանքային պարարտանյութերի տված արդիւնքը:

Հողերի մեջ օրգանական նյութեր կարելի է շատացնել կամ գոմաղբով պարարտացնելու, կամ խոտացանութիւն միջոցով: Խոտաբույսերն իրենց արմատների միջոցով մեծ քանակութեամբ օրգանական նյութեր են թողնում հողի մեջ, հնձած խոտը զարկ է տալիս անասնապահութիւնը և մսի ու կաթնամթերքի հետ մեկտեղ ստացվում է մեծ քանակութեամբ գոմաղբ: Առատ գոմաղբի դեպքում կարելի է անշուշտ, եթե ոչ ամբողջը, ապա գոնե նրա մեծ մասը գործադրել պարարտացման համար:

ԳՈՄԱՂԲԸ ՀԱՎ ԱՔԵԼՈՒ, ՊԱՀՊԱՆԵԼՈՒ ԵՎ ՏԵՂԱՓՈՒՅԵԼՈՒ
(ԿԱԶՄԱԿԵՐՊՈՒՄԸ ԿՈՒՆՈՉՆԵՐՈՒՄ *)

Կոլխոպի վարչութիւնը պետք է սահմանի կայուն առաջադրանք անասնապահական բրիգադներին և ակոտապաններին՝ մեկ գլուխ խոշոր և մանր անասունից գոմաղբ կուտակելու վերաբերյալ:

Գոմաղբի կուտակման նորման մեկ գլուխ անասունի համար որոշվում է տեղում՝ հաշվի առնելով ցամքարի քանակն ու որակը, ինչպես նաև տավարի մսուրային շրջանի տեղութիւնը:

Գոմաղբի կուտակման միջին նորման՝ մեկ գլուխ խոշոր եղջյուր քափոր անասունի համար, եթե մսուրային շրջանի տեղութիւնը 200—240 օր է, կլինի 9—10 տոնն:

Մյուս անասուններից ստացվելիք գոմաղբի քանակութիւնը հաշվելիս՝ պետք է նկատի ունենալ հետևյալը:

Մեկ գլուխ խոշոր եղջյուր քափոր անասունին ըստ գոմաղբի կու-

*) Միութենական Հողօրդկոմատի հրահանգից

տակման համապատասխանում են 1,5—2 գլուխ բանող ձի, 2 գլուխ ջահել տավար՝ մինչև 2 տարեկան հասակը, 3—5 գլուխ հորթ, 3—5 գլուխ հասակավոր խոզ և 10 ոչխար:

Անասնապահական բրիգադների պարտականությունների մեջ պետք է մտցվի ոչ միայն գոմաղբի կուտակման պլանի կատարումը, այլև գոմաղբն աղբամբարում դարսելն ու խնամակը:

Գոմաղբն աղբամբարից դաշտ տեղավորելուց առաջ դաշտավարական բրիգադների բրիգադիւրները պետք է գոմաղբն ընդունեն անասնապահական բրիգադներից և ակոռապաններից, ընդունումը պետք է ձևակերպվի համապատասխան փաստաթղթով:

Դաշտում գոմաղբը ճիշտ պահպանելու պատասխանատվությունը պետք է դնել դաշտավարական բրիգադի բրիգադիւրի վրա:

Հանձնարարվում է կոլխոզներում մշակել և կենսագործել անասնապահական և դաշտավարական բրիգադներին պարգևատրելու սիտակով՝ գոմաղբի կուտակման և պահպանման, ծղոտի, տորֆի և ուրիշ ցամաքաբանյութերի մթերման առաջադրանքը քանակապես և որակապես կատարելու համար:

Անհրաժեշտ է նախատեսել նաև ղեղջի (տուժի) չափը՝ արտաղբրական առաջադրանքները չկատարելու համար:

Կոլխոզնիկների անհատական օգտագործման մեջ գտնվող տափարից ստացվող գոմաղբը ամենաճիշտ կերպով օգտագործելու նպատակով կոլխոզի վարչությունը սահմանում է գոմաղբի այն քանակը, որ կոլխոզնիկները պետք է տան՝ համայնացրած դաշտերը տեղավորելու համար:

Հանձնարարվում է խրախուսանքի արժանացնել այն կոլխոզնիկներին, որոնք ավելի շատ գոմաղբ են հանձնում: Օրինակ, ամեն մի տոնն լավորակ գոմաղբի դիմաց կոլխոզնիկին գրանցվում է 1—2 աշխօր, հաստատված առաջարկանքից դուրս հանձնած յուրաքանչյուր հաջորդ տոնն գոմաղբի համար գրանցվում է 1,5—3 աշխօր:

ՄԵԶԻ ԵՎ ԳՈՄԱՂԲԱՀԵՂՈՒԿԻ (ԺԻԺԱ) ՕԳՏԱԳՈՐԾՈՒՄԸ

Մենք արդեն տեսանք, որ գոմաղբի ազոտի մեծ մասը, այն էլ ամենահեշտ լուծվող, ուրեմն և բույսերին սնունդ ծառայող մասը, գտնվում է մեզի մեջ. մեզը հարուստ է նաև կալիով: Այստեղից պարզ է, որ մեզը շատ լավ ազոտա-կալիական պարարտանյութ է. ուրեմն, մեզն առանց կորուստի պահելու և նրա սննդանյութերը պահպանելու համար կատարվող ամեն մի աշխատանք կարող է հատուցվել այն արդյունքով, որը կստացվի՝ լավ պահած մեզն իբրև պարարտանյութ գործադրելիս:

Մեր շատ շրջանների գոմերում քիչ և վատորակ ցամաք գոր-

ծագրելու պատճառով ամբողջ մեզը չի ծծվում ցամքարի կողմից, դոմի հատակին գոյանում են մեղի և առհասարակ գոմաղբի հեղուկի լճակներ: Գոմաղբի կույտերում նյութերի քայքայման հետևանքով հեղուկ է առաջանում: Շնորհիվ այն ճնշման, որ լինում է գոմաղբի կույտերում՝ (գոմաղբի ծանրության պատճառով) փոքրիկ առվակներով դուրս է հոսում գորշ գույնի մի հեղուկ՝ ժիժա: Այդ հեղուկն ավելի շատ է լինում այն դեպքերում, երբ գոմաղբի կույտը թրջվում է անձրևի կամ այլ ջրերով: Գոմաղբի կույտից դուրս հոսող այս հեղուկն անցնում է կույտի ծակոտիներից և շփվում է գոմաղբի պինդ նյութերի հետ ու դրանք մասամբ լուծում: պարզ է ուրեմն, որ դրանով լվացվում է գոմաղբի կույտը: Մենդանյութերի այն մասը, որը հեշտ լուծվող դրուժյան մեջ է գտնվում, մեծ մասամբ անցնում է այս հեղուկի մեջ և շատ անգամ կորչում է: Գոմաղբի հեղուկը կորցնելուց հետո մնացած գոմաղբը զրկվում է պարարտացնող իր արժեքից:

Գոմաղբահեղուկի կազմութունը բավականաչափ տարբերվում է մեղի կազմութունից. նա ավելի քիչ ազոտ է պարունակում, քան թե մեզը: Ժիժայի կազմութունը մեծ չափով կախում ունի նրա առաջացման և պահպանման պայմաններից և որովհետև այդ պայմանները շատ բազմաթիվ են լինում, այդ պատճառով էլ ժիժան կայուն կազմութուն չի ունենում: Աղբահեղուկի հորերում ժիժայի միջին կազմութունը տատանվում է բավականին լայն սահմաններում այսպես՝

1 լիտր ժիժան պարունակում է ազոտ 2,5 գր,	տատանվում է 0,6—4,0 գր.
2 » » » » կալի 4,6 » » »	1,8—12,0 » » » »

Պարզ է, որ ինչպիսի կազմութուն էլ ունենալու լինի ժիժան, նրա կորուստը անհանդուրժելի է մեր տնտեսութուններում: Այդպիսի կորստի դեմ առնելու համար, ինչպես ասվել է տորֆի բաժնում, ամեն ալավ միջոցն այն է, որ գոմաղբամբարներում կույտի տակ և կույտի մեջ տորֆ ավելացնելով՝ կլանվում է ամբողջ ժիժան և թույլ չի տրվում կույտից դուրս գալու: Բայց այն բոլոր դեպքերում, երբ լավ ցամքարանյութ չկա, կենդանու մեզը և գոմաղբից դուրս հոսող հեղուկը պետք է հավաքել, առանձին պահել և հետագայում դրանով պարարտացնել հողը:

Եվրոպական լավագույն տնտեսութուններում գոմաղբահեղուկին և մեղին մեծ նշանակություն տալով՝ շատ անգամ այն հավաքում են և առանձին օգտագործում թանկարժեք բույսերի հողերը պարարտացնելու համար: Այդ նպատակով դոմի հատակն այնպես են շի-

նում, որ մեղը և հեղուկը հոսելով գնում և թափվում են գոմից դուրս շինած հորերի մեջ: Շատ հեղուկ ստանալու համար գոմի մեջ ցամքար գրեթե չեն գործածում: Պարզ է, որ հեղուկի հորի հատակն ու պատերը այնպիսի նյութով են շինում, որ հեղուկը չծծվի, ինչպես և ստորերկրյա ջրերը չթափվեն նրա մեջ: Այդ փոսերի մեջ հեղուկ թափող խողովակն այնքան երկար են անում, որ նրա ծայրը հասնում է գրեթե մինչև հորի հատակը: Մեզ մոտ այդպիսի հորեր կարելի է պատրաստել տեղական շինանյութերից—պատերն ու հատակը շարել քարով և սվաղել «պարարտ» կավի հաստ շերտով:

Հորերի մեծութունը կախում ունի տավարի թվից և գոմում մնալու ժամանակամիջոցից: Մեկ գլուխ խոշոր եղջյուրավոր անասունը, եթե ամբողջ տարին կապված է մնում գոմում, արտադրում է միջին հաշվով 3000 լիտր կամ 3 խոր. մետր մեղ: Նոյամբերից մինչև մարտ ամիսների ընթացքում, երբ մեր տավարը կապված է մնում գոմում, արտադրում է ամենաքիչը 1 խոր. մետր մեղ, և այդ դեպքում մեղ մոտ հորի մեծութունը որոշելիս՝ պետք է ելնել այդ ամիսներին գոմում գտնվող անասունների թվից:

Գոմադրահեղուկի հորերի բերանը ծածկում են այնպես, որ թարմ օդը հորի մեջ չմտնի, որովհետև հակառակ դեպքում ամոնիակի մեծ կորուստ կստացվի: Լավ փակած հորի մեջ հեղուկի վրա կանգնած է լինում ածխաթթու գազը (CO_2), որն օդից ավելի ծանր է, և եթե հորի բերանն անտեղի չեն բացում, այդ գազը՝ իբրև մի պաշտպանող շերտ, կմնա դրսի օդի և հեղուկի միջև:

Հեղուկը հորից դաշտ են փոխադրում հատուկ տակառներով, խողովակներով, իսկ տնամերձ փոքր հողամասերի վրա՝ ձևքի ցնցուղով: Հեղուկը հորից տակառների մեջ լցնում են նասոռներով. դաշտում, տակառներին ամրացրած «ցնցուղ» հարմարութունների օգնությամբ հավասարապես շաղ են տալիս հողի երեսը:

Որովհետև գոմադրահեղուկն ու մեղը արագ ներգործող և լուծված պարբերաձև թեն են, ապա դրանք պետք է դաշտ տանել գարնանը, այն էլ դարձան վարի կամ կրկնավարի ժամանակ. աշնանացան ըռչների համար՝ աշնան վարի ժամանակ: Եթե պարբերացվելիք հողը շատ թեթև ավազային հող չէ և կամ աշնանից մինչև գարնունը առատ ջրերից լվացվելու վախ չկա, ապա կարելի է հողամասը ժիժայով պարարտացնել աշնանից՝ գարնանացանի համար: Ժիժան հողի երեսը շաղ տալուց հետո, եթե կարելի է, նույն օրն իսկ պետք է վարել. որքան ուշանում է վարը, այնքան ընկնում է ժիժայի էֆեկտը: Հեռակայ փորձը ցույց է տալիս, թե ինչքան մեծ նշանակութուն ունի հեղուկը շաղ տալուց հետո անմիջապես վարելը: Մի հողամաս բաժանել են հավասար մասերի և բոլորը միաժամանակ և հավասար

չափով պարարտացրել են գոմաղբի հեղուկով: Այնուհետև առաջին հողակտորն անմիջապես վարել են, երկրորդը մեկ օր հետո, երրորդը՝ երկու օր հետո և այլն: Բոլոր հողամասը միաժամանակ ցանել են, բերքը հավաքել ու կշռել: Ստացվել է հետևյալ արդյունքը.

Անմիջապես վարած հողամասից ստացված հավելյալ բերքը

եթև եղել է	100 ⁰ / ₀ ,
ապա 1 օր հետո վարածից ստացվել է	92 ⁰ / ₀ ,
2 » » » »	70 ⁰ / ₀
3 » » » »	43 ⁰ / ₀
4 » » » »	40 ⁰ / ₀

Ուշ վարելու դեպքում վատ արդյունք է ստացվում, որովհետև 2—3 օրվա ընթացքում քամին հողի երեսից հեռացնում է հեղուկի գրեթե ամբողջ ամոնիակը:

Աղբահեղուկը հողի երեսին շաղ տալու ամենալավ ժամանակը զով, ամպոտ և անձրևոտ օրերն են. ոչ մի դեպքում շոգ և արևոտ օրերին ժիժան չպետք է շաղ տալ ու այդ վիճակում թողնել հողի երեսին:

Աղբահեղուկից լավ էֆեկտ ստանալու համար մեծ նշանակություն ունի նաև նրանով պարարտացնելուց հետ կատարված վարի խորությունը:

Հոնկամպը այսպիսի մի փորձ է կատարել. հողամասը բաժանել է հավասար մասերի և միաժամանակ հավասարապես պարարտացրել է գոմաղբահեղուկով. հողակտորներից մեկը չի վարել, իսկ մյուսները վարել է տարբեր խորությամբ. բոլորը միաժամանակ ցանել է, բերքը հավաքել ու կշռել է. ստացել է հետևյալը.

Չվարած հողամասից եթև ստացել է	100 ⁰ / ₀	արդյունք, ապա
5 սմ. խորության վայրից	» » 120 ⁰ / ₀	»
10 » » » »	» » 189 ⁰ / ₀	»
15 » » » »	» » 266 ⁰ / ₀	»
25 » » » »	» » 295 ⁰ / ₀	»

Այստեղից պարզ երևում է, թե ինչքան մեծ նշանակություն ունի պարարտացման հետ միասին կատարած խոր վարը:

Որքան ուշացվում է վարը և որքան երես է վարվում, այնքան պակաս արդյունք է տալիս գոմաղբահեղուկով կատարված պարարտացումը:

Պարարտացման համար գոմաղբահեղուկի դողան կախում ունի նրա մեջ գտնվող ազոտի քանակից. որքան քիչ ազոտ է պարունակում, այնքան շատ հեղուկ հարկավոր կլինի վերցնել: Օրինակ, եթե ցանկանում ենք մի հեկտարը պարարտացնել 60 կգ. ազոտի հաշ-

վում, իսկ հեղուկի մեջ ազոտը կազմում է $0,3^0/0$, ապա հեղուկի անհրաժեշտ քանակը հաշվում են այսպես՝

Եթե 100 կգ. հեղուկի մեջ կա 0,3 կգ. ազոտ,
 ապա x » » » կլինի 60 կգ. »

$$\text{սրից } x = \frac{60 \cdot 100}{0,3} = 20000 \text{ կգ.}$$

կամ 20 խորանարդ մետր հեղուկ:

Գոմաղբահեղուկը շատ լավ պարարտանյութ է մարգագետինների, բանջարանոցային բույսերի, արմատապտուղների և ուրիշ կուլտուրաների համար: Պարարտացման միջին նորման մեկ հեկտարին 10-ից մինչև 20 խոր. մետր է, որը համապատասխանում է 25 50 կգ. ազոտի և 50—100 կգ. կալիի: Ֆոսֆորաթթվով աղբահեղուկը շատ աղքատ է. այդ պատճառով էլ հաճախ նրա հետ միասին գործածում են նաև ֆոսֆորական պարարտանյութ—սուպերֆոսֆատ:

Գոմաղբահեղուկը շատ լավ նյութ է նաև բույսերի լրացուցիչ սնուցման համար. շաքարի ճակնդեղի վրա նրանով կատարված սնուցման ազդեցությունը կարելի է տեսնել հետևյալ փորձից (աղյուսակ 9), որը կատարվել է Ղաղախստանի երկրագործական ինստիտուտում 1936 թվին:

Աղյուսակ 9

ԳՈՄԱՂԲԱՆԵՂՈՒԿՈՎ ՄՆՈՒՑՄԱՆ ԱՃՐԵՑՈՒԹՅՈՒՆԸ

	I փորձ		II փորձ	
	Արմատ ց/հեկտ.	Շաքար %/0	Արմատ ց/հեկտ.	Շաքար %/0
Առանց պարարտացնելու	288	18,8	473	16,7
Երկու սնուցում աղբահեղուկով	353	19,3	523	18,2

Գոմաղբահեղուկը և ուրիշ տեղական պարարտանյութերը լայնորեն օգտագործել և օգտագործում են սոցիալիստական երկրագործութեան ստախանովականները: Այսպես, երկրագործութեան մեջ ստախանովական շարժման նախաձեռնող Մարիա Դեմչենկոն գրում է. «Ես կարծում եմ, որ եթե չլինեիր մոխիրը, թոչնի ձերտը և գոմաղբահեղուկը, ապա ինձ երբեք չէր հաջողվի 500 ցենտներ և ավելի ճակնդեղ հավաքել մեկ հեկտարից»:

Մեզն ու գոմաղբահեղուկը առանձին օգտագործելու խնդիրների վրա կանգ առնելու մեր նպատակը հետևյալն է. քանի որ մեր պայմաններում գոմաղբը դեռևս խոշոր չափով օգտագործվում է վատելու համար, ապա չենք կարող հույս ունենալ, որ մոտիկ ապագայում գոմաղբն իր բոլոր մասերով կօգտագործվի իբրև պարարտանյութ: Այդ

ուղղութեամբ անշուշտ պետք է ուժեղացրած աշխատանք տանել, մանավանդ կոլխոզային սեկտորում: Սակայն մինչ այդ դրութեան հասնելը, մեր կարծիքով, գոմաղբը կարելի է օգտագործել երկու ուղղութեամբ:

Գոմերի և գոմաղբակույտերի հատակն այնպես պատրաստել, որ հնարավոր լինի հեշտութեամբ հավաքել մեզն ու աղբահեղուկն առանձին և այդ մասն օգտագործել իբրև պարարտանյութ, քանի որ գոմաղբի այդ մասում կենտրոնացած է սննդանույթերի լավագույն և խոշոր մասը. իբրև վառելիք նա ոչ մի արժեք չունի: Նույնիսկ հնարավոր է վառելիք պատրաստելու համար թողնված գոմաղբի կույտը որոշ չափով «լվանալ» ջրով և այդ ջուրը խառնել մեզին ու գոմաղբահեղուկին. դրանից վառելիքն իր արժեքը չի կորցնի, իսկ հեղուկի մեջ կանցնեն ավելի շատ սննդանյութեր:

Գոմաղբն օգտագործելու այս ձևն անշուշտ չէ կարող այն արդյունքը տալ, ինչ որ գոմաղբն իր ամբողջութեամբ վերցրած. բայց այս ձևով գոմաղբի օգտագործումն անշուշտ շատ ավելի ռացիոնալ կլինի, քան այն, ինչ կա ներկայումս: Գոմաղբի այս ձևի երկկողմանի օգտագործման խնդիրն առաջադրելով՝ անհրաժեշտ ենք պտնում, որ մեր կոլխոզներում և սովխոզներում այդ ուղղութեամբ թեկուզ փորձնական աշխատանքներ կատարվեն:

II. ՖԵԿԱԼԱՅԻՆ ՊԱՐԱՐՏԱՆՅՈՒԹԵՐ ԿԱՍ «ԳԻՇԵՐԱՅԻՆ ՈՍԿԻ»

Ինչպես գոմաղբը, այնպես էլ մարդկային արաթորությունները—ֆեկալները կամ «գիշերային ոսկին»—շատ վաղուց օգտագործվել են որպես պարարտանյութեր. իրենց կազմութեամբ և պարարտացնող հատկութեամբ լավ պահած գիշերային ոսկին գոմաղբին հավասար, իսկ շատ դեպքերում նրանից էլ ավելի լավ պարարտանյութ է դառնում: Ազոտի և ֆոսֆորի պարունակութեամբ ֆեկալնյութերն ավելի հարուստ են քան թե գոմաղբը. դա երևում է №10 աղյուսակից:

Աղյուսակ № 10

ՖԵԿԱԼՆԵՐԻ ՔԻՄԻԱԿԱՆ ԿԱԶՄԸ

Բաղադրիչ մասեր	Ֆեկալ. պարարտ	
	Գոմաղբ	
	տոկոսներով	
Ազոտ	0,5—0,9	0,5
Փոսֆորական թթու . .	0,4—0,5	0,3
Կալիում	0,1—0,3	0,6
Ջուր	87,0—93,0	75,0

Ֆեկալային պարարտանյութերի մեջ գտնվող սննդանյութերը (ազոտ և ֆոսֆորական թթու) շատ ավելի հեշտ յուրացվող վիճակում են գտնվում, քան թե գոմաղբի նյութերը. հետևաբար ֆեկալային պարարտանյութերն ավելի արագ ներգործող պարարտանյութեր են:

Մարդկային արտաթորությունների քանակը և կազմութունը մեծ չափով կախում ունի սննդի որակից, մարդու հասակից և այլն. միջին հաշվով մեկ մարդը տարեկան արտադրում է 50 կգ. պինդ արտաթորություն և 450 կգ. մեղ: Սույն աղյուսակը (11) ցույց է տալիս՝ ամբողջ տարվա ընթացքում մեկ մարդու արտաթորություններում գտնվող հանքային սննդանյութերի—ազոտ, ֆոսֆոր և կալիի քանակը:

Աղյուսակ № 11

Մեկ ՄԱՐԴՈՒ ԱՐՏԱԹՈՐՈՒԹՅՈՒՆՆԵՐՈՒՄ ՍՆՆԻԱՆՅՈՒԹԵՐԻ ՔԱՆԱԿԸ կգ-ներով

	Ջուր	Չոր նյութ	Ազոտ	Փոսֆոր	Կալի
Պինդ արտաթորություն (կգ.)	37	13	0,7	0,5	0,2
Մեղ (կգ.)	427	23	4,5	0,7	0,8
Գումարը տարեկան (կգ.)	464	36	5,2	1,2	1,0
Նույնը (‰/0)	93	7	1,0	0,2	0,2

Ինչպես տեսնում ենք՝ մարդկային արտաթորությունների մեջ ազոտն ընդհանուր հաշվով՝ 5 անգամ ավելի շատ է, քան թե ֆոսֆորը և կալիումը, ուստի ֆեկալային պարարտանյութերն ավելի շատ ազոտական պարարտանյութեր են, այսինքն՝ հենց այնպիսի պարարտանյութեր, որոնց շատ մեծ կարիք են զգում մեր երկրագործական շրջանների հողերը, և որոնց կարիքն ավելի ևս սրվում է պատերազմական պայմաններում: Ֆեկալային պարարտանյութերի ամենաարժեքավոր մասը մեղն է. նրա թե ընդհանուր քանակը և թե սննդանյութերի պարունակությունը մի քանի անգամ գերազանցում է պինդ արտաթորությանը. եթե սրան ավելացնենք նաև այն, որ մեզի մեջ գտնվող սննդանյութերը շատ ավելի արագ ներգործող նյութեր են, ապա պարզ կգառնա մեզի պարարտացնող արժեքը: Այս բոլորից երևում է, որ ֆեկալային պարարտանյութերն առհասարակ և նրա հեղուկ մասը հատկապես պետք է լրիվ օգտագործվեն զաշտերը պարարտացնելու համար:

Ինչպես գոմաղբի, այնպես էլ ֆեկալային պարարտանյութերի

պահելու պայմանները մեծ չափով ազդում են նրանց որակի վրա, գլխավորաբար՝ ազոտի քանակի և ձևափոխման վրա:

Արտաթորութվունները հավաքելը և դաշտ տեղափոխելը կատարվում է երեք տարբեր սխեմաներով.

1. փոսերի սխեմա,
2. տակառների սխեմա,
3. կանալիզացիայի (կոյուղու) սխեմա:

Արանից ամենակատարելագործվածը կոյուղու սխեման է, որը կիրառվում է մեծ քաղաքների անմաքրութվունները դուրս հանելու և միաժամանակ շրջակայքի հողերը պարարտացնելու համար. այդ բանը կատարվում է «ոռոգման դաշտերի» սխեմանով: Կոյուղու սխեմայի առավելութվունների և տեխնիկայի մասին այս գրքույկում ավելորդ ենք համարում խոսելը, քանի որ ամբողջ Հայաստանում գեոևեո ոչ մի տեղ կոյուղու ջրերով դաշտերը պլանավորված կարգով չեն պարարտացվում:

Գյուղական վայրերում և առանձին տնտեսութվուններում ամենից շատ տարածվածը փոսերի սխեման է. տակառների սխեմայով, թեև ավելի կատարյալ է, քան փոսերի սխեմայով, սակայն առայժմ դա մեզ մոտ մասսայականացնելը կապված է մի շարք դժվարութվունների հետ: Հայաստանի տորֆ ունեցող գյուղերում ֆեկալային պարարտանյութերը պետք է պատրաստել ճիշտ այնպես, ինչպես նեկարագրված է տորֆի գլխում (էջ 59): Մյուս վայրերում արտաքնոցների աղբը պարարտացման համար պատրաստելու լավագույն ձևը հետևյալն է:

Ոչ շատ խոր արտաքնոցի փոսերի հատակը և պատերն ամրացնել ջրին անթափանց շերտով. արտաքնոցի մի անկյունում ունենալ պարտեզի լավ հող, կամ եթե կա, ավելի լավ է՝ տորֆի փոշի. ամեն անգամ արտաքնոցից օգտվելուց հետո մի քիչ այդ նյութերից շաղտալ արտաթորութվան վրա, որով արտաթորութվունների հեղուկ մասը կծծվի այդ նյութերի մեջ ու կպահպանվի արագ քայքայվելուց. դրա շնորհիվ թե օզը մաքուր կլինի և թե աղբը կդառնա լավ որակի պարարտանյութ: Այդ արտաքնոցներից աղբը փոխանակ առանձին օգտագործելու՝ լավ է պարբերաբար հանել, խառնել գոմաղբի կոյուղին և նրա հետ միասին գործադրել: Գոմաղբ չուսնեստրու գեպքում արտաքնոցի աղբը կարելի է գործածել նաև առանձին:

Արտաքնոցի աղբն առանձին օգտագործելու տեխնիկան նման է գոմաղբի կամ տորֆային կոմպոստների գործադրման տեխնիկային: Լավ է այն դաշտ տանել և հողի մեջ մտցնել աշնանից՝ ցրտահերկի տակ: Մեկ հեկտար բանջարանոցին բավական կլինի 40 տոնն աղբ: Եթե ֆեկալային պարարտանյութին խառնված է տնտեսութվան մո-

խիրը, ապա պետք է զգուշ լինել և մի քանի տարի իրար վրա դրանով առատորեն չպարարտացնել հողը, որովհետև այդ աղբի մեջ զբուսելով լուծելի աղբը (կերակրի աղ) հեշտությամբ փչացնում են հողի ֆիզիկական հասկությունները. այս բանը խիստ կարտահայտվի ծանր կավային հողերի վրա:

Ֆեկալ պարարտանյութն էլ դաշտ պետք է տանել վարից անմիջապես առաջ, որպեսզի շաղ տրվելուց հետո իսկույն խառնվի վարվող հողի հետ, հակառակ դեպքում՝ այդ պարարտանյութից էլ զոմաղբի նման, ազոտի մեծ մասը հեշտությամբ կհեռանա:

Եթե պարզված է, որ պարարտացվող հողը, ազոտից բացի, կաբիք ունի նաև ֆոսֆորական և կալիական պարարտանյութերի, ապա ֆեկալային պարարտանյութին լրացման կարգով պետք է տալ հանքային պարարտանյութեր. քանի որ 40 տոնն աղբի մեջ եղած ֆոսֆորն ու կալիումը կարող են բավարար չլինել բարձր բերք ստանալու համար: Հանքային պարարտանյութերով լրացումն անհրաժեշտ կլինի նաև այն պատճառով, որ ազոտի միակողմանի գերակշռության հետեվանքով բերքի որակը կարող է ընկնել: Կես նորմա (20 տոնն) ֆեկալ պարարտանյութ գործադրելիս՝ նրան իբրև լրացում բավական կլինի տալ 3 ցենտներ սուպերֆոսֆատ և նույնքան էլ զուտ աթաբի մոխիր:

III. ԹՈՉՆԱՂԲ (ԾԵՐՏ*)

Թռչունների արտաթորություններն աչքի են ընկնում ազոտի և ֆոսֆորի բավական բարձր պարունակությամբ: Սույն աղյուսակում մեջ են բերվել ազոտի, ֆոսֆորի և կալիի միջին պարունակությունները՝ ընտանի թռչունների թարմ արտաթորություններում.

Աղյուսակ № 12

ԹՈՉՆԱՂԲԵՐԻ ՔԻՄԻԱԿԱՆ ԿԱԶՄԸ 0/0-ներով

Թռչնի տեսակը	Ջուր	Ազոտ	Ֆոսֆոր	Կալի
Սառ	77	0,6	0,5	0,9
Բադ	57	1,0	1,4	0,6
Հավ	56	1,6	1,5	0,8
Ազափնի	52	1,7	1,8	1,0

Ծերուր չորացնելուց հետո աննդանյութերի տոկոսային պարունակությունը բարձրանում է (մոտավորապես 2,5—3⁰/₀ ազոտ, և

* Այս հատվածը թարգմանարար վերցրել ենք Дикусар и др. «Агрохимия» գրքի 1940 թ. հրատարակությունից:

2,5—3⁰ |₀ ֆոսֆորական թթու): Թռչնաղբի կազմութիւնը կախում ունի նրանից, թե ինչ կեր է ստացել թռչունը: Ավելի խտացրած կերերի դեպքում ձերտի մեջ ավելի շատ ազոտ և ֆոսֆոր է լինում: Թռչնաղբի կազմութիւնը կախված է նաև այն պահելու պայմաններից, որովհետև պահելու ընթացքում կարող է ազոտի տարբեր կորուստ տեղի ունենալ:

Տնտեսութեան մեջ մոտավորապես հետևյալ քանակութիւններով կարելի է թռչնաղբ հավաքել.

Մեկ հավից տարեկան կարելի է հավաքել 5—6 կգ, ձերտ.

« բազից »	»	»	8—9 »	»
» սագից »	»	»	10—11 »	»
» աղափուց »	»	»	2—3 »	»

Թռչնաղբը պարարտացման համար հավաքելը տնտեսութեան մեջ սակիցում է պարարտանյութերի լրացուցիչ ռեսուրսների խիստ արժեքավոր մի աղբյուր: Թռչնաղբը հավաքելիս և պահելիս՝ պետք է հոգ տանել, ինչքան հնարավոր է՝ լրիվ պահպանվեն նրա մեջ գտնվող սննդանյութերը: Եթե ձերտը պահվում է թաց վիճակում, ապա նրա քայքայման ժամանակ ազոտի մեծ կորուստ է տեղի ունենում՝ ամոնիակի ձևով:

Ազոտը կորստից պաշտպանելուն օգնում է չոր մամուսորֆը, որը խառնվում է թրամ ձերտին: Տորֆը կլանում է ջուրը, ամոնիակը և ազոտի կորուստը փոքրացնում է: Եթե տորֆ չկա, ապա նրա փոխարեն կարելի է գործածել չոր հումուսային հողը, անտառային ցամքարը և այլն: Ծերտը տորֆին խառնելուց հետո՝ այն չպետք է խոնավացնել, այլ ավելի լավ է պահել չոր վիճակում: Ձմեռը, ձերտի քայքայումը կանգնեցնելու համար, կարելի է այն սառեցնել և սառցրած վիճակում պահել մինչև գարունը, իսկ տաք օրեր սկսիլիս՝ չորացնել: Այս բոլորն անհրաժեշտ են ազոտը կորստից պաշտպանելու համար, հետևաբար՝ նաև ձերտի պարարտացնող ազդեցութիւնը մեծացնելու համար:

Հողը մտցրած ձերտը բավական արագ է քայքայվում: Այդ պատճառով էլ ձերտն ուժեղ ներգործող պարարտանյութ է: Ծերտը հողը մտցնելիս մեծ նշանակութիւն ունի նրա հավասարաչափ բաշխումը: Ավելի հավասարաչափ մուծմանը հասնում են այն դեպքում, երբ այն գործադրում են մանրացրած վիճակում և ոչ թե ամբողջ կոշտերով: Խնամքով մանրացնելն առանձնապես կարևոր է այն ժամանակ, երբ ձերտը գործադրվում է բույսերի սնուցման համար հողի երեսին շաղ տալու ձևով:

Մեջ ենք բերում մի քանի տվյալներ, որոնք ընդհանուր են ձերախ պարարտացնող ազդեցությունը:

1936 թվին Կիրգիզիայի փորձնական կայանը ստացել է շաքարի ճակնդեղի բերքի հետևյալ հավելումը՝ թռչնաղբով սնուցում կատարելով:

Աղյուսակ 13

ԹԻՉԼԱՂԲՈՎ ՍԵՌՆՅՄԱՆ ԱԶԴԵՑՈՒԹՅՈՒՆԸ ՇԱՔ. ՃԱԿՆԴԵՂԻ ՎՐԱ

Թռչնաղբի նորման	Բերքի ցենտն/հեկտ.	Հավելում ցենտն/հեկտ.
Առանց սնուցման	384	—
Երկու սնուցում՝ 2,5 ց/հեկտ.	439	55
Երկու սնուցում՝ 5,0 ց/հեկտ	454	70

Ճակնդեղի դաշտավարութայն Ինստիտուտի տվյալներով աշնանացան ցորենը հավի ձերտով գարնանային սնուցման ենթարկելով (ընդամենը կատարվել է 30 փորձ), միջին հաշվով հեկտարից ստացվել է 3,1 ցենտն. ցորենի բերքի հավելում: Վիճնիցայի մարզի կուլտուրներում 1936 թվին կատարված փորձերից ստացվել է, որ հեկտարին 5—7 ցենտներ թռչնաղբով սնուցում կատարելիս՝ աշնանացան ցորենի բերքի հավելում է եղել 4—5 ցենտներ, իսկ առանձին դեպքերում հասել է մինչև 10 ցենտներ հասիկի:

Այս օրինակները ցույց են տալիս, որ թռչունների ձերտը իբրև արագ ներգործող պարարտանյութ հաջողությամբ կարելի է օգտագործել բույսերի սնուցման համար նրանց վեգետացիայի ժամանակ: Սա անշուշտ չի նշանակում, որ թռչնաղբով նպատակահարմար չէ պարարտացնել հողը նաև ցանքային առաջ:

Պ. Ա. Վլասյուկի տվյալներով՝ (ՈւՍՍՌ-ի կուլտուրներում կատարված արտադրական փորձեր) շաքարի ճակնդեղի տակ 3—4 ցենտներ թռչնաղբը կուլտիվատորով գարնանը հողի տակ շուտ տալով՝ հեկտարից ստացվել է 12—24 ցենտներ ճակնդեղի բերքի հավելում:

Եթե թռչնաղբն օգտագործվում է շաքարահերկ կուլտուրաների սնուցման համար, ապա այն կարելի է հողը մացնել թե՛ չոր և թե՛ հեղուկ դրությամբ, վերջին դեպքում, մանրացրած ձերտը ջրի հետ խառնելով՝ պատրաստում են «շփոթ»: Երբեմն հանձնարարում են թռչնաղբը ջրի մեջ խառնել հողը մացնելուց մի քանի օր առաջ, զրպեսզի «հասունանա»: Սակայն դա նպատակահարմար չէ, որովհետև այդ խմորման ժամանակ ազոտի կորուստ է տեղի ունենում:

IV. ՏՈՐՖ

Տորֆը կիսաքայքայված, կամ՝ երբեմն գրեթե չքայքայված բուսական նյութերի կուտակում է և առաջ է գալիս այն պայմաններում, երբ օրգանական նյութի քայքայման հնարավորություններ չկան: Այդպիսի վիճակում են գտնվում տորֆային ճահճուտները, ուր ջրի առատությունը պատճառով՝ օդի մուտքը խանգարվում է, հետևաբար և օրգանական նյութի այրուր քայքայումը կանգ է առնում: Տորֆային կուտակումները երկու խմբի են բաժանվում:

ա) Բարձրագիւր վայրերի կամ մամռային ճահճուտների տորֆեր և

բ) Յածրագիւր վայրերի կամ մարգագետնային ճահճուտների տորֆեր:

Տորֆի այս երկու խմբերն իրարից տարբերվում են թե՛ առաջացման պայմաններով, թե՛ բուսական տեսակներով և թե՛ իրենց կազմությունում ու հատկություններով:

Ժողովրդական անտեսություն մեջ տորֆն օգտագործվում է երեք հիմնական ուղղությամբ.

ա) որպես վառելիք.

բ) որպես քիմիական վերամշակության հումք և

գ) գյուղատնտեսության մեջ՝ որպես պարարտանյութ կամ ցամփար:

Սովետական Միությունը տորֆի պաշարով առաջին տեղն է գրավում ամբողջ աշխարհում. Միության մեջ տորֆային ճահճուտները կազմում են 70,000,000 հեկտար տարածություն և ունեն 153 միլիարդ տոնն տորֆի ընդհանուր պաշար:

Տորֆի այդ պաշարը հիմնականում գտնվում է հյուսիսային մարզերում: Հարավային մարզերում և ռեսպուբլիկաներում տորֆի պաշարն աննշան է և ունի տեղական նշանակություն: Տորֆն առհասարակ այնպիսի նյութ է, որ միտք չունի հեռու վայրեր տեղափոխել՝ օգտագործելու համար. այդ պատճառով էլ նա մեծ մասամբ օգտագործվում է, կամ վերամշակվում է իր տեղում:

Հայաստանի մի քանի շրջաններում (Բասարդեշար, Ամասիա, Ապարան, Լեռինական և այլն) վերջերս հայտնաբերվել է տորֆի որոշ պաշար. այդ ուղղությամբ հետախուզությունները շարունակվում են: Դեռևս ոչ լրիվ հետազոտությունները ցույց են տալիս, որ այդ տորֆն ունի տեղական նշանակություն: Բասարդեշարում արդեն գործում է տորֆ մամլող գործարանը, որը շրջանին մատակարարում է նոր տիպի վառելիք:

Հայաստանի տորֆն առաջին հերթին՝ որքան այդ հնարավոր է՝ պետք է օգտագործել որպես վառելիք՝ անտառագործիկ շրջաններում.

բայց քանի որ մեր տորֆերի մեծ մասը իր որակով վառելու հարմար չէ, ուստի ավելի մեծ չափով պետք կլինի այն օգտագործել գյուղատնտեսության մեջ: Տորֆը որպես վառելիք օգտագործելու դեպքում համապատասխան քանակությամբ գոմաղբ կազատվի վառվելուց և կօգտագործվի պարարտացման համար:

Վառվող տորֆի ցածրորակ տեսակները և փոշին պետք է օգտագործվի կամ որպես ցամքարի նյութ (տորֆն ամենալավ ցամքարանյութն է համարվում՝ ջուր կլանելու իր բարձր ընդունակությամբ), կամ որպես անմիջական պարարտանյութ և կամ մի շարք կոմպոստների մեջ: Տորֆը որպես պարարտանյութ գործադրելիս՝ կնպաստի մեր շրջանների հողերն օրգանական նյութով՝ հումուսով հարստանալուն, որի շնորհիվ կլավանան հողի ֆիզիկական, քիմիական և բիոլոգիական հատկությունները, ստրուկտուրան և այլն, իսկ այդ բոլորի շնորհիվ լավագույն ֆոն կստեղծվի հանքային պարարտանյութերի ավելի էֆեկտիվ գործադրման համար: Հայաստանի մի շարք հողերում հանքային պարարտանյութերի ցածր էֆեկտիվությունը մասամբ հետևանք է այն բանի, որ այդ հողերն աղքատ են օրգանական նյութերով: Այս բոլորից բխում է այն, որ եթե մեր տորֆը, թեև կուղ և մասամբ, պարարտացման համար օգտագործելու լինենք, ապա զգալի չափով զարկ տված կլինենք համապատասխան շրջանների հողերի բերքատվությանը՝ կոլխոզային աշխատանքի արտադրողականության բարձրացմանը:

Հայաստանում մինչև հիմա հայտնաբերված տորֆերից Բասարգեչարի և Ամասիայի տորֆերի նմուշները որոշ ուսումնասիրություններից ենթարկեցինք մենք*): № 14 աղյուսակի թվերը գաղափար են տալիս այդ տորֆերի՝ իբրև պարարտանյութերի քիմիական կազմության

Աղյուսակ 14

ՏՈՐՖԵՐԻ ՔԻՄԻԱԿԱՆ ԿԱԶՄԸ

	Օրգան. նյութ	Մոխիր	Ազոտ N	Ֆոսֆոր P ₂ O ₅
Բասարգեչարի տորֆ	75,94	24,06	3,19	0,31
Ամասիայի տորֆ	70,77	29,23	2,69	0,26
Մամուսի տորֆ	97,60	2,40	0,93	0,23
Մարգագետնային տորֆ	90,23	9,77	2,22	0,21
Գոմաղբի չոր նյութի մեջ	80,0	20,0	2,0	0,80
Գոմաղբ բնական զրուծյամբ	20,0	5,0	0,5	0,20

*) Այդ ուսումնասիրությունները, սկսած 1937 թ. ընդհատվեցին այն պատճառով, որ գյուղատնտեսության մեջ մեր տորֆերի գործադրման հետաքննարկներ չկային: Այժմ երբ նորանոր տորֆավայրեր են հայտնաբերված, որոնց տորֆը իբրև վառելիք վառ որակի է, կարևոր է ուսումնասիրել նրանց գյուղատնտեսական պիտանիությունը:

մասին, համեմատության համար մեջ ենք բերում նաև մամուլին և մարգարեականության տորֆերի, ինչպես նաև գոմաղբի քիմիական կազմության մասին տվյալներ (100 մաս չոր նյութի մեջ):

Ինչպես տեսնում ենք, ուսումնասիրված տորֆերը թեև քիչ օրգանական նյութեր են պարունակում, քան մյուս տորֆերը (ուրեմն և մոխրով հարուստ են) բայց և այնպես ազոտի պարունակությամբ գերազանցում են և՛ մյուս տորֆերին և՛ լավ գոմաղբին. ֆոսֆորի պարունակությամբ հետ են մնում միայն գոմաղբից: Այս թվերը ցույց են տալիս, որ Հայաստանի տորֆերով հողերը պարարտացնելու դեպքում մենք նկատելի չափով դրանք կհարստացնենք հանքային սնունդանյութերով, որոնք և կնպաստեն բերքի բարձրացմանը:

Բազմատեսակ տորֆերի հետ շատ սեղերում փորձեր են կատարվել՝ պարզելու համար նրանց պարարտացնող նշանակությունը. փորձերը կատարվել են տարբեր հողերի և գյուղատնտեսական տարբեր բույսերի վրա: Փորձերն ամենուրեք հաստատել են, որ տորֆը որպես աղպիսին, առանց նախօրոք կոմպոստացման ենթարկելու, քիչ չափով է բարձրացնում բերքը. դա վերաբերում է գլխավորաբար առաջին տարվան. տորֆի դրական ազդեցությունը երևան է գալիս սովորաբար մյուս տարիներում և բավական երկար է տևում: Նույն բանը հաստատվեց նաև մեր փորձերում՝ Բասարգեշարի և Ամասիայի տորֆերի նկատմամբ:

Այդ տորֆերի վրա կատարված փորձերը (վեգետացիոն) գարու, վուշի և բամբակի նկատմամբ ցույց տվեցին, որ առաջին տարում բերքի նկատելի բարձրացում լինում է մեծ զոզաների դեպքում. կատարված փորձերից մի քանի տվյալներ մեջ ենք բերում № 15 աղյուսակում: Պարզության համար տրվել են բերքերի հարաբերական թվերը՝ չարարտացրած անոթներից ստացածը 100-ի վերաձևելով: Գարու և վուշի տվյալները վերաբերում են ամբողջ բույսի չոր նյութերին, իսկ բամբակի տվյալը՝ հումքին:

Աղյուսակ 15

ԱՄԱՍԻԱՅԻ ԵՎ ԲԱՍԱՐԳԵՉԱՐԻ ՏՈՐՖԵՐԻ ԱՉԴԵՑՈՒԹՅՈՒՆԸ ԲԵՐՔԻ ՎՐԱ

Պարարտացում	Գարի	Վուշ	Բամբակ
Չարարտացրած	100,0	100,0	100,0
Ամասիայի տորֆ I զոզա	96,0	97,0	113,7
» » II »	110,0	102,0	118,4
» » III »	110,0	112,0	118,4
Բասարգեշարի տորֆ I զոզա	107,0	93,0	105,0
» » II »	108,0	101,8	146,8
» » III »	124,0	—	—
Հանքային պարարտանյութեր	427,8	444,7	192,7

Այս տվյալների հիման վրա, ինչպես նաև մեր տորֆերի մյուս հատկութունները նկատի ունենալով՝ կարելի է ասել, որ նրանք համեմատաբար արագ ներգործող պարարտանյութ կարող են լինել, եթե գարու և վուշի կարճ վեղետացիայի ընթացքում մեծ չափով չեն բարձրացրել բերքը, ապա երկար վեգետացիա ունեցող բամբակի վրա նրանց դրական ազդեցութունն սպասածից ավելի մեծ է եղել:

Վաղարշապատի շրջանի «Արշարույս» կոլտոզը մեծ հաջողությամբ օգտագործում է Այդր-լճի շրջակայքում գտնվող տորֆախառն հողն իբրև պարարտանյութ՝ բամբակի և հացահատիկների դաշտերի համար: Մեր լաբորատորիայում կատարած անալիզը այդ տորֆահող պարարտանյութի մեջ ցույց է տվել մոտ 40% ազոտ: Ինչպես երևում է, Հայաստանի ցածրավայրերում հղած տորֆանման կուտակումները, որոնք իբրև վառելիք պետքական չեն, կարող են լավ պարարտանյութ լինել նույն շրջանների հիմնական կուտուբանների համար:

Հայաստանի տորֆերը չունեն այն քաղցասական հատկութունը — թթվութունը, որը հատուկ է մամուռային տորֆերին, ուստի սրանց օգտագործման միջոցները մի փոքր կարելի է այլ կերպ կազմակերպել:

Մեր կարծիքով Հայաստանի տորֆերն ավելի սացիոնալ կերպով կօգտագործվեն, եթե հողը մացվեն ոչ թե անմիջապես, այլ գոմերում և արտաքնոցներում իբրև ցամքար օգտագործվելուց հետո, կամ՝ գոմաղբի ու այլ նյութերի հետ կոմպոստացման ենթարկվելուց հետո:

Մեր տորֆերն իբրև ցամքար, անշուշտ ավելի վատն են, քան թե մամուռային տորֆերը. մերոնց ջուր կլանելու կարողութունը չի անցնում 400%-ից, մինչդեռ մամուռային տորֆինը հասնում է 800—1000 տոկոսի: Բայց և այնպես մեր այդ վատ տորֆն իբրև ցամքար 2 անգամ ավելի լավ է, քան ծղոտային ցամքարը, որպիսին դարձյալ չունենք մեր անտեսութուններում: Մյուս կողմից տորֆը (նրա մանրուքը) և տորֆախառն հողերն իբրև ցամքար օգտագործվելով՝ ցամաքեցնում են գոմի հատակը, շատացնում են գոմաղբի քանակը և այն հարստացնում են սննդանյութերով: Բացի այդ, ապացուցված է, որ տորֆը շատ լավ կլանում է գոմաղբից և արտաքնոցներից առաջացող ամոնիակ դաղը, ուստի և տորֆի միջոցով կարելի է միխմումի հասցընել ամոնիակի կորուստը:

Ֆեկալային պարարտանյութերին և գոմաղբին տորֆ խառնելով՝ լավագույն պարարտանյութ կտացվի այն ժամանակ միայն, երբ դրանց նկատմամբ կտածվի պահանջված խնամքը. իսկ պատրաստի լավագույն պարարտանյութն օգտակար կլինի միայն այն դեպքում, երբ նրա կիրառումը—հող մտցնելը—կատարվի պահանջված կարգով (էջ 33). հակառակ դեպքում, եթե պատրաստած գոմաղ-

ըը պետք է ծառայի իբրև վառելիք կամ իբրև պարարտանյութ՝ պետք է այնպես վատ օգտագործվի, ինչպես մինչև այժմ է եղել, ապա միտք չունի գոմաղբի հետ միասին փչացնել նաև տորֆը: Այդ գեպքում, իբրև ժամանակավոր միջոցառում, ավելի լավ կլինի տորֆն օգտագործել որպես առանձին պարարտանյութ:

Երբ մեր կոլխոզներում կունենանք կուլտուրական գոմաղբամբարներ և կամրանա լավորակ գոմաղբ պատրաստելու և իբրև պարարտանյութ կիրառելու գործը, այն ժամանակ տորֆը պետք է օգտագործվի նաև որպես ցամաքար և ապա՝ գոմաղբի հետ միասին մտնի հողը:

Տորֆն առանձին վերցրած իբրև պարարտանյութ օգտագործելու ակնհայտ հետեյալն է. կոլխոզները զարնանից սկսած մինչև աշունը—գլխավորաբար՝ ամառվա ընթացքում—ամբարում են հարկավոր քանակութեամբ տորֆ, ըստ հնարավորին չորացնում են՝ արևի տակ փռելով և հաճախակի խառնելով. այդ նույն ժամանակ, եթե նա մեծ կտորներով է, մանրացնում են (մի քանի սանտիմետր մեծութեան կտորներով), որպեսզի հետո հեշտ լինի շաղ տալ հողի վրա:

Եթե կոլխոզն ունի տորֆային ճահճուտ, որտեղից պետք է տորֆ պատրաստի, ապա աշխատանքը կատարվում է մոտավորապես հետևյալ կերպ (ըստ Միուլթյան ՀԹԿ-ի հրահանգի):

Տորֆի հանումն սկսելուց առաջ՝ անհրաժեշտ է ճահիճը չորացնել բաց առուների միջոցով, հեռացնել ծառերի բնիքը, թփերը, մեծ քարերը և տորֆի վերին շերտը—ճիմը: Պատրաստած տորֆավայրը վարել գութանով, փխրեցնել զսպանակավոր կամ դիակավոր կուլտիվատորով և փոցխով: Մի քանի օրվա ընթացքում այդ քրքրած շերտը օդահարեւ, մինչև որ նրա խոնավութեանը լինի 65—70% -ի, որից հետո տորֆը հավաքել ու թմբեր սարքեր: Տորֆը թմբերով հավաքելու համար գործածում են ձիու փայտյա թիակներ և հավաքելու այլ գործիքներ:

Տորֆը ձևօքի աշխատանքով քանդելիս՝ պետք է հանքավայրն օգտագործել կանոնավոր կարիքներով (հանքամասերով) կամ շերտ առ շերտ: Զի քուլլատրվում տորֆը հանել փոսերով. գրանով փչացվում է ճահճուտը:

Տորֆի օգտագործումը՝ գոմաղբ պատրաստելիս.— Գոմաղբին տորֆ ավելացնելով՝ կարելի է երկու և ավելի անգամ շատացնել բորձրորակ գոմաղբի կուտակումը կոլխոզում: Գոմաղբ պատրաստելիս կարելի է օգտագործել տորֆի բոլոր տեսակները՝ անկախ նրանից, թե ինչ աստիճանի քայքայված են նրանք:

Ամառվա ընթացքում պատրաստած տորֆը տարվում է գոմաղբամբարի մոտ: Գոմաղբամբարի հատակի վրա փռվում է տորֆի մի

շերտ՝ 30—50 սմ. հաստութեամբ: Գոմից դուրս բերած ամենօրյա գոմաղբը դարսվում է տորֆի շերտի վրա և ժամանակ առ ժամանակ գոմաղբի կույտի մեջ շերտ առ շերտ տորֆ է ավելացվում: Գոմաղբամբարում դարսած գոմաղբը վերևից ծածկվում է 15—20 սմ. տորֆի շերտով: Գոմաղբամբարում գոմաղբին տորֆ կարելի է ավելացնել գոմաղբի քաշի 50-ից մինչև 100%⁰-ի չափով: Տորֆի նման օդատազործումը կարող է կրկնապատկել գոմաղբի պաշարը անտեսութունում:

Գոմաղբը տորֆի հետ միասին պահելը պահպանում է գոմաղբի աննշանյութերը և նպաստում է տորֆի քայքայմանը:

Տորֆը լայնորեն պետք է կիրառվի նաև գոմերում՝ իբրև լավ ցամքարի նյութ:

Տորֆային կոմպոստ՝ գոմաղբահեղուկի հետ.—Մեկ գլուխ տավարից տարվա ընթացքում հավաքվում է 2-ից մինչև 3 խորանարդ մետր աղբահեղուկ (ժիժա)—ամենաարժեքավոր պարարտանյութը: Կոլխոզները խնդիրն է՝ լրիվ կերպով պահպանել գոմաղբահեղուկը:

Գոմաղբահեղուկն առանձին հորերում պահելը կապված է հեղուկի մեջ եղած սննդանյութերի մասնակի կորուստի հետ: Տորֆը կլանելով հեղուկը՝ դառնում է այն կորստից պահպանելու լավագույն միջոցը: Հաշվի առնելով այս հանգամանքը՝ կոլխոզները հատուկ ուշադրություն պետք է դարձնեն տորֆը գոմերում իբրև ցամքարի նյութ օգտագործելու վրա:

Կոմպոստացման համար տորֆը անհրաժեշտ է ձեռք բերել ամռանը և ավելի խնամքով չորացնել: Այս նպատակի համար պիտանի է ամեն տեսակի տորֆը, բացի այն տորֆից, որը շատ կիր է պարունակում:

Գոմին-ախուին մոտիկ տեղափոխված տորֆը 50 սանտիմետրանոց շերտով դարսվում է նախօրոք պատրաստված տարածութեան վրա. տորֆի շերտի լայնությունը պետք է լինի 2,5—3 մետր, իսկ երկարությունը կախված կլինի պատրաստվող կոմպոստի քանակից: Տորֆի ամբողջ շերտը թրջում են գոմաղբահեղուկի հորից հանած ժիժայով:

Տորֆի առաջին շերտը լավ ծծեցնելուց հետո, նրա վրա տորֆի նոր շերտ են փռում և հեղուկով ծծեցնում: Կոմպոստի կույտը՝ 2—2½ մետր բարձրությամբ և 2,5—3 մետր լայնությամբ պահվում է երկկողմանի թեք կտուրների ձևով:

Ամբողջ կույտը պարբերաբար թրջվում է և վերևից ծածկվում է չոր տորֆի շերտով: Տորֆը հեղուկով հավասարապես թրջելու դեպքում կոմպոստը խոռոները պարտադիր չէ:

Կոմպոստի մեջ շատ գոմաղբահեղուկ լինելու դեպքում կույտն արագ է հասունանում և 10—20 օր հետո կարելի է հողը մտցնել:

Կոմպոստի մեջ քիչ գոմաղբահեղուկ լինելու դեպքում կույտը հասու-
նանում է խառնելուց 1—2 ամիս հետո:

Տորֆափեկալային կամպոստ. Ֆեկալային նյութերին կոմպոստաց-
ման համար կարելի է խառնել ամեն տեսակի տորֆ—քիչ քայքայ-
ված թելավոր (ցամքարային) տորֆից՝ մինչև հողային, լավ քայ-
քայված ցածրավայրի տորֆը:

Արտաքնոցի սովորական փոսի մեջ այն օգտագործելուց առաջ՝
հատակին փռում են տորֆի շերտ՝ 30—50 սանտիմետր հաստությամբ:
Այնուհետև ամեն օր փոսի մեջ զցում են փոքր քանակությամբ տորֆ:
Փոսը լցվելուց հետո տարեկան մեկ կամ երկու անգամ տորֆաֆե-
կալային պարարտանյութը տեղափոխվում է դաշտը:

Արտաքնոցներում տորֆ լցնելով պահպանվում է ֆեկալի մեջ
եղած արժեքավոր անոդանյութը:

Այն արտաքնոցներում, որտեղ ֆեկալային նյութերը թափվում
են ոչ թե փոսի, այլ արկղի կամ դուլի մեջ, ապա արկղը կամ դուլը
դատարկելիս՝ ամեն օր պետք է մի քիչ տորֆ լցնել նրանց մեջ: Ար-
տաքնոց զնացողն էլ մի քիչ տորֆ է ավելացնում արկղին կամ
դուլիին:

Արկղի պարունակությունը ամեն օր դատարկվում է կոմպոս-
տացման կույտի մեջ, որը գտնվում է տախտակներից պատրաստած
անհատակ՝ հասարակ արկղի մեջ: Կոմպոստացման կույտը կենդանի-
ներից մեկուսացնելու համար փակում են փայտե ցանցով:

Ֆեկալային նյութերը թափելով կոմպոստացման կույտի մեջ՝
նրան անմիջապես ավելացնում են տորֆ, որպեսզի բաց և թաց տե-
ղեր չմնան:

Տորֆային կոմպոստների և չորացրած տորֆի գործադրումը. Խոր
վարը հիմնական պայմանն է տորֆային կոմպոստները ճիշտ կերպով
օգտագործելու համար: Տորֆային կոմպոստները լավ ազդեցություն
են թողնում ամենատարբեր հողերի վրա: Աշնանացան կուլտուրանե-
րի համար կոմպոստը պետք է մտցնել ցելի առաջին վարի տակ,
զարն անացանների համար՝ ցրտահերկի տակ: Տորֆային պարարտա-
նյութերը դուրսնույ շուռ են տրվում վարելաշերտի ամբողջ խորու-
թյան վրա:

Առանց կոմպոստացնելու պարարտացման համար գործադրվում
են ցածրադիր վայրերի մարգագետնային տորֆերը, որոնք հարուստ են
մոխրով, ֆոսֆորով և կրով (Հայաստանի տորֆերը հենց այդպիսիք
են): Այս տորֆերը հողը մտցնելուց առաջ պետք է օգահարել, այսինքն
քանդելուց հետո կուտակել և թողնել մի լատեամանակ այդ դրու-
թյամբ:

Տորֆն օգտահարելիս նրա մեջ եղած ենթաօքսիդային միացու-

թյուններն օքսիդանում են, խոնավությունը պահպանում է, տորֆը մանրանում:

Օդահարված տորֆի նորման մեկ հեկտարի համար սահմանվում է 40 տոննից ոչ պակաս, Այլ նորման կարող է բարձրացվել մինչև 80—100 տոննի: Գարնանացան կուլտուրաների համար օդահարված տորֆը լավ է հողը մտցնել ցրտաներկի տակ, խսկ ցելադաշտում՝ առաջին խոր վարի տակ: Ինչ վերաբերում է տորֆի առանձին տեսակներին՝ առանձնապես շատ ֆոսֆոր և կիր պարունակող տորֆերին (վիվիանիտային և կրային տորֆեր), ապա պետք է վերցնել՝ ելնելով նրանց մեջ եղած կրի և ֆոսֆորի պարունակությունից:

Աղյուսակ 16

ԿՈՄՊՈՍՏՆԵՐԻ ԵՎ ՕԴԱՀԱՐՎԱԾ ՏՈՐՖԻ ՄԱՏԱՎՈՐ ՆՈՐՄԱՆԵՐԸ

(մեկ հեկտարին սահմանով)

Կոմպոստի տեսակը	Հացահատիկների տակ.	Բանջարաբույսերի տակ	Կարտոֆիլի տակ
1. Տորֆազոմազրային	20—40	40—60	30—40
2. Տորֆաֆեկալային	15—20	30—40	20—30
3. Կոմպոստ զոմազրի ժրժայի հետ .	15—20	30—40	20—30
4. Օդահարված տորֆն առանց կոմպոստացման	40—60	40—80	40—80

V. ԱՐՇԵՍՏԱԿԱՆ ԳՈՄԱՂԲ ԿԱՄ ԿՈՄՊՈՍՏ ԲՈՒՍԱԿԱՆ ՍՆԱՑՈՐԴՆԵՐԻՑ

Գյուղական վայրերում, կոլեկտիվ տնտեսություններում և սովխոզներում հսկայական քանակությամբ բուսական թափուկներ, մնացորդներ են լինում, որոնք զուր տեղը փչանում ու կորչում են, մինչդեռ զբանցից կարելի է պատրաստել լավագույն պարարտանյութ. այդպիսի նյութեր են, օրինակ, կերի համար անպետք դարձած ծղտան ու դարմանը, տորֆը, արևածաղկի և եգիպտացորենի ցողունները, կարտոֆիլի և բազմաթիվ այլ բանջարանոցային բույսերի տերևները, քաղհանած և այլ մոլախոտերը, ծառերի տերևները՝ տերևաթափից հետո, փայտի թեփը, խորդենու (герань) կանաչ մասսան՝ յուղը հանելուց հետո և այլն:

Մասնագիտացած հացահատիկային խոշոր տնտեսություններում երբեմն հետևյալ դրությունն է տիրում. շնորհիվ այն բանի, որ դյուղատնտեսական աշխատանքները խոշոր չափով կատարվում են մե-

քինաներով, տնտեսութիւնը կարիք չի ունենում մեծ թիով բանոց անասուններէ: Մյուս կողմից՝ այդ հացահատիկային տարածութիւններին մշակութեան հետևանքով ամեն տարի տնտեսութեան մեջ մեծ քանակութեամբ ծոց է կուտակուում. կենդանիների թիւի փոքրութեան շնորհիւ այդ ծոցն ամբողջովին գոմաղբի վերածելն անհնար է. տնտեսութեան մեջ եղած փոքրաթիւ տավարը սնվում է այն լավ կերով, որ ստացվում է ցանքաշրջանառութեան մեջ եղած խոտաբույսերից կամ այլ դաշտերից:

Այս բոլորի դիմաց, հացահատիկի դաշտերը բարձր բերք տալու համար օրգանական պարարտանյութի—գոմաղբի կարիք են զգում: Այս դրութիւնից դուրս դալու համար առաջին և լավագոյն միջոցն այն կլինի, որ այդպիսի տնտեսութիւններում՝ կանոնավոր ցանքաշրջանառութեան հետևանքով և անասունների թիւի մեծացնելու շնորհիւ՝ հացահատիկների դաշտերն ապահովվեն գոմաղբով: Սակայն, եթե այդ տնտեսութիւնում այս կամ այն պատճառով մեծ քանակութեամբ ծոց է կուտակուել, ապա դա ռացիոնալ կերպով օգտագործելու մասին պետք է մտածել: Ահա այս դրութիւնից դուրս գալու համար, ինչպես նաև բոլոր տեսակի բուսական թափուկներն օգտագործելու համար վերջին ժամանակներս տնտեսութեան մեջ դրանցից (ծոցից, փչացած կերից, տերեւներից, մոլախոտերից և այլն) պատրաստում են կամպոստ կամ արհեստակցան գոմաղբ: Այդ բոլոր նյութերը կոմպոստացման ենթարկելն անհրաժեշտ է դառնում նաև այն պատճառով, որ այդ նյութերը թարմ վիճակում հողերը պարարտացնելու պիտանի չեն: Բազմաթիւ փորձերով ապացուցված է, որ երբ չքայքայված ծոցը կամ փայտանյութով հարուստ բուսական այլ մնացորդը հողն է մտցվում, ապա առաջին տարվա բերքը փոխանակ բարձրանալով՝ ընկնում է: Բերքի վրա բացասաբար է ազդում նաև թարմ գոմաղբը կամ առհասարակ ծոցով հարուստ գոմաղբը: Այդ բոլորի պատճառն այն է, որ ծոցը մտնելով հողը՝ սնունդ է դառնում հողում ապրող միկրօօրգանիզմներին. նրանք արագութեամբ բազմանալով՝ կլանում են հողում եղած մատչելի սննդանյութերը—առանձնապես՝ ազոտը և այդ պատճառով կուլտուրական բույսը տուժում է ազոտի պակասից: Նշանակում է՝ թարմ բուսական նյութը հողում կարող է պատճառ լինել բերքի նվազելուն, ուստի այն պետք է դարձնել ոչ միայն անվտանգ, այլև օգտակար նյութ. այդ միջոցը արհեստական գոմաղբն է:

Արհեստական գոմաղբ պատրաստելու մատերիալը կտրատում են 5—10 սմ. մեծութեան կտորների, թրջում են հարկավոր քանակութեամբ ջրով և հատուկ փոսերի մեջ, կամ ջրի համար անթափանցիկ հարթութեան վրա, կույտ են անում ու թողնում՝ հասունացման հա-

մար: Բուսական այդ մնացորդները (հատկապես ծղոտը) ազոտի և ֆոսֆորի քիչ քանակութիւնն են պարունակում, որի պատճառով էլ միկրոօրգանիզմները նրանց կուշտերում վառ են գործում, և լավորակ պարարտանյութ չի ստացվում: Այդ պահասը լրացնելու համար արհեստական գոմաղբի կուշտին ավելացնում են ազոտական և ֆոսֆորական պարարտանյութեր կամ՝ գոմաղբի հեղուկ: Մեկ տոնն ծղոտը գոմաղբի վերածելու համար ավելացնում են նրան 30 կգ. ցիանամիդ և 36 կգ. սուլֆերֆոսֆատ: Յիսնամիդ չունենալու դեպքում կարելի է վերցնել 30 կգ. ամոնիում սուլֆատ պարարտանյութը, բայց այս դեպքում հարկավոր է խառնել նաև կիր՝ 20-30 կգ, որպեսզի գոմաղբի կուշտը թթու չլինի և զրանից միկրոօրգանիզմները չտուժեն: Մեկ տոնն ծղոտը գոմաղբի վերածելու համար ավելացնում են ընդհանուր հաշվով $2\frac{1}{2}$ խոր. մետր, կամ 200 դույլ ջուր: Ծղոտը, պարարտանյութերը և ջուրը իրար են խառնում հետեյալ կարգով:

Ծղոտը կամ առհասարակ կոմպոստացման ենթարկվող բուսական նյութերը լավ թրջում են ամբողջ ջրի կիսով և թրջած ծղոտը փռում են գոմաղբի համար առաջուց պատրաստած փոսերի մեջ (որոնց հատակն ու պատերն ամրացված են) 15—20 սանտիմետր շերտով, այդ շերտի վրա շաղ են տուլիս համապատասխան պարարտանյութերի մի մասը. պարարտանյութերին և առհասարակ ծղոտին լավ է խառնել մի քանի բուռ պարտեղի լավ հող, որպեսզի այդ հողի հետ գոմաղբի կուշտի մեջ ընկնեն օգտակար բակտերիաները: Թրջած ծղոտի այդ շերտի վրա նույն կարգով դարսում են նոր շերտեր, խառնում են հող և պարարտանյութեր, մինչև որ կուշտի ընդհանուր հաստութիւնը հասնի մեկ մետրի: Պատրաստած կուշտը դուռն չեն ամրացնում, թողնում են մի քանի օր փուխը դուռթյամբ, որի ընթացքում կուշտի ջերմաստիճանը բարձրանում է: Կուշտի կենտրոնում դրած ջերմաչափով (կես մետր խորությամբ) հետևում են ջերմաստիճանին, և երբ նա հասնում է 55—60°-ի, կուշտը կոխտելով ամրացնում են, նորից թրջում են 50 դույլ ջրով (եթե մեկ տոնն ծղոտ է եղել) և 2—3 օր հետո դարձյալ ամրացնում են և կուշտին նորից ավելացնում են 50 դույլ ջուր: Այս ձևով պատրաստած կուշտի վրա նույն կարգով ևս մեկ մետր հաստության շերտ են անում և ապա՝ ամրացնում. երբ կուշտի ընդհանուր հաստութիւնը հասնում է երկու մետրի, երեսը ծածկում են թրջած դարմանի 10—15 սմ. շերտով և 3—4 ամիս թողնում են այդպես խոնավ և պինդ վիճակում: Այդքան ժամանակի ընթացքում, կուշտի մեջ բակտերիաների գործունեութեան շնորհիվ, ծղոտը կիսաքայքայված դուռթյան է վերածվում և գոմաղբի կուշտը դառնում է բնական գոմաղբի հատկութիւնն ունեցող պարարտանյութ: Երբ կուշտի մեջ գոմաղբը հասունացել է, նրա

օգտագործումը պարարտացման համար նույն ձևով է կատարվում, ինչպես բնական գոմաղբի դեպքում:

Արհեստական գոմաղբի կույտից 3—4 ամսվա ընթացքում բավականին շատ օրգանական նյութ է կորչում (35—50%): Այս գոմաղբի որակը մեծ չափով կախված է լինում այն բանից, թե ծղոտը ինչ չափով է քայքայվել և թե գոմաղբի մեջ ռքան աղոտ և ֆոսֆոր է մնացել:

Թե ինչ նշանակութուն ունի ծղոտի քայքայումը գոմաղբի կույտերի մեջ՝ նրանից լավորակ պարարտանյութ պատրաստելու համար, կարելի է տեսնել հետևյալ դաշտային փորձից, հավասար մեծության հողամասերը պարարտացվել են՝ չոր ծղոտով, 1 ամիս պահված արհեստական գոմաղբով և 6 ամիս պահված արհեստական գոմաղբով: Փորձը գրված է ավազախառն մի հողի վրա՝ կարտոֆիլի հետ. թվերը ցույց են տալիս կարտոֆիլի բերքը հետադիմաց՝ ցենտներով:

Պարարտացրած չոր ծղոտով ստացվել է 82,3 ցենտն. կարտոֆիլ:

Արհեստական գոմաղբով՝ 1 ամսվա » 106,0 » »

Արհեստական գոմաղբով՝ 6 » » 146,7 » »

Լավ պատրաստած արհեստական գոմաղբն իր ժրկիով հետ չի մնում բնական գոմաղբից: Հետևյալ՝ № 17 աղյուսակը ցույց է տալիս, թե ինչ քիմիական կազմութուն ունի արհեստական գոմաղբը. համեմատության համար բերում ենք նաև ծղոտի և նրանից պատրաստած կոմպոստի քիմիական կազմը. հաշիվները կատարված են 100 մաս չոր նյութի նկատմամբ տոկոսներով (Պարարտանյութերի Համաժողովական ինստիտուտի փորձերից):

Աղյուսակ 17

ԱՐՀԵՍՏԱԿԱՆ ԳՈՄԱՂԲԻ ՔԻՄԻԱԿԱՆ ԿԱԶՄԸ

	Չոր նյութ	Աղոտ	Ֆոսֆորաթթու	Կալի
Չոր ծղոտ	86,4	0,78	0,33	2,90
Ծղոտից արհեստ. գոմաղբ ստանց հանքային պարարտանյութի	18,7	1,22	0,56	3,72
Ծղոտից արհ. գոմ. հանք. պարարտով.	21,8	2,14	1,85	3,30

1930 թվին Չաղ տնտեսութունում մեր պատրաստած արհեստական գոմաղբի ազդեցութունը բամբակենու վրա հետազոտել ենք Գյուղատնտեսական ինստիտուտի հողամասում. համեմատության հա-

մար փորձել ենք նաև բնական գոմաղբը և հանքային պարարտանյութեր՝ այդ բոլորի մեջ պահպանելով ազոտի, ֆոսֆորաթթվի և կալիի հավասար քանակություններ: Փորձը շարունակվել է մինչև 1933 թիվը, ըստ որում 1932 թվին կրկին տրվել են նույն պարարտանյութերը: Փորձի 4 տարվա տվյալներն ամփոփված են հետևյալ՝ № 18 աղյուսակում. (բամբակի բերքը գրամներով 1 քառ. մետրից):

Աղյուսակ № 18

ԱՐՀԵՍՏԱԿԱՆ ԵՎ ԲՆԱԿԱՆ ԳՈՄԱՂԲԻ ԱԶԴԵՑՈՒԹՅՈՒՆԸ ԲԱՄԲԱԿԻ ԲԵՐՔԻ ՎՐԱ

Պարարտացում	1930 թ.	1931 թ.	1932 թ.	1933 թ.	4 տարվա միջին բերքը.	%/0
Առանց պարարտացման .	207,2	199,3	177,3	162,0	186,5	100,0
Բնական գոմաղբ	231,0	225,5	187,9	183,3	206,9	110,9
Արհեստական գոմաղբ	235,0	237,0	234,8	213,5	230,1	123,9
Հանքային պարարտանյութ	248,7	229,1	237,6	225,4	235,2	126,1

Ինչպես երևում է աղյուսակից, արհեստական գոմաղբը ավելի լավ ազդեցություն է արել բամբակի բերքի վրա, քան թե բնական գոմաղբը և այդ ազդեցությունը շատ բանով հետ չի մնացել լրիվ հանքային պարարտանյութի ազդեցությունից:

Վերջին հետազոտությունները ցույց են տվել, որ կոմպոստացման կույտին իբրև լրացում ավելացրած ազոտական պարարտանյութից ազոտի նկատելի կորուստ է տեղի ունենում, և այնքան ավելի մեծ է լինում այդ կորուստը, որքան ավելի շատ ազոտ է տրվել կույտին: Այդ պատճառով էլ երբեմն ավելի նպատակահարմար կարող է հա-

Աղյուսակ № 19

ՀԱՆՔԱՅԻՆ ՊԱՐԱՐԱՆՑՈՒԹՅՈՒՆԸ ԱԶԴԵՑՈՒԹՅՈՒՆԸ ԿՈՄՊՈՍՏԻ ՄԵՁ ԵՎ ԿՈՄՊՈՍՏԻ ՀԵՏ ԳՈՐԾԱԴՐԵԼԻՍ (բերքի հավելումը %/0-ներով)

Հողն ու կույտուրան	Ծղուղ կոմպոստացվել է միջա-նյութի և ֆոսֆորիան հետ (արհեստական գոմաղբ)	Ծղուղ կոմպոստացվել է առանց լրացումների. միջա-նյութն ու ֆոսֆորիտը մտցվել են հողը
Կավավազային հող		
Կարտոֆիլ	29	59
Վարսակ	59	68
Ավազային հող		
Կարտոֆիլ	125	171
Վարսակ	144	167

մարվել հետևյալը: — բուսական մասսան կոմպոստացնել առանձին — առանց հանքային ազոտ տալու, բայց այդ ազոտը իբրև լրացում հողին տալ՝ կոմպոստի հետ միասին: Ահա համապատասխան տվյալները ННУ — ի փորձերից: (Տես աղյուսակ 19):

Մեր սովխոզներում և կոլխոզներում պետք է հատուկ ուշադրու-
թյուն դարձնել արհեստական գոմաղբ — կոմպոստ պատրաստելու և
այդ ձևով տնտեսության մի շարք թափուկներն օգտագործելու վրա:

Տնտեսության մեջ մնացած ծղոտը, եին դարմանք, մոլախոտերը,
կարտոֆիլի և այլ բույսերի մնացորդները կարելի է վերածել արհես-
տական գոմաղբի, որը եթե լավ է պատրաստված և գործարված, ապա՝
բնական գոմաղբին հավասար և նույնիսկ նրանից լավ ազդեցությու-
ն է առում հողերի բերքատվության վրա:

VI. ՀԱՎԱՔԱԿԱՆ ԿՈՄՊՈՍՏ, ՏՆՏԵՍԱԿԱՆ ՏԱՐԲԵՐ ԹԱՓՈՒԿՆԵՐԻՑ*)

Հավաքական կոմպոստ (խառնաղբ) պատրաստելու համար օգտա-
գործում են տնտեսությունում ստացված թափուկները, ինչպես, օրի-
նակ, կեղևանքը (костра), կարտոֆիլի վերերկրյա մասը (տերևներ, ցո-
ղուններ), մոլախոտերը, ծառերի տերևները և դրանց նման բուսական
թափուկները, իսկ կենդանական ծագում ունեցող պրոդուկտներից՝ բուր-
գը, եղջյուրները, սմբակները, ոսկորները, թռչնի աղբը և այլն խոհա-
նոցային թափուկները, լվացած ամանների ջուրը, ինչպես նաև լվացքի
սապնաջուրը նույնպես օգտագործվում են կոմպոստացման կույտերում:
Այդ թափուկներից բացի, կոմպոստի անհրաժեշտ բաղադրիչ մասը
պետք է կազմեն նաև օրգանական նյութերով հարուստ հողը կամ տորֆը:
Թափուկների կոմպոստացման խնդիրը այն է, որ զբանք միկրոօրգա-
նիզմի կողմից քայքայման ենթարկելով՝ ազատվեն անխաչրերի ավելցուկից,
իսկ թափուկների մեջ գտնվող սննդանյութերը մատչելի դրուժյան
վերածեն: Թափուկները հողի կամ տորֆի հետ խառնելով՝ ստեղծվում
են քայքայման համար նպաստավոր ֆիզիկական պայմաններ. հողի
հետ միասին մտցվում են նաև բակտերիաներ: Կոմպոստի այդ բաղա-
դրիչ մասերի գլխավոր նշանակությունն այն է, որ նրանք պահպանում
են խոնավությունը և քայքայման պրոդուկտները պաշտպանում են
կորուստից: Տորֆի կլանող բարձր ընդունակությունը և նրա մեջ աղո-
տական նյութերի առկայությունը տորֆը դարձնում են հավաքական
կոմպոստի խիստ հարմար բաղադրիչ մաս: Միկրոօրգանիզմներով ավելի

*) Այս հատվածը թարգմանաբար վերցրել ենք Дикусар и др. „Агрохимия“
գրքի 1940 թ. հրատարակությունից:

լավ վարակելու համար կոմպոստին ավելացնում են գոմաղբ, ֆեկալ (գիշերային ոտկի), ինչպես նաև թրջում են գոմաղբահեղուկով:

Օրգանական նյութերից բացի, կոմպոստին ավելացնում են նաև հանքային թափուկներ՝ մոխիր, կրային աղբ և այլն: Այդ նյութերի նշանակութունը կրկնակի է. 1) նրանք կոմպոստը հարստացնում են կրով (իսկ մոխիրը՝ կալիով և ֆոսֆորով). 2) չեղոքացնում են թթվութունը և սեպտիկան թեքում են դեպի հիմքայնությունը:

Կոմպոստի կույտի պատրաստելը այսպես է.—հարթեցրած և ամբարացրած գետնի վրա լցնում են հողի կամ տորֆի շերտը՝ 15—20 սմ. բարձրությամբ: Այնուհետև այդ շերտի վրա դարսում են թափուկները (հնարավորության սահմաններում մանրացրած), կույտի մեջ շերտ առ շերտ ավելացնում են տորֆ և գոմաղբ և շաղ են տալիս մոխիր կամ կիր: Յուրաքանչյուր շերտն ամրացնում են: Կոմպոստացման կույտը սարքում են 2-ից մինչև 4 մետր լայնությամբ և 1,5—2 մետր բարձրությամբ. կույտի երկարությունը տարբեր է լինում և կախում ունի կոմպոստացման նյութերի քանակից: Կույտի լայնքը վերևում պետք է մի փոքր պակաս լինի, քան ներքևում: Կույտը դարսելուց հետո՝ այն ծածկում են հողի շերտով, որը կոմպոստը պահպանում է չորանալուց և քայքայումից առաջացող ամոնիակի կորուստից: Կոմպոստը խնամում են այսպես.—կույտը թրջելով՝ պահում են թաց վիճակում, որի համար վերևից ամբողջ կույտի երկարությամբ պատրաստում են սովախ. որպեսզի խոնավութունը ավելի լավ ներծծվի ներքին շերտերը՝ սովախի մեջտեղում փայտյա ցիցեր են անցկացնում, որոնք հանում են կույտը թրջելիս: Լավ է թրջոցը կատարել գոմաղբահեղուկով: Թրջելուց բացի, հանձնարարվում է կոմպոստի կույտը խառնել, որպեսզի ավելի համաչափ զանգված ստացվի և կույտի մեջ այերացիա կատարվի: Բայց քանի որ բահով խառնելը մեծ աշխատանք է պահանջում, ուստի հնարավորության դեպքում զբանից խուսափում են. եթե կույտի առանձին մասերում (օրինակ, արտաքին շերտերում) նյութը վատ է քայքայվել, ապա կոմպոստը դաշտ տեղափոխելիս այդ մասերը թողնում են տեղում և նորից վերցնում են նոր կոմպոստի կույտի մեջ:

Կոմպոստի հասունացած լինելն իմանում են զանգվածի համասեռ լինելուց, երբ չեն ջոկվում նրա առանձին բաղադրիչ մասերը: Կոմպոստը այդ վիճակի է հասնում, նայած կույտի դրությանը, տարբեր ժամկետներում—կես տարուց մինչև 2 տարի:

Կոմպոստը դարսում են անատեղից ոչ հեռու, ավելի լավ է դեպի այն դաշտը (մարգագետին, բանջարանոց), ուր ենթադրվում է տանել այն. որպեսզի ջրերից հեղեղվելուց և լվացումից պաշտպանվի կոմպոստի կույտը՝ այն սարքում են որոշ բարձրավանդակի վրա. լավ

է էթե այդ տեղը գտնվում է ստվերի տակ, որովհետև այդ դեպքում կոմպոստն ավելի քիչ է չորանում:

Որովհետև հավաքական կոմպոստի կազմութեան մեջ մտնում են ամենաբազմապիսի կոմպոնենտներ (բազազրիչ մասեր), այդ պատճառով էլ նրա կազմութեանը խիստ տարբեր է լինում: Կոմպոստի մեջ մոտավորապես գտնվում է ազոտ (N) $0,3-0,5\%$, ֆոսֆորական թթու (P_2O_5) $0,2-0,3\%$, կալի (K_2O) $0,3-0,6\%$:

Կոմպոստը լրիվ պարարտանյութ է և լավ է ազդում բոլոր կուլտուրաների վրա: Կոմպոստից առանձնապես լավ արդյունք են տալիս թեթև հողերը: Լրիվ քայքայման հետևանքով, կոմպոստի հետ հողը մտցրած սննդանյութերն արագութեամբ օգտագործվում են, և նրա ազդեցութեանը սահմանափակվում է առաջին և երկրորդ տարով: Մեկ հեկտարին տրվում է 15-ից մինչև 60 տոնն կոմպոստ: Կոմպոստըն առավելապես կիրառում են բանջարանոցներում և այգիներում, ինչպես նաև շաղ են տալիս մարդագետնի երեսին (գարնանը կամ աշնանը), որտեղ նա առավելութեան ունի գոմաղբի նկատմամբ, որովհետև ավելի հեշտութեամբ է հավասարապես բաշխվում մակերեսի վրա:

* * *

Քաղաքային բակերի և փողոցների աղբը կոմպոստացման ենթարկելուց հետո՝ նույնպես լավ պարարտանյութ է դառնում. այդ աղբի կոմպոստն իր կազմութեամբ և պարարտաման եղանակով, շատ ուժան կլինի հավաքական կոմպոստին: Մի քանի մեծ քաղաքների փորձից ելնելով՝ քաղաքային յուրաքանչյուր բնակչին տարեկան ընկնում է 0,3-ից մինչև 0,7 խոր. մետր աղբ: Քաղաքային աղբի կազմութեան մեջ մտնում են՝ մոխիր, ածուխ, թուղթ, լաթեր, ոսկորներ, բանջարեղենի և խոհանոցի մնացորդներ, փայտի կտորներ, ապակու և մետաղի կտորներ, շլաք և այլն: Այդ աղբի քիմիական կազմութեանը բավականին փոփոխական է՝ նայած տարվա եղանակին, կենցաղային պայմաններին, կոյուղու առկայութեանը և այլն:

Բույսերի համար պետքական սննդանյութերը—ազոտը, ֆոսֆորը թթուն և կալիումը—միջին հաշվով հետևյալ (աղյուսակ 20) քանակութեամբ են գտնվում:

Քաղաքների սանիտարական վիճակը լավ դրութեան մեջ պահելու և վարակիչ հիվանդութեաններ չտարածելու համար քաղաքային աղբը գուրս է բերվում և թափվում է քաղաքից հեռու վայրերում՝ մեծ կույտերով. երկար ժամանակ (մի քանի տարի) մնալուց հետո այդ կույտերում աղբը քայքայվում է և վերածվում գրեթե միատեսակ զանգվածի, որը հարուստ է լինում հանքային սննդանյու-

Թերով և այնուհետև կարելի է օգտագործել հողերը պարարտացնելու համար: Հայաստանի քաղաքներում էլ այդպիսի կուտակումներ կան, որոնք այժմ պետք է օգտագործվեն հողերի բերքատվությունը բարձրացնելու համար:

Աղյուսակ № 20

ՔԱՂԱՔԱՅԻՆ ԱՂԻԻ ՔԻՄԻԱԿԱՆ ԿԱԶՄԸ

	Պահպան- վածություն.	Մոխիր	Ընդհ. ազոտ	Ֆոս- ֆորա- թթու	Կալի	Կիր
Մոսկվայի						
Տնային աղբ կանախիզացիա ունեցող բակերից	48	54	0,54	0,46	0,43	1,94
Տնային աղբ կանախիզացիա չունեցող բակերից	60	68	0,57	0,79	—	—
Փողոցի աղբ	13	84	0,30	0,33	—	1,10
Երևանի քաղաքային խառնաղբ . . .	—	—	0,41	1,26	0,58	—

Երևան քաղաքի աղբը սանիտարական տեսակետից անվտանգ դարձնելու նպատակով պրոֆ. Ն. Հակոբյանը այն մշակել է հատուկ կամերայում (Բեկկարի), որից հետո ստացված նյութը փորձարկել է իբրև պարարտանյութ դաշտավարական կայանի գիտ. աշխատող Գ. Ասլանյանը: Մեջ ենք բերում մի քանի ավյալներ վերոհիշյալների աշխատանքներից.—

Աղյուսակ 21

ԱՂԻԻ (ԵՐԵՎԱՆԻ) ՔԻՄԻԱԿԱՆ ԿԱԶՄՈՒԹՅՈՒՆԸ ԿՈՄՊՈՍՍԱՅՈՒՄԻՑ ԱՌԱՋ ԵՎ ՀԵՏՈ

	Մշակումից առաջ 0/0	Մշակումից հետո 0/0
1. Ազոտ	0,41	0,83
2. Ֆոսֆորական թթու	1,26	1,86
3. Կալի	0,58	0,96

Վերամշակված աղբն իբրև պարարտանյութ փորձարկվել է Երևանի քաղաքամերձ հողերում՝ պոմիդորի և բազրջանի վրա. նրա ազդեցությունը համեմատության է դրվել գոմաղբի և հանքային պարարտանյութերի ազդեցության հետ. պոմիդորին վերաբերող արդյունքներն ամփոփված են № 22 աղյուսակում:

Փորձի սխեման	կարժիր պոմիդորի բերքը տոնն հեկտ.	Հավելումը տոնն հեկտ.	Հավելումը $\frac{0}{100}$	Ծանոթություն
1. Առանց պարատացման	14,77	—	—	Պարարտացրած
2. Վերամշակած աղբ 20 տ.	18,08	3,21	23	փորձամարդերում
3. » » 40 տ.	20,02	5,25	35	պոմիդորներն ավելի
4. Հին գոմաղբ 20 տ.	19,58	4,85	32	խոշոր են եղել
5. NPK 100-ական կգ/հեկ.	21,63	6,86	46	

Ելնելով այս փորձերից՝ Գ. Ասլանյանը եզրակացնում է՝

1. Դաշտային փորձերը ցույց են տվել, որ «Բեկկարի» կամերայում վերամշակված աղբը լավ պարարտանյութ է:

2. Աղբի դոզան ավելացնելով՝ ավելանում է և կուլտուրաների բերքը. առայժմ ամենալավ դոզան կարելի է համարել 30—40 տ/հեկտարին:

Մեր քաղաքներում և մանավանդ գյուղերում ներկայումս Բեկկարի կամերան մասսայորեն կառուցելը կապված է լուրջ դժվարությունների հետ, ուստի, մեր կարծիքով, քաղաքային աղբը լավ կլիների կոմպոստացնել հավաքական կոմպոստների եղանակով. քաղաքից հեռու մի վայրում կոմպոստացնելով՝ աղբը կդառնա անվտանգ մի նյութ և լավ պարարտանյութ: Իսկ հին աղբահույտներում արդեն փտած աղբը կարելի է քանդել և դրանով պարարտացնել քաղաքամերձ բանջարանոցային հողերը՝ հեկտարին հաշվելով 30—60 տոնն:

* * *

Արդյունաբերական քափուկները նույնպես օգտագործվում են հողերը պարարտացնելու համար. այդպիսի արդյունաբերություններից գլխավորներն են՝ մսի, ձկնային, ձեթ-օճառի, ծխախոտի, կաշվի, կոնսերվի, բրդի և այլն: Դրանցից Հայաստանում ուշադրություն արժանի են՝

1. Մսի արդյունաբերությունը—սպանդանոցները զոմաղբից և այլ թափուկներից բացի՝ տալիս է նաև չորացրած ալյուր կամ «արյան ալյուր». երբ արյունը մշակվում է տաք զոլորչիով, սպիտակուցները մոակարգվում են, դրանից հետո հեղուկը հեռացվում է, իսկ մակարդվածը չորացվում ու մանրացվում: Արյան ալյուրը շատ լավ ազոտական պարարտանյութ է. պարունակում է 11—13 $\frac{0}{100}$ ազոտ և 0,5—1,0 $\frac{0}{100}$ ֆոսֆորական թթու:

2. Ձեթ-օճառի արդյունաբերությունը տալիս է քուսպ. առանձ-

նապես բամբակի քուսպը և շրտը հայտնի են իբրև լավ օրգանական պարարտանյութեր: Բամբակի քուսպը պարունակում է մոտ 7⁰/₁₀ ազոտ և 1,5—3⁰/₁₀ ֆոսֆորական թթու:

3. Ծխախոտի արտադրությունից ստացվում է ծխախոտի և մախորկայի փոշի, որը պարունակում է մոտ 2,5⁰/₁₀ ազոտ, 0,4-ից մինչև 0,9⁰/₁₀ ֆոսֆորական թթու և 3,5—6⁰/₁₀ կալի:

4. Գինեգործությունից ստացվում է խազողի չեչը և շիրայի խմորումից հետո՝ տիզմը-տականքը. դրանք անմշակ վիճակում պարարտացման համար լավ նյութեր չեն, բայց շատ լավ պարարտանյութ են դառնում որոշ կոմպոստացումից հետո: Ունեն 3—4⁰/₁₀ ազոտ և 3—4⁰/₁₀ կալի:

5. Մետաքսի արդյունաբերության թափուկներից լավ պարարտանյութ է ստացվում. շերամի որդի հարսնյակը ունի ազոտ՝ 9—11⁰/₁₀ և ֆոսֆորաթթու՝ 2,2—2,6⁰/₁₀. մետաքսագործարանի հատակի ավելուցքը ունի 6-ից մինչև 11⁰/₁₀ ազոտ:

6. Կոնսերվի արդյունաբերությունից ստացվող բանջարանոցային բույսերի թափուկները կոմպոստացման ենթարկելուց հետո (արհեստական գոմաղբի վերածելով) միայն կարելի է օգտագործել հողերը պարարտացնելու համար:

7. Պորզենու (герань) յուղը թորելուց հետո մնացած մասսան չի կարելի անմիջապես դաշտ տեղափոխել պարարտացման համար. անհրաժեշտ է նախապես կոմպոստացնել: Մեր կարծիքով նրանից կարելի է պատրաստել արհեստական գոմաղբ մոտավորապես այնպես, ինչպես առաջարկվում է կատարել բուսական մնացորդների նկատմամբ (տես «Արհեստական գոմաղբ» գլուխը):

VII. Մ Ո Ւ Ի Ր

Տեղական պարարտանյութերի շարքում մոխիրն առաջնակարգ տեղ է գրավում. իր նշանակությամբ նա գոմաղբից հետո ամենաարժեքավոր տեղական պարարտանյութն է, իսկ որոշ դեպքերում՝ մոխիրն ավելի մեծ նշանակություն է ստանում, քան թե հանքային մի քանի պարարտանյութերը:

Աշխատենք պարզաբանել, թե ինչու այդպես է:

Մոխիրը բույսի, հետևաբար և բուսական վառելիքի—փայտի, աթարի և այլնի այն մասն է, որ բույսը վերցրել է հողից իր կենդանության ժամանակ՝ իբրև սննդանյութ. ուրիշ խոսքով՝ բույսի մոխիրը հողի սննդանյութերի այն կոմպլեքսն է, որ բույսը վերցրել է հողից: Ոչ մի հանքային արհեստական պարարտանյութ չի պարունակում այն ամենը, ինչ որ պարունակում է մոխիրը: Բույսն այրելիս նրա

հանքային (ոչ միայն մախրային) սննդանյութերից միայն ազոտն է որ օդն է ցնդում. մյուս բոլոր սննդանյութերը—կալիումը, ֆոսֆորը, կիրը, մագնեզիումը և այլն մնում են մոխրի մեջ: Եթե մոխրին ավելացվի նաև ազոտական պարարտանյութ, ապա դրանով կարելի է բույսը լրիվ ապահովել հանքային սննդով:

Մոխրի՝ իբրև պարարտանյութի մյուս կարևոր հատկությունն այն է, որ գոյանում է ամեն տեղ, յուրաքանչյուր գործարանում, տանը, վառարանում, թոնրի մեջ, օջախում և այլն. կարելի է ասել, որ ամեն մի վառարան, թոնիր, օջախ և այլն, որոշ մտքով վերցրած, մոխիր ստանալու փոքրիկ գործարան է. յուրաքանչյուր առանձին տնտեսություն մեջ դոյացած մոխիրը, եթե այնքան էլ մեծ չէ, այնուամենայնիվ մի կոլլեզի սահմաններում մեծ քանակություն է կազմում:

Շաքարի ճակնդեղի բարձր բերքի անվանի վարպետ Մարիա Դեմչենկոն իր «Մեկ հեկտարից ինչպես ստանալ 500 ցենտներից ոչ պակաս շաքարի ճակնդեղ» գրքում գրում է. «Յուրաքանչյուր վառարանից կարելի է հավաքել ոչ պակաս քան 1,5—2 ցենտներ մոխիր: Եթե կոլլեզում գտնվում է 400 տնտեսություն, ապա մեկ տարում կարելի է հավաքել 800 ցենտներ մոխիր, կամ՝ ոչ-պակաս 10—12 տոնն կալիում և ոչ-պակաս քան 3—4 տոնն ֆոսֆորական թթու: Այդ 800 ցենտներ մոխիրը կարող է փոխարինել 250—300 ցենտներ սուպերֆոսֆատին և 600—700 ցենտներ սիլվիխտին»: Եթե սրան ավելացնենք և այն, որ այդքան արժեքավոր պարարտանյութն ստանալու համար չի պահանջվում ոչ մի ծախս, ապա պարզ է դառնում, թե ժողովրդական ինչպիսի բարիք է նա: Այս բոլորից երևում է նաև, որ մոխրն անխնամ պահելու և անուսցիտնալ օգտագործելու այն սխտեմը, որ հնուց մնացել և մեծ մասամբ մինչև հիմա դեռ շարունակվում է մեր կոլլեզներում, ինչքան մեծ վնաս է պատճառում մեր տնտեսությանը: Գիտականորեն ապացուցված է, որ աննպասակ կորցրած մոխրի յուրաքանչյուր կիլոգրամի հետ որոշ չափով նվազում է այն հողի բերքատվությունը, որից դուրս է բերվել այդ մոխիրը: Հողերի բերքատվությունը պրոգրեսիվ կերպով բարձրացնելու գործում պարարտացումն ընդհանրապես, այդ թվում նաև մոխրային պարարտացումը, անհրաժեշտ միջոցառում պետք է համարել:

Մոխրն ավելի լրիվ պարարտանյութ է, քան թե կալիական և ֆոսֆորական հանքային պարարտանյութերը. նա չի պարունակում (կամ գրեթե չի պարունակում) բույսի սննդառություն համար վտանգավոր նյութեր, մինչդեռ հայտնի է, որ կալիական շատ պարարտա-

նյութերի մեջ նատրիումի քլորիդ (սովորական աղ) նյութը կա, որի պատճառով այդ պարարտանյութով չի կարելի ամեն գեպքում և մեծ քանակութեամբ պարարտացում կատարել: Հատկապես թթու հողերի համար մոխիրը լավագույն պարարտանյութ է այն պատճառով, որ այդ գեպքում նա նվազեցնում է հողի ավելորդ թթվութունը և դրանով իսկ նպաստում է բերքատվության բարձրացմանը:

Արտատեղերը, մարգագետինները, խոտհարքները, ինչպես նաև մի շարք տեխնիկական (ծխախոտ, ճակնդեղ, վուշ) ու բանջարանոցային կուլտուրաներն առանձնապես մեծ պահանջ ունեն մոխրային պարարտացման: Մեր այդ կուլտուրաների համեմատաբար ցածր բերքատվութունը կարելի է արագ կերպով բարձրացնել, եթե մյուս ազրոտեխնիկական միջոցառումների և ազոտական պարարտանյութերի հետ միասին նրանց հողերը պարարտացնենք նաև մոխրով: Հենց այդ պատճառով էլ հին երկրագործական երկրներում, այդ թվում նաև Հայաստանում, ամենահին ժամանակներից մոխիրը ճանաչվել է իբրև լավ պարարտանյութ. մի շարք երկրներում նա նույնիսկ վաճառքի նյութ է եղել:

Մոխրի իբրև լավագույն տեղական պարարտանյութի լրիվ գնահատականը տրվում է սոցիալիստական տնտեսութեան մեջ միայն և այդ է պատճառը, որ պարտիական ու կառավարական բազմաթիվ որոշումները մեզ պարտադրում են հատուկ խնամքով հավաքել և անկորուստ ու տեղին գործադրել ինչպես բոլոր տեղական պարարտանյութերը, այնպես էլ մոխիրը: Այս բոլորի նշանակութունն աղելի ևս մեծանում է Հայրենական մեծ պատերազմի պայմաններում:

Մոխրի կազմութունը. Տարբեր վառելանյութերից ստացված մոխիրը բավական տարբեր կազմութուն է ունենում. թեև բոլոր տեսակի մոխիրների մեջ գրեթե միևնույն քիմիական նյութերն են գտնվում, բայց տարբեր քանակութեամբ, Բույսերի աննդատութեան, ինչպես նաև հողերի պարարտացման համար կարևոր էլեմենտները՝ մոխրի մեջ համարվում են՝ կալիումը, ֆոսֆորական թթուն և կիրը. ուստի հողերի պարարտացման համար ավելի լավ մոխիր է համարվում այն, որի մեջ ավելի մեծ քանակութեամբ կալիում, ֆոսֆորական թթու և կիր է գտնվում: Ոչ միայն տարբեր բույսերի մոխիրներն են տարբեր կազմության լինում, այլև միևնույն բույսի մոխրի կազմութունը կարող է մեծ չափով փոփոխութեան ենթարկվել նայած այն բանին, թե լճնչ հողի վրա և ի՞նչ պայմաններում է մշակվել այդ բույսը: Սույն, № 23 աղյուսակի թվերը մեզ գաղափար են տալիս տարբեր մոխիրների միջին կազմութեան մասին:

ՄՈՒԻՐՆԵՐԻ ՔԻՄԻԱՆԱՆ ԿԱԶՄԸ

№№	Մոխիրը	Մոխիրի 0/0 ⁰ զա- ռնելիքի մեջ	100 մաս մոխրի մեջ գտնվում է		
			Կալիում K ₂ O	Փոսֆոր P ₂ O ₅	Կիր CaO
1.	Արևածաղկի	5,4	36,3	2,5	18,5
2.	Եղինճի	12,0	27,2	12,3	15,2
3.	Ցորենի ծղոտ	4,6	13,6	6,4	5,9
4.	Աթար	20,0	12,0	5,0	8,5
5.	Կաղնու փայտի	1,4	8,6	4,9	60,9
6.	Կեչի »	—	13,3	7,1	36,3
7.	Մոճու »	0,3	6,9	2,0	31,8
8.	Եղնու »	—	3,2	2,4	25,3
9.	Ուռնու »	2,8	4,6	2,1	43,5
10.	Տերևեր	8,0	3,0	4,2	—
11.	Տորֆի	10—20/0	0,5—1,0	1,2	20,3
12.	Ծխախոտի ցողուն	4,54	54,6	2,5	22,7

Մոխրի ամենակարևոր էլեմենտը՝ կալիումը, ամենից շատ գտնվում է արևածաղկի, ծխախոտի ցողունի, ծղոտի և ապա աթարի մոխրի մեջ. հետևաբար այդ մոխիրներն, իբրև կալիական պարարտանյութ, ավելի մեծ արժեք ունեն, քան թե մյուս մոխիրները, օրինակ՝ փայտի մոխիրը: Քարածուխի մոխիրը շատ աղքատ է սննդանյութերով և, դրանից բացի, ֆիզիկական վատ դրուժյան մեջ է լինում (շլաքի նման կոշտեր է տալիս), որի պատճառով իբրև պարարտանյութ գրեթե չի օգտագործվում:

Պակաս նշանակություն չունի նաև ֆոսֆորաթթվի քանակությունը մոխիրներում. ինչպես երևում է նույն աղյուսակի թվերից՝ մոխիրների մեջ ֆոսֆորական թթվի պարունակությունը տատանվում է 1⁰/₀-ից մինչև 10—12⁰/₀: վառելանյութերի մոխիրների մեջ ֆոսֆորական թթուն միշտ ավելի քիչ է լինում, քան թե կալիումը. ֆոսֆորով շատ հարուստ են սերմերի-հատիկների մոխիրները, որովհետև բույսի վերջրած ֆոսֆորական թթուն մեծ մասամբ գտնվում է սերմերի կազմության վրա: Մեր ուսպուլը լիկայում ամենից շատ տարածված աթարի մոխիրը մինչև 5⁰/₀ ֆոսֆորական թթու է պարունակում, իսկ սա այնքան էլ փոքր թիվ չէ: Եթե համեմատելու լինենք սուպերֆոսֆատ կոչվող ամենալավ ֆոսֆորական պարարտանյութի հետ, ապա կտեսնենք, որ ֆոսֆորի պարունակությամբ 3—4 ցենտներ մոխիրը հավասար է 1 ցենտներ գործարանային սուպերֆոսֆատին:

Կրի պարունակութեամբ առանձնապես հարուստ են վառելիքայտերի մոխիրները, օրինակ կաղնու փայտի մոխիրը, այդպիսի մոխիրները մեծ նշանակութիւն ունեն կրից աղքատ, թթու հողերը պարարտացնելու համար:

Ինչպես երևում է այս բոլորից՝ մոխիրը միակողմանի պարարտանյութ չէ, այսինքն՝ նա ոչ թե մեկ օգտակար նյութ է պարունակում, այլ՝ ամենաքիչը՝ երեք սննդանյութ. այդ պատճառով էլ, շատ իրավամբ, մոխիրը համարվում է կալիւ-ֆոսֆորա-կրային պարարտանյութ. ոչ մի հանքային պարարտանյութ չի պարունակում այս երեք էլեմենտները միասին:

Մեր սեպտեմբրիկայում ամենից շատ տարածված մոխիրը աթարի (կամ միլենույն է թե ծղոտի) մոխիրն է. այգեգործական շրջաններում որոշ չափով նաև արքադի, բամբակենու ցողունների, խկ անտառամերձ շրջաններում՝ վառելիքայտի մոխիրն է տարածված. ուստի կանդ առնենք այդ մոխիրներին՝ իբրև պարարտանյութի հատկութիւնների վրա:

Աթարի մոխիրը պարունակում է $10-12\%$ կալիում (K_2O), 5% ֆոսֆորական թթու (P_2O_5), և $8-10\%$ կիր (CaO). սա նշանակում է որ այդ մոխրի մեկ տոննը իր սննդանյութերի պարունակութեամբ հավասար է՝

ա) 4 ցենտներ 30% -անոց կալիական աղի, դրան գումարած՝

բ) 3 ցենտներ սուպերֆոսֆատի և

գ) 2 ցենտներ կրային պարարտանյութի.

Արքադի և բամբակենու մոխիրներն ավելի հարուստ են կալիումով և կրով, կաղնու փայտի մոխիրը նույնքան կալիում ունի, ինչքան և աթարի մոխիրը. նրա մեջ թեև կալիումը մի քիչ պակաս է, բայց կիրը մեծ տոկոս է կազմում:

Այս թվերը ցույց են տալիս, որ եթե նույնիսկ հաշվի չառնենք մոխիրների պարունակած կիրը (քանի որ Հայաստանի հողերը կրով պարարտացման կարիք չեն զգում), ապա միայն կալիումի և ֆոսֆորի պարունակութեամբ աթարի մոխրի մեկ տոննը համարժեք է ամենաքիչը 7 ցենտներ ստանդարտ գործարանային պարարտանյութի: Սա այնպիսի բնական և ձրի հարստութիւն է, որից չօգտվելը հանցագործութիւն է սոցիալիստական մեր անտեսութեան պայմաններում:

Մոխիրների մեջ գտնվող ֆոսֆորական թթուն, թեև քանակապես մեծ չէ, բայց, իբրև ֆոսֆորական սննդանյութ ավելի լավ է ազդում, քան թե մի շարք հանքային ֆոսֆորական պարարտանյութերը—օրինակ Թոմաս շլաքը, ոսկրի ալյուրը, ֆոսֆորիտը և այլն. հացահատիկ-

ների ծղոտի մոխիրը, հետևաբար՝ նաև աթարի մոխիրը, այդ տեսակետից առաջնակարգ տեղում են գտնվում: Եթե հաշվի առնենք, որ աթարի մոխրի մեկ տոննի հետ հողն ենք մտցնում 120 կգ. կալիումից բացի, նաև 50 կգ. ֆոսֆորական թթու և որ այդ ֆոսֆորական թթուն կարող է փոխարինել 3 ցենտներ սուպերֆոսֆատին, ապա պարզ է դառնում մոխրի կարևոր նշանակութունը նաև որպես ֆոսֆորական պարարտանյութի:

Մոխրի սննդանյութերի—առանձնապես կալիումի մեծ մասը ջրում հեշտ լուծվող վիճակում է գտնվում. ուստի նշանակում է, որ մոխիրը եթե անձրևից կամ այլ ջրերից լվացվում է՝ ապա մեծ մասամբ կորցնում է իր արժեքավոր նյութերը, հետևաբար նաև՝ պարարտացնող արժեքը: Լվացված մոխիրն իբրև պարարտանյութ մեր կրային հողերի պայմաններում գրեթե ոչ մի արդյունք չի տալիս: Այստեղից պարզ երևում է, թե ինչքան մեծ նշանակութուն ունի մոխիրն ամեն տեսակ ջրերից պաշտպանելը, ուստի թոնրից, վառարանից և այլն՝ դուրս բերած մոխիրը ոչ թե պետք է թափել դրսում անձրևի, ձյան տակ, կամ առհասարակ բացօթյա, այլ պետք է պահել փակ շենքերում, ծածկի տակ: Առանձին տնտեսութունների մոխիրը լավ է հավաքել երկաթյա թիթեղով պատած արկղներում, կամ սովորական արկղներում. միայն պետք է որոշ զգուշութուն անել, որ մոխրի կրակից հրդեհ չառաջանա:

Մոխիրը հավաքելու և պարարտացման համար այն պիտանի վիճակում պահելու աշխատանքը շատ հասարակ գործ է. դրա համար հարկավոր է միայն մի փոքր աշխատանք թափել, գործը կազմակերպել: Ժամանակն է, որպեսզի մեր կոլխոզներում գիտակցեն մոխիրը խնամքով պահելու անհրաժեշտութունը:

Կարելի է չկասկածել, որ մոխիրը մեզ մոտ գործադրելիս բերքատվութունը շատ չափով չի բարձրացել հաճախ այն պատճառով, որ նա անձրևներից և այլ ջրերից լվացվելուց հետո է միայն օգտագործվել իբրև պարարտանյութ: Յուրաքանչյուր կոլխոզում՝ տեղական պարարտանյութերի հավաքման ու պահպանման համար առանձնացրած անձնավորութունը և կոլխոզի ամբողջ տեղավարութունը, իրենց հսկողության տակ պետք է առնեն մոխրի պահպանման գործը. այդ դեպքում համոզված կարող ենք ասել, որ մեր երկրագործութունը կալիական պարարտանյութերով, մասամբ նաև ֆոսֆորական պարարտանյութով լրիվ կբավարարվի, առանց հանքային պարարտանյութ սպառելու:

Մոխիրն առանձնապես լավ պարարտանյութ է թիթեռնածաղկավոր բույսերի հողերը պարարտացնելու և այն հողերի համար, որոնք ազոտով ապահովված են և կարիք են զգում կալիումի և ֆոս-

Փորի. օրինակ, այդպիսիք են սևահողերը, և այն հողերը, որոնք մի քանի տարի գտնվել են առվույտի կամ նման բազմամյա խոտաբույսերի տակ: Լվացված և թթու հողերում, ինչպես նաև ջրով ապահովված հողերում, մոխիրը շատ լավ արդյունք է տալիս: Այդպիսի հողերում մոխրով նույնիսկ սնուցում է կատարվում աշնանացան կուլտուրաների համար և դրանից բերքն ավելի քան 50% -ով բարձրանում է:

Մոխիրն առանձնապես լավ պարարտանյութ է արևածաղկի, վուշի, ճակնդեղի, կարտոֆիլի, բանջարեղենների համար. խաղողի այգիները և ծառապտուղները նույնպես կարիք են զգում մոխրային պարարտացման, իսկ մարգագետինները և խոտհարքները մոխրով պարարտացնելիս՝ մեծ զարկ է տրվում ոչ միայն խոտի ընդհանուր բերքի բարձրացմանը, այլև նրա որակի լավացմանը, որովհետև մոխիրը խոտերի խառնուրդի մեջ ավելացնում է թիթեռնածաղկավոր բույսերի թիվը և բերքատվութունը: Հայաստանի խոտհարքների և մարգագետինների խոտի հետ մեծ քանակութամբ հանքային սննդանյութեր են տեղափոխվում դեպի վարելահողերը. վերջիններս հարստանում են ի հաշիվ մարգագետինների, եթե միայն խոտերից ըստացված գոմաղը, կամ գոմաղից ստացված մոխիրն անկորուստ օգտագործվում են վարելահողերը պարարտացնելու համար: Արևմտյան Եվրոպայում, օրինակ, հաշվում են, որ եթե տնտեսութայն հողերի տարածութայն 8⁰/₀-ը մարգագետին կամ խոտհարք է, ապա նույն տնտեսութայն վարելահողերը կալիական հանքային պարարտանյութերի կարիք չեն զգում, իսկ եթե մարգագետինները կազմում են տնտեսութայն հողերի 45⁰/₀-ը, այդ դեպքում վարելահողերը նաև ֆոսֆորական պարարտանյութերի կարիք չեն զգում: Այս բոլորը ցույց են տալիս, որ մեր մարգագետինները բազմաթիվ տարիների ընթացքում կորցրել են մեծ քանակութամբ մոխրային նյութեր և, մասամբ այդ պատճառով, լիջել է նրանց բերքատվութունը: Այստեղից եզրակացնում ենք, որ խոտհարքների, արոտատեղերի և մարգագետինների բերքատվութունը բարձրացնելու արմատական միջոցներից մեկն էլ նրանց մոխրով—գունե մոխրով—պարարտացումն է:

Մոխրի գործադրման տեխնիկայի մասին պետք է ասել հետևյալը. մոխրի անհրաժեշտ քանակութունը մեկ հեկտար հողամասը պարարտացնելու համար որոշվում է հաշվի առնելով՝

- ա) մոխրի որակը, մեծ մասամբ նրա մեջ եղած կալիումի տոկոսը;
- բ) հողի տեսակը, և նրա ջրով ապահովվածութայն աստիճանը և
- գ) մշակվող բույսի պահանջը:

Մոխրի դոզան որոշելիս ամենից առաջ պետք է որոշել թե մեկ հեկտարին որքան կալիում պետք է տալ. մեր պայմաններում 60 կգ.

կալիումը (K_2O) մեկ հեկտար հացահատիկի հողամասը պարարտացնելու համար, լավ դողա պետք է համարել. եթե անտեսությունն ունի աթարի մոխիր $12\frac{0}{10}$ կալիումի պարունակությամբ, որը չի վացվել, ապա 60 կգ. կալիումի համար բավական կլինի վերցնել 500 կգ. մոխիր. հաշվումները կատարվում են հետևյալ կերպ.

$$x = \frac{a \times 100}{b}, \text{ որտեղ}$$

x — պարարտանյութի (այս դեպքում՝ մոխրի) պահանջվող քանակությունն է մեկ հեկտարի համար՝ կիրառմաներով,

a — սննդանյութի (այս դեպքում՝ կալիումի) նորման է, մեկ հեկտարի համար՝ կիրառմաներով և

b — սննդանյութի տոկոսն է պարարտանյութի մեջ:

Վերոհիշյալ օրինակի թվերը տեղադրելով բանաձևի մեջ ստանում ենք

$$x = \frac{60 \times 100}{12} = 500 \text{ կգ. (կամ 5 ցենտներ) մոխիր՝ 1 հեկտարի համար:}$$

Ինքնին հասկանալի է, որ ինչքան վացված, վատ որակի, կամ՝ հողով խառնված մոխիր է, այնքան նրա կալիումի տոկոսը փոքր կլինի, ուստի և ավելի մեծ քանակությամբ մոխիր հարկավոր կլինի վերցնել նույն տարածությունը պարարտացնելու համար:

Ծանր կավային հողերը սովորաբար ավելի հարուստ են լինում կալիումով, քան թեթև, վացված ու ավազոտ հողերը. ելնելով դրանից՝ ծանր կավային հողերը մոխրով կամ չպետք է պարարտացնել և կամ պարարտացնել համեմատաբար փոքր նորմայով: Հողը որքան ապահովված է ջրով, այնքան ավելի շատ մոխիր կարելի է վերցնել և ընդհակառակը, դեմի և առհասարակ չոր հողերը շատ զգուշությամբ պետք է պարարտացնել մոխրով: Չափից շատ մոխիր տալու դեպքում կավային հողերը նկատելի չափով կարող են փոշիանալ և կեղևակալել, իսկ ջրի պակասությունն ունեցող դեմի հողերում հողը կարող է նաև աղիանալ. այս պայմաններում պարզ է, որ մոխրի անհաշիվ գործադրումը փոխանակ հողի բերքատվությունը բարձրացնելու, ընդհակառակը, նրա անկման պատճառ է դառնում: Ինքնին հասկանալի է, որ աղերով արդեն հարուստ շորաքաթ հողերը մոխրով բոլորովին չպետք է պարարտացնել: Եթե հողը թթու է և մոխիրը գործադրելով նպատակ ունեն չեզոքացնել հողի թթվությունը, ապա կարելի է կրկնապատիկ — եռապատիկ քանակությամբ մոխիր վերցնել:

Մոխրի հարկավոր քանակը որոշելիս անհրաժեշտ է հաշվի առել թե ինչ բույս է մշակվելու ավյալ հողի վրա. պարզ է, որ տարբեր բույսերը հողից տարբեր չափով են մոխրային նյութեր վերցնում և դրան համապատասխան, մոխրով պարարտացման տարբեր պահանջ

են ուն ենուժ: Սույն, № 24 աղյուսակը ցույց է տալիս, թե մի քանի կուլտուրական բույսերը մեկ հեկտար հողից սրճան սննդային նյութեր են դուրս բերում.—

Աղյուսակ 24

Կուլտուրաներ	Բերքը ցենտներ հեկտարից	Մեկ բերքի հետ հեկտարից հանած սննդանյութերը կիլոգրամներով.			
		Ազոտ	Փոսֆոր	Կալիում	Կիր
Յորեն	24	70	30	50	12
Շաքարի ճակնդեղ	400	150	60	175	120
Կարտոֆիլ	200	90	40	160	50
Բամբակ	14	101	40	62	62
Ծխախոտ	14	30	10	62	118
Կաղամբ	700	230	88	311	420
Պաղար	300	95	30	150	120
Սեղանի ճակնդեղ	550	134	45	259	91
Սոխ	300	90	37	120	72
Տոմատ	400	103	16	144	133
Սպանախ	200	94	34	208	44

Ինչպես երևում է աղյուսակի թվերից, բույսերը խիստ կերպով տարբերվում են իրարից նայած նրան՝ թե հողից սրճան սննդանյութ են հանում. այդ տեսակետից բանջարանոցային կուլտուրաների թե բերքն է շատ և թե այդ բերքի հետ հողից դուրս բերվող կալիումի քանակը. շաքարի ճակնդեղը, կարտոֆիլը, ծխախոտը նույնպես կալիումի մեծ քանակութուն են վերցնում. ամենաքիչ կալիումը հանում են հացահատիկները:

Այս թվերը դեռ չեն նշանակում, որ նրանց հարաբերությունը էլ կարելի է սահմանել մոխրի կամ այլ պարարտանյութի հարկավոր քանակութունը՝ այս կամ այն կուլտուրայի համար. այսպես օրինակ, հացահատիկները, թեև 3—4 անգամ ավելի քիչ կալիում են վերցնում հողից, քան թե ճակնդեղը, բայց և այնպես նրանց համար երբեմն կարիք կլինի հողը պարարտացնել մոխրով, իսկ շաքարի ճակնդեղի համար՝ ոչ. ճակնդեղի արմատները, ավելի լրիվ են օգտագործում հողի սննդանյութերը: Հաշվի պիտի առնել նաև բույսի վեգետացիայի երկարությունը, նախորդող կուլտուրան, հողը մոտիկ անցյալում պարարտացված լինելը և այլն:

Հաշվի առնելով այս բազմապիսի պայմանները, ինչպես նաև շատ տարիների փորձը՝ հացահատիկային կուլտուրաների համար ընդունված են մոխրի այն քանակները, որոնք մեջ են բերված № 25 աղյուսակում.

Մոխիրը	Մոխրի նորման մեկ հեկտարին ցենտներով
Արևածաղկի	2
Աշորայի ծղոտի	3
Յարենի ծղոտի	4
Գոմաղբ աթարի	4
Կաղնու փայտի	7
Ուռենու »	15
Արքաղի »	6
Բամբակենու ցողունների	5
Տերևների	6
Տորֆի	60
Ծխախոտի ցողունների	1,5

Բանջարանոցային կուլտուրաների համար, ինչպես նաև արևածաղկի, կարտոֆիլի, ճակնդեղի և ծխախոտի համար այս դոզաները կարելի է կրկնապատկել՝ եթե հողը աղքատ է, բայց ջրով ապահովված է:

Ինչպես արդեն ասվեց, մոխիրը լավագույն պարարտանյութ է մարգագետիններում խոտի բերքը բարձրացնելու համար. դրա նշանակությունը կարելի է տեսնել Վլյատկայի փորձնական կայանի մի փորձից, որի ավյալները մեջ ենք բերում սույն աղյուսակում.

ՄՈՒՐԻ ԱՉԴԵՑՈՒԹՅՈՒՆԸ ԽՈՏԻ ԲԵՐՔԻ ՎՐԱ

Աղյուսակ 26

Պարարտացում	Բերքը (ցենտներ հեկտարից)		
	I հունիս	II հունիս	Հնդամենը
Առանց պարարտացնելու	14,64	0,76	15,40
4 Ցենտն. մոխիր 1 հեկտարին	17,93	2,09	20,02
6 » » » »	22,77	4,46	27,23
8 » » » »	25,56	6,46	32,02
16 ցենտներ զոմաղբի հեղուկ	34,68	12,36	47,04
4 ց. մոխիր + 16 ց. զոմաղբի հեղուկ	37,42	12,72	50,14

Ինչպես տեսնում ենք, հեկտարին 8 ցենտներ մոխիր տալու շնորհիվ խոտի բերքն ավելի քան կրկնապատկվել է, իսկ նույն մոխրի կեսը՝ զոմաղբի հեղուկի հետ միասին զործադրելիս՝ երեք անգամ է բարձրացել բերքը:

Լուսվա փորձնական կայանի ավյալներով մեկ հեկտար խոտահարքին 5—10 ցենտներ մոխիրը բավական է 3—4 տարվա համար: Ավելի լավ է, եթե այդ մոխրի հետ արվի նաև զոմաղբի հեղուկ՝ մեկ հեկտարին 25—30 տակառի հաշվով զարձյալ 3—4 տարվա համար:

Պոմադբի հեղուկը լավ է շաղ տալ վաղ գարնանը, իսկ մոխիրը կա բելի է տալ և՛ գարնան, և՛ աշնան:

Մեր սեպուրը իհարկում մոխրային պարարտացման պակաս էֆեկտի պատճառներից մեկն էլ մեր կարծիքով, այն է, որ հաճախ չափից շատ մոխիր ենք տալիս մեկ հեկտարին. քիչ չեն դեպքերը երբ 1 հեկտարին տրվում է 10-ից մինչև 20 և ավելի տոնն մոխիր, պատճառաբանելով թե դա մաքուր մոխիր չէ, թե նրա մեծ մասը հող է, կամ մոխիրը հին է, լվացված է և այլն: Ինչ էլ լինի՝ այդ մոխիր կոչվող խառը նյութի առնվազը 20³)-ը մաքուր մոխիր կլինի, իսկ դա նշանակում է, որ մեկ հեկտարին տրվում է ամենաքիչը 2-ից 4 տոնն և ավելի մոխիր և դժբախտաբար այդպիսի առատ պարարտացումը կրկնվում է երբեմն մի քանի տարի իրար հետևից՝ նույն հողի վրա: Մեր կարծիքով դա շատ կոպիտ սխալ է, որ թույլ է տրվել տեղերում և հաճախ մտել է ագրոկանոնների մեջ: Քանի ուշ չէ պետք է վերացնել այդ պրակտիկան, ահա թե ինչու:

Մոխիրը, ինչպես յուրաքանչյուր պարարտանյութ, բերքը բարձրացնել կարող է որոշ դոզայի դեպքում միայն, այն էլ այն ժամանակ, երբ մյուս աննդանյութերով և ջրով բույսն ու հողը ապահովված են. միակողմանի և առատ մոխրային պարարտացման հետևանքով, նախ և առաջ, զուր տեղը կորչում է պարարտանյութը և ապա՝ նրա մեծ դոզան հողում ստեղծելով լուծվող աղերի մեծ քանակություն՝ հողն արհեստականորեն աղիացնում է, շորաքաթ է դարձնում. եթե դրա հետ միասին տարին չորային է լինում, իսկ այդպիսի տարիները հաճախ են լինում մեր լեռնային անջրդի շրջաններում, ապա պարզ է դառնում, թե ինչու երբեմն ցանած սերմի չափով անգամ բերք չի ստացվում: Այդպիսի սխալ, առատ պարարտացման հետևանքով զրկվում ենք ոչ միայն այդ տարվա բերքից, այլև փչացնելով հողը՝ այն երկար ժամանակով դարձնում ենք անբերրի: Այս հարցի վրա տեղերում հատուկ ուշադրություն պետք է դարձնեն թե ագրոնոմները, թե կոլտոզի նախագահները, բրիգադիրները և այլն. Մենք խորհուրդ ենք տալիս մեկ հեկտարի համար վերցնել 5—6 ցեմտներ մաքուր մոխիր, կամ 1—2 տոնն հողախառն մոխիր, եթե նրա մոխրի տոկոսը 50-ից չի անցնում: Այս մեր առաջարկն առանձնապես վերաբերում է անջրդի շրջաններին. բայց նույն խորհուրդն ենք տալիս նաև ջրովի հողերի համար. բացառիկ դեպքերում միայն, պահանջուս բույսեր մշակելիս (ճակնդեղ բանջարեղեն և այլն) կարելի է վերոհիշյալ դոզաները կրկնապատկել, բայց դա էլ պետք է կատարվի ագրոնոմի համաձայնությամբ:

Ինչպես ասվեց, մոխրի մեջ ազոտ բովորովին չկա, իսկ ֆոսֆորն ավելի քիչ քանակությու է կազմում, քան թե կալիումը. այդ

պատճառով էլ մոխրով պարարտացում կարելի է կատարել միայն ազոտով հարուստ հողերում. մյուս բոլոր դեպքերում մոխիրն առանձին վերցրած՝ բերքը շատ աննշան չափով է բարձրացնում, իսկ ազոտական պարարտանյութերի հետ միասին մոխիրը դառնում է ամենալրիվ պարարտանյութերից մեկը: Հաճախ պետք է լինում ֆոսֆորի լրացում կատարել, որպէսզի մոխրի մեջ նրա ու կալիումի հարաբերութիւնը ավելի նպաստավոր լինի մի շարք բույսերի զարգացման համար: Աթարի մոխրի 5 ցենտների մեջ մոտավորապես 25 կիլոգրամ ֆոսֆորական թթու արդեն կա. բավական կլինի դրան ավելացնել ևս 25 կգ. ֆոսֆորական թթու, որի համար պետք է վերցնել 140 կիլոգրամ սուպերֆոսֆատ: Այս երկու պարարտանյութերը — մոխիրն ու սուպերֆոսֆատը — միմյանց հետ չի կարելի խառնել նախօրոք, այլ շոկ-շոկ պետք է հողի վրա շաղ տալ և ապա վարել: Թիթեոնածաղկավոր բույսերի, երբեմն նաև մարգագետինների համար այս պարարտացումը բավական է, բայց մյուս բույսերի համար, մանավանդ ոչ-սևահողերում, շատ կարևոր է գործածել նաև ազոտական պարարտանյութեր — հանքային պարարտանյութի կամ գոմաղրի ձևով: Եթե տնտեսութիւնում կան հանքային ազոտական պարարտանյութեր (ամոնիումի սուլֆատ կամ կալցիումի ցիանամիդ), ապա դրանցից կարելի է վերցնել 2—3 ցենտներ (40—60 կգ. ազոտ) մեկ հեկտարի համար: Մոխիրը ոչ մի դեպքում չի կարելի խառնել ամոնիում սուլֆատի հետ. ցիանամիդի հետ կարելի է խառնել, բայց այս դեպքում պետք է հատուկ հսկողութիւն սահմանել խառնելու գործի վրա: Ցիանամիդի հետ խառնվելիք մոխիրը որքան կարելի է մաքուր պետք է լինի, չոր, քարերից և այլ խառնուրդից զերծ: Դրանք իրար պետք է խառնել այն հարաբերութեամբ, ինչպիսի հարաբերութեամբ այդ նյութերը մտցվելու են հողը (մեր օրինակում՝ 5 ցենտներ մոխրի և 3 ցենտներ ցիանամիդ մեկ հեկտարի համար): Խառնելու աշխատանքները պետք է կատարել բաց և չոր տեղում. խառնող բանվորները կամ կոլտոզնիկներն այդ աշխատանքի ժամանակ պետք է քիթն ու բերանը կապեն թաշկիւնակով, իսկ աչքերին ակնոց դնեն: Խառնած պարարտանյութը պետք է պահել ծածկի տակ և դաշտ տանել ու շաղ տալ միայն վարի կամ կրկնավարի նախօրյակին: Սուպերֆոսֆատը չպետք է խառնել ոչ մոխրի, ոչ էլ ցիանամիդի հետ, այլ պետք է օգտագործել առանձին:

Մոխրի գործադրման ժամանակ հատուկ ուշադրութիւն պետք է դարձնել, որ նա հավասարապես շաղ տրվի հողամասի վրա և ոչ թե ախպես լինի, որ մեկ հեկտարի համար սահմանված մոխիրը (օրինակ, 5 ցենտները) շաղ տրվի հեկտարի մի մասի վրա, իսկ մյուս մասը քնա առանց պարարտացման: Եթե մոխիրը հավասարապես

շաղ չտրվի ամբողջ հողամասի վրա, ապա դրանից կստացվի կրկնակի վնաս. նախ այն, որ հողամասի կեսը մոխիր չստանալով՝ բերքի բարձրացում չի տա, իսկ մյուս կեսը չափից շատ մոխիր ստանալու հետևանքով՝ կարող է բոլորովին բերք չտալ, կամ բերքի բարձրացում չտալ: Պարարտանյութի այդպիսի անհավասար բաշխումը հողամասի վրա նման է այն բանին, որ սերմնացանը մեկ հեկտարի համար վերցրած սերմացուն շաղ տա կես հեկտարի վրա, իսկ մյուս կեսը թողնի առանց ցանելու. այս դեպքում պարզ է, որ կոլխոզը կզրկվի ոչ միայն չցանված հողամասի բերքից, այլ և կրկնակի խտությամբ ցանված հողամասի բերքից: Պարզ է, որ նման երևույթի դեմ ամեն կերպ պետք է պայքարել: Նույն դրությունը կարող է լինել նաև այն դեպքում, երբ մոխիրը կարծեք թե հավասարապես շաղ է տրվել ամբողջ հեկտարի վրա, բայց կոշտոտ է եղել, կամ շաղ տալիս մոխիր անհավասար շերտեր են ստացվել հողամասի վրա. այս դեպքում ստացվում է նույն դրությունը—այն բույսերը, որոնք ընկնում են մոխրի կոշտերի կամ կույտերի վրա՝ չորանում են մոխրի շատությունից, իսկ մյուս բույսերը, որոնց մոխիր չի հասել, լավ չեն աճի՝ աննդանյութի—մոխրի պակասության պատճառով: Ահա այս խնդիրների վրա պետք է լուրջ ուշադրութուն դարձնեն բրիգադիրները, որովհետև նրանք անմիջականորեն պատասխանատու են աշխատանքի որակի համար: Ելնելով այս բոլորից՝ կոլխոզներում և սովխոզներում մոխրի և առհասարակ պարարտանյութերի շաղ տալու գործը պետք է հանձնարարել ավելի փորձառու մարդկանց, իսկ երիտասարդներին նախօրոք վարժեցնել՝ վարպետ սերմնացանների հետ մի քանի օր աշխատանքի դնելով:

Մոխիրը և մի քանի պարարտանյութեր հավասարապես շաղ տալու համար կան հատուկ գործիքներ և մեքենաներ. բայց քանի որ դրանցից Հայաստանում դեռ չկան, ուստի աշխատանքը պետք է հիմնականում կատարել ձեռքով:

Ինչպես արդեն ասվեց, մոխիրն առանձին գործադրելը նպատակահարմար կարող է լինել միայն թիթեռնածաղկավոր բույսերի և մարգագետինների համար. մյուս բոլոր դեպքերում մոխրի հետ միաժամանակ պետք է գործադրել նաև ազոտ պարունակող պարարտանյութ. այդպիսի սեղական պարարտանյութ է գոմաղբը: Տնտեսության մեջ գոմաղբի պակաս լինելու դեպքում, կամ երբեմն գոմաղբը խնայողաբար գործադրելու նպատակով, մոխրով կարելի է լրացնել կալիումի և ֆոսֆորի պակասը (մոխիրը չունի օրգանական—այրվող նյութ և ազոտ, որոնցով հարուստ է գոմաղբը). օրինակ՝ եթե գոմաղբով պարարտացնելու համար սահմանված է 40 տոնն, բայց ինչ-ինչ պատճառներով 20 տոնն է տրվում, այդ դեպքում մյուս 20 տոնն գոմաղբի մեջ հղած կալիումը և ֆոսֆորական թթուն կարելի է տալ

մոխրի ձևով, որի համար բավական կլինի վերցնել 5—6 ցենտներ աթարի մոխրի: Այդ մոխրը պարտադիր չէ, որ հողը մտցվի գոմաղբի հետ միաժամանակ, այլ կարելի է տալ զարնան՝ կրկնավարի տակ (եթե հողամասը աշնանից պարարտացվել է գոմաղբով), կամ աշնան աշնանավարի տակ—ցանքսից մի քանի օր առաջ:

Մոխրը ոչ մի դեպքում չի կարելի խառնել գոմաղբի կույտի հետ, քանի որ նրա ազդեցութեան տակ գոմաղբից ազոտի շատ մեծ կորուստ է ստացվում և այդ գոմաղբն այնուհետև կորցնում է իր պարարտացնող արժեքի խոշորագույն մասը:

VIII. ԼՃԱԿՆԵՐԻ ԵՎ ԱՌՈՒՆԵՐԻ ՏԻՂՍԸ*)

Առուներն ու լճակները մաքրելիս ստացված տիղմը բավականին հարուստ է բուսական կիսաքայքայված մնացորդներով և սննդանյութերով: Տարբեր տեղերից հանած տիղմը պարունակում է 0,17-ից մինչև 2,16⁰/₁₀ աղոտ, 0,12-ից մինչև 0,52⁰/₁₀ ֆոսֆորական թթու և 0,13—0,64⁰/₁₀ կալի. չորացրած տիղմի մեջ մինչև 25⁰/₁₀ հումուս կարող է լինել:

Տիղմը դեռևս հին ժամանակներից օգտագործվել է հողերի պարարտացման համար: Մեր լեռնային շրջաններից հոսող գետերն ու գետակներն ամեն տարի մեծ քանակությամբ տիղմ են բերում գետի դաշտավայրերը. այդ տիղմը լավ օգտագործվելու դեպքում դաշտավայրի հողերը բավական կհարստացվեն՝ լեռնային շրջանների հողերի հաշվին: Թե տիղմն ինչպես է ազդում հողերի բերքատվութեան վրա, կարելի է տեսնել Թաթարական Ինքն. ՍՍՌ-ի «Կարմիր աստղ» կոլտնտեսում արված փորձից, որի արդյունքները (աշորայի բերքը) մեջ են բերված № 27 աղյուսակում.

Աղյուսակ 27

Պարարտացում	Գորշ անտառային հող		Դեղրագացված սևահող	
	Հատիկի բերքը	Հավելում	Հատիկի բերքը	Հավելում
Չպարարտացրած	12,00	—	15,10	—
5 տ. տիղմ 1 հեկտարին	15,26	3,26	18,46	3,36
10 տ. » »	16,36	4,36	20,02	4,92
20 տ. » »	16,70	4,70	20,41	5,31
40 տ. » »	17,00	5,00	20,12	5,02
60 տ. » »	16,82	4,82	19,40	4,30

*) Կազմված է ըստ Гусев «Местные удобрения» գրքի:

Նույն փորձի շարունակությունը ցույց է տվել, որ տիղմը հաջորդ տարվա բերքի վրա ևս նկատելի ազդեցություն է արել—տալով մոտ 2 ցենտներ հատիկի հավելում:

Առուներն ու լճակները մաքրելուց հետո դուրս բերած տիղմը մի փոքր օդահարելուց և կիսաչոր դրության բերելուց հետո (բայց ոչ խիստ չորացրած, որովհետև դրանից կառաջանան ամուր կոշտեր) կարելի է տեղափոխել դաշտը և մտցնել հողը: Մուծման լավագույն ժամկետը ցելի կամ աշնան ցրտահերկի տակ մտցնելն է:

Տիղմի մեջ գտնվող սննդանյութերը ջրում հեշտ լուծվող դրությամբ չեն գտնվում և այդ պատճառով նրանով կարելի է պարարտացնել նաև աշնանից՝ առանց վախենալու, որ սննդանյութերը կարող են վազվել ու հեռանալ հողից:

Սակայն երբեմն ավելի նպատակահարմար է տիղմը կոմպոստացնել մոխրի հետ: Նա առանձնապես բարձր որակի պարարտանյութ է դառնում ֆեկալների կամ զոմադրահեղուկի հետ կոմպոստացնելիս: Տիղմն ամենից արժեքավոր պարարտանյութն է թեթև ավազային և քարքարոտ հողերի համար. դրանով հողը հարստանում է սննդանյութերով, ինչպես նաև ձեռք է բերում ստրուկտուրա:

Մեկ հեկտարը պարարտացնելու համար մոտավոր դոզաներն են՝ աշնանացան հացահատիկներին՝ 40—50 տոնն, գարնանացաններին՝ 30—40 տոնն, բանջարանոցներին՝ 60 տոնն: Եթե տիղմը հարուստ է հումուսային նյութերով, ապա նրա դոզան կարելի է պակասցնել, իսկ հումուսից ազրատ տիղմերի դեպքում, ընդհակառակը, շատացնել:

Հողապարարտանյութեր կամ հողային պարարտանյութեր ստացվում են հին բնակավայրերից և ավերակներից. այդպիսի վայրերով Հայաստանը հարուստ է: Մեր մի շարք շրջաններում, առանձնապես բամբակազործական ռայոններում դեռ շատ վաղուց դրանք օգտագործվում են պարարտացման համար: Տեղական պարարտանյութերից այդ խմբի մասին այս դրքույկում չենք խոսում, որովհետև այդ մասին լույս է տեսել գյուղատնտեսական գիտությունների դոկտոր Գ. Դավթյանի հատուկ աշխատությունը:

Ինչպես տեսանք, տեղական պարարտանյութերի տեսակները և ազդյունները խիստ բազմատեսակ են: Այս դրքույկում բոլորը չէ, որ նկարագրել ենք, իսկ նկարագրածներից շատերի վրա շատ քիչ ենք կանգ առել: Դա բխում է նրանից, որ տեղական պարարտանյութերի մասին առհասարակ, իսկ Հայաստանում մասնավորապես, քիչ հետազոտություններ կան կատարված: Միալվամ չենք լինի, եթե ասենք, որ, չնայած սոսկ մի քանի տարիների փորձերի, այժմ ավելի շատ բան դիտենք և կարող ենք ասել հանքային պարարտանյութերի դործադրման մասին, քան թե հազարավոր տարիներ իրրև պարարտա-

նյութ գործադրվող գումարքի և մյուս տեղական պարարտանյութերի մասին: Վերջիններին հետադոտուեթյունները գրեթե նոր են սկսվել: Տեղական պարարտացման նոր սեսուբսների հայտնաբերման և զրանց ուսցիոնալ գործադրման հարցերով այժմս զբաղված է և՛ Ռեսպուբլիկական դաշտավարական գիտա-հետադոտական կայանը և՛ Արմֆանը: Բայց միայն այդ կազմակերպուեթյունները չեն կարող ամբողջ հարցը կարճ ժամկետում լուծել. զբա համար անհրաժեշտ է, որ նախաձեռնուեթյուն ցուցարերեն թե տեղերում աշխատող ագրոնոմները և թե՛ յուրաքանչյուր կոլխոզի նախագահը, բրիգադիրը և շարքային կոլխոզնիկը: Այդ հարցերին վերաբերող խորհուրդներին համար միշտ կարելի է դիմել հետևյալ հասցեով՝ Երևան, Արովյան փ. №123, Դաշտավարական գիտ-հետ-կայան:

Աղյուսակ 28

ԱԶՈՏԻ, ՖՈՍՖՈՐԻ ԵՎ ԿԱԼԻԻ ՊԱՐՈՒՆԱԿՈՒԹՅՈՒՆԸ ՏԱՐԲԵՐ ՏԵՍԱԿԻ ՏԵՂԱԿԱՆ ՊԱՐԱՐՏԱՆՅՈՒԹՅՈՒՆԵՐԻ ՄԵՋ

Պարարտանյութերի անունները	Մեկ տոնն պարարտանյութի մեջ		
	Ազոտ	Ֆոսֆոր	Կալի
	Կ ի լ ո զ բ ա մ ն ե ռ ո Վ		
1. Ոչխարի գումարք, չորը	16	5	14
2. Ոչխարի գումարք, թացը	8	2,5	7
3. Զիւռ գումարք	6	3	5
4. Խառը	5	2,5	5
5. Կովի	4	2,5	5
6. Խոզի	4	2	6
7. Խառը գումարք, ² / ₃ -ը հողային ցամքար (ուղարս)	1,8	0,9	2
8. Խառը գումարք, ⁴ / ₅ հողային ցամքար	1,1	0,6	1,2
9. Դոմարք՝ խառնված ⁹ / ₁₀ հողի հետ (նանբար)	0,6	1,2	0,7
10. Թարմ հող թմբերից, առունների տիղմ և այլն	0,6	1,2	0,7
11. «Բիշերային ոսկի» արտաբնոցի փոսերից	4,5	1,5	1,5
12. «Բիշերային ոսկի» կոմպոստացրած	6,0	2	2
13. Պարարտացնող հող զգիշերային ոսկուց	4,5	1,5	1,5
14. Շերամի որդի հարսնյակներ, չորը	100	20	15
15. Շերամի որդի արտաթորուեթյուններ, չորը	50	10	—
16. » » » » խոնավ	25	5	—
17. Թռչնաղբ, չորը	34	16	8
18. Բամբակի քուսպ	66	28	16
19. Արհեստական գումարք	5	2,5	5

ՅԱՄՔԱՐԻ ԿԱԶՄՈՒԹՅՈՒՆԸ (ՏՈԿՈՍՆԵՐՈՎ)

Յամբարի տեսակը	Ձուր	Ազոտ	Ֆոսֆորական թթու	Կալի	Կլոր	Մոխիր
Աշորայի ձողա	14,3	0,40	0,25	0,85	0,30	3,8
Յորենի » (աշնան)	14,3	0,48	0,22	0,93	0,28	4,6
Վարսակի »	14,3	0,56	0,28	1,63	0,43	4,2
Գարու »	14,3	0,64	0,19	1,07	0,33	4,6
Սիսեռի »	16,0	1,04	0,35	0,10	1,59	4,3
Կորեկի »	—	0,78	0,18	1,28	1,91	—
Յորենի » (զարնան)	14,0	0,40	0,26	0,52	0,29	5,0
Եզիպտացորենի ձողա	15,0	0,48	0,38	1,64	0,49	4,5
Աճարի ձողա	14,3	0,40	0,26	0,52	0,29	5,0
Կաղնու տերև	14,0	0,80	0,34	0,25	2,02	—
Եղնու տերև (փուշ)	—	0,50	0,20	0,08	0,54	—
Սոճու »	—	0,80	0,10	0,13	0,46	—
Մարգագետնի տորֆ	30,0	2,30	0,40	0,20	—	—
Մամռային »	25,0	1,05	0,10	0,02	0,36	2,0
Փայտի թեփ	—	0,20	0,30	0,74	1,08	—

ՅԱՆԿ

	Նմադրութեան կողմից	3
I	Գոմաղը	5
	Ի՞նչից և ի՞նչպես է առաջանում գոմաղը	5
	Ի՞նչպես են լավորակ գոմաղը պատրաստում	10
	Գոմաղբամբարի կառուցվածքը	12
	Գոմաղբի դարսումը գոմաղբամբարում	19
	Գոմաղբի պահպանումը դաշտում	20
	Գոմաղբի կույտի մեջ կատարվող փոփոխութիւնները	21
	Բակտերիաների գործունեութիւնը գոմաղբի մեջ	25
	Ազոտական նյութերի փոփոխութիւնները գոմաղբի կույտի մեջ	28
	Գոմաղբի գործադրման պայմանները և տեխնիկան	33
	Գոմաղբի փոփոխութիւնները հողի մեջ և նրա ազդեցութիւնը բերքի վրա	41
	Գոմաղբի հալաքելու, պահպանելու և տեղափոխելու կազմակերպումը կոլեոզներում	47
	Մեզի և գոմաղբանեղուկի (ժիժա) օգտագործումը	48
II	Ֆեկալային պարարտանյութեր կամ «գլշերային ոսկի»	53
III	Թւչնաղբ (ծերտ)	56
IV	Տորֆ	59
V	Արհեստական գոմաղբ կամ կոմպոստ բուսական մնացորդներից	66
VI	Հավաքական կոմպոստ՝ տնտեսական տարբեր թափուկներից	71
	Քաղաքային բակերի և փողոցների աղբը	73
	Արդյունաբերական թափուկները	75
VII	Մոխիր	76
VIII	Լճակների և առուների տիղմը	89

Е. МОВСИСЯН

Местные удобрения и их использование

(На армянском языке)

Аргиз, Ереван 1942

Պատ. խմբագիր՝
Ա. Գալստյան

ՎՖ 2259. Պատվեր 258. Տիրաժ 2000. Տպա-
գրական 6 մամուլ.

Մտորագրված է տպագրության 20/V—1942 թ.

Հայպետհրատի տպարան, Երևան, Լենինի 65



ԳԱՆ Հիմնարար Գիտ. Գրադ.



FL0008782

229

9160 3 П. 25 4.

A $\frac{\bar{11}}{18177}$

Г. Д. С.